

তৃতীয় সংস্করণ — আশ্বিন ১৩৬৪

ডি. এম. লাইব্রেরী ৪২, কর্ণওয়ালিশ ট্রাট, কলিকাতা-৬ হইতে শ্রীগোপালদাস
সহস্রদার কর্তৃক প্রকাশিত এবং উদ্যালঙ্কার প্রেস ১২, গৌরমোহন মুখার্জী
ট্রাট, কলিকাতা-৬ হইতে শ্রীঅনাদিনাথ কুমার কর্তৃক মুদ্রিত।

—কেরাণীর জীবন—

শ্রীশ্রী৩রামকৃষ্ণ পরমহংস দেবের—

শ্রীচরণ কমলে উৎসর্গ—

রাশিচক্রে সূর্য যথা ভ্রমিতেছে যুগ-যুগান্তব
যুগ্তিকার অভ্যন্তরে সঞ্জীবিত করি' মহাপ্রাণ.—
আত্ম-দৃপ্ত সত্য তব ঘূর্ণমান চলে নিরন্তর
জনতার রাশি-চক্রে সেইমত প্রজ্ঞা বলীয়ান ;
দিগন্তে সমুদ্র যথা ভীমবেগে করিয়া গর্জন
তুলিয়া সহস্র ফণা তরঙ্গের করিয়া সঞ্চারণ
ধরিত্রীর বন্ধ-সৌম আসক্তিরে করিয়া বর্জন
ক্রমাগত ছুটে চলে শ্রাস্তি ক্ষান্তি অশেষিয়া তা'র,—
সেইমত জীবাশ্মার রিপু ক্ষীত কামনা প্রবাহ
পরমাত্মা দিগঞ্জে অগ্রগামী মুক্তি অশেষণ,
মঙ্গল নির্দেশ তব শ্রদ্ধা-ভরে করিব নির্বাহ
জীবনের রঙ্গমঞ্চে প্রবেশ প্রস্থান প্রয়োজনে ।
রামকৃষ্ণ নটগুরু, মহাশিল্পী নিত্য জ্ঞানাধার
সর্ব-ধর্মী সত্য-দ্রষ্টা, অধর্মের লহ'নমস্কার ।

—শ্রীছবি বন্দ্যোপাধ্যায়

বাদক— { হারমোনিয়ম—হরিদাস মুখার্জী
 পিয়ানো—শেখর রায়
 তবলা—ভোলা মল্লিক ।

কলিকাতা বিশ্ববিদ্যালয়ের প্রথম গিরিশ অধ্যাপক ভারতবর্ষের বিখ্যাত নাট্য-সমালোচক ডক্টর শ্রীহেমেন্দ্রনাথ দাশগুপ্তের আশীর্বাণী -

শ্রীমান্ ছবি বন্দোপাধ্যায়ের “কেরাগীর জীবন” পাঠ করিয়া পরম তৃপ্তিলাভ করিয়াছি। মঞ্চে এবং ছায়াচিত্রে ইহার অভিনয়ও খুব জনপ্রিয় হইয়াছে। সৌখীন সম্প্রদায় কর্তৃক যখন ইহার মহরত এবং শ্রীরঙ্গমে ইহার প্রথম অভিনয় হয়, তখন আমাকে সভাপতিত্ব পদে আহ্বান করিয়া সম্মান দেওয়া হয়। আমি অত্যন্ত আনন্দিত যে সেই নাটকখানি এত অল্প সময় মধ্যে সাধারণের নিকট খুবই সমাদর ও জনপ্রিয়তা অর্জন করিয়াছে। আশা করি ইহা সর্বত্র সংবদ্ধিত এবং অভিনীত হইবে। নাটকখানি সাধারণ কেরাগীর সংসার চিত্রের একটি খাঁটি আলোচ্য চিত্র। মধ্যবিত্ত পরিবারের সংগ্রামশীল জীবনের দুঃখ-কষ্ট ইহাতে সম্পূর্ণ পরিস্ফুট। অনেকদিন হইতে আজকালকার অনাটন সংসারের বিষয়বস্তু সংবলিত একখানি নাটকের অভাব বড়ই অনুভব করিতেছিলাম। ছবিবাবু এই উৎকৃষ্ট প্রাণম্পর্শী এবং বাস্তবতামূলক নাটকখানি রচনা করিয়া আমাদের সেই অভাব পূর্ণ করিয়াছেন। আশা করি, নাটকখানি সকলের নিকটই আদরণীয় হইবে। আমি সর্বাস্তঃকরণে আশীর্বাদ করি যে, নাটকেব-
 গুণে নাটকখানি যেন সকলকেই তৃপ্তিদানে সক্ষম হয় এবং প্রাথনা করি এই উদীয়মান নাট্যকারের লেখনীতে এবংবিধ আরও অপূর্ব নাটক প্রসূত হইয়া নাট্যশালার অভাব পূর্ণ করুক—নটনাথ শ্রীমান ছবিকে দীর্ঘজীবী ককক।

১২৪-এবি, রসা রোড,
 কালিঘাট, কলিকাতা।
 ফোন—সাঁউৎ ১০৫০।

শ্রীহেমেন্দ্রনাথ দাশগুপ্ত
 এড্‌ভোকেট
 হাইকোর্ট

কেরাণীৰ জীবন

—: প্ৰথম অভিনয় ৰজনী :

—ৰজনীনাট্য—এব শিল্পীবৃন্দ

ৰূপ-লিপি

| | | |
|--------------------|-----------------|-------------------|
| নন্দী সায়েব | বড সায়েব | প্ৰবোধ চট্টো: |
| বাৰিদ বৰণ গুহ | ছোট সায়েব | } |
| বধুভষণ মুখো. | কেবাণী (বডবাবু) | |
| পৰেশ চন্দ্ৰ (পটলা) | ঐ বড ছেলে | প্ৰেমাংশু বোস |
| মিণ্ট | ঐ ছোট ছেলে | লিটন |
| সত্যবান্ চট্টো: | ঐ নাতি | ৰূপেন মিদ |
| কৃষ্ণচন্দ্ৰ মোদক | ঐ মুদি | মোহনচান্দ দাস |
| গোপেশ্বৰ চক্ৰবৰ্তী | ঐ বাডিওয়ালা | গোবহৰি দাস |
| যতুনাথ ঘোষ | ঐ গোয়ালা | অনিল কুমাৰ |
| কেশবকৃষ্ণ মিত্ৰ | ঐ ডাক্তাব | অনিল দাস |
| নিবারণ চট্টো: | অফিসেৰ কেরাণী | মণি চট্টো. |
| দ্বিজেন ঘোষাল | " | অজিত কুমাৰ |
| সুহাস মহাপাত্ৰ | " | পণ্ডপতি ভট্টা |
| সত্যেন মুখো: | " | সুবোধ ঘোষ |
| ভাস্কৰ ভবানি | " | আনন্দব্ৰত বিশ্বাস |
| অজয় সেন | " | সুকুমাৰ চট্টো: |
| আচা সাহাল (আতিদা) | " | রাধাকান্ত দাস |
| বধিন | " | অশ্ব ভট্টাচাৰ্য্য |

| | | |
|--------|-------------|-----------------|
| হলধর | অফিসের পিওন | দিনেশ চক্রবর্তী |
| নীলমণি | আদালি | সমীর |
| জাপলা | পটলার বন্ধ | |

—:~:—

| | | |
|----------|------------------|---------------|
| সোদামিনী | বিধুবাবুর স্ত্রী | রেখা চট্টো: |
| মাধুরি | ঐ কন্যা (বিধবা) | শেফালি দে |
| মিস্ | ঐ কন্যা (অনুচা) | বাণী বন্দ্যো: |
| বুলু | ঐ কন্যা (অনুচা) | বীণা বসু । |

—:~:—

কেরাণীর জীবন

রূপলিপি

| | মিনার্ভা থিয়েটার | ফিল্ম |
|--------------------|-------------------|----------------|
| নন্দী সায়েব | সমর মিত্র | বসন্ত প্রধান |
| মিঃ গুহ | গৌরীশঙ্কর | গৌরীশঙ্কর |
| বিধুভূষণ | সন্তোষ সিংহ | জহর গাঙ্গুলি |
| পরেণচন্দ্র (পটলা) | ঠাকুরদাস মিত্র | প্রমাংশু বোস |
| মিন্টু | কুমারী মাধুরি | মাঃ চন্দন |
| সত্যবান চট্টো: | কুমারী সূর্য | |
| রুঞ্চচন্দ্র মোদক | শিবকালি চট্টো: | শিবকালি চট্টো: |
| গোপেশ্বর চক্রবর্তী | বিভূতি দাস | রবি রায় |
| গুহনাথ বোষ | মিলন দত্ত | |
| কেশবরুঞ্চ মিত্র | শান্তি চক্রবর্তী | |
| নিবারণ চট্টো: | রঞ্জিত রায় | |
| দ্বিজেন ঘোষাল | ভগবান ভট্টা: | |
| সুহাস মহাপাত্র | প্রভাস দাস | |
| সত্যেন মুখো: | সুধাংশু মুখার্জী | |
| ভানু ভবানি | অশ্বিনী কুমার দাস | সত্যেন মুখো: |
| অজয় সেন | সুধীর গাঙ্গুলী | |
| আচা সান্তাল | ধীরেন সাহা | ভানু বন্দ্যো: |
| জলধর | সরিত চ্যাটার্জী | মণি শ্রীমানি |
| নীলমণি | অমিয় কর | |
| তাপলা | গোপাল চট্টো: | শঙ্কু বন্দ্যো: |
| রবিন | সুশীল রায় | বিকাশ রায় |

| | | |
|----------|---|------------------------|
| সোদামিনী | মিনাভা থিয়েটার বেলারানী পরে উষাবতী—(পটল) | ফিল্ম বাণী গাঙ্গুলি |
| মাধুরি | রমা দেবী | রেণুকা রায় |
| মিষ্ট | সুদীপ্তা রায় | যমুনা সিংহ |
| বলু | মঞ্জুশ্রী চট্টো: | সাবিত্রী চট্টো: |

ভূমিকা

বাস্তব দৃষ্টিভঙ্গির মাধ্যমে “কেরাণীর জীবন” নাটকখানি রচিত। কোনও ব্যক্তিবিশেষকে সমালোচনা করিয়া কিংবা কোনো নীতিকে সমালোচনা করিয়া নাটকটি রচিত হয় নাই। এই নাটকটির মধ্যে আছে মধ্যবিত্ত বাংগালির দৈনন্দিন জীবনের ক’-একটি কঠিন সমস্যা। সমাধান কিরূপে হইতে পারে সেই সম্বন্ধে নাটকে নিভীক ইংগিত থাকিলে বিভিন্ন মতবাদীগণের তাড়নায় নাটকটিকে প্রতি পদে বিপর্যস্ত হইতে হইবে। সেই কারণে সমালোচকগণের হাতেই আমি সমাধানের ভারটি তুলিয়া দিয়া নিশ্চিন্ত হইতে চাই। দেখি যদি কোনক্রমে সমাধানের কোন একটি বিন্দুতে তাঁহারা মিলিতে পারেন !

আমার মনে হয় সাহিত্যের মাধ্যমে সমস্যার সমাধান হয় না, হয় সমস্যার বিশ্লেষণ, ক্রম-বিকাশের পথে সমাধান এক সাময়িক ভগ্নদূতের মত আসিয়া উপস্থিত হয় : বিদ্যায় তাহাকে লইতেই হইবে। কারণ, তখন হয়তো আরও নূতন সমস্যা দ্বারদেশে অপেক্ষমান ! পঞ্চাশ বৎসর পূর্বে মধ্যবিত্ত সমাজের যে সব সমস্যা ছিল, তাহার কথঞ্চিৎ সমাধান হইতে না হইতে পঞ্চাশ বৎসর পরে জীবনে আরও অনেক জটিল সমস্যা দেখা দিল, আরও পঞ্চাশ বৎসর পরে বর্তমানের সমাধানের উপর আরও নূতন কোনও সমস্যার কণ্টক-বৃক্ষ জন্মাইতে পারে। সমস্যা সমাধানের কোন নির্দিষ্ট পথ নাই। ইতিহাসে দেখা যায় যুদ্ধ এবং শান্তির সমস্যা-সমাধান কোনও যুগই করিতে পারে নাই। দে যুগে যে পট-ভূমিকার উপর আমি কেরাণীর জীবন লিখিয়াছি উহা অন্ধকারাচ্ছন্ন। কথা হইতেছে জীবনের উপর আলোক প্রক্ষেপ করিবেন কে ? শাসন শোষণ এবং পীড়নের প্রতিবাদ জানাইলে যে স্থানে

একটা বিরাট দৈত্যের বজ্রমুষ্টি স্বাসনালী চাপিয়া ধরে সেই নরকে মানবের স্বাধীন সভার, মানবের স্বাধীন চেতনার, মানবের স্বাধীন মতবাদের মূল্য কতটুকু? যিশুখ্রীষ্টের যুগ হইতে মহাত্মা গান্ধীর যুগ পর্যন্ত মানুষ তাহার কতটুকু মনুষ্যত্বকে বিকাশ করিতে পারিয়াছে! যতদিন পর্যন্ত না মানুষ একে অস্ত্রের সুখ-দুঃখকে একান্ত আপনার করিয়া লইতে পারিবে, যতদিন পর্যন্ত না রাষ্ট্রের বলিষ্ঠ অর্থনৈতিক কাঠামো প্রস্তুত হইবে, যতদিন পর্যন্ত দেশের ব্যবসায় বাণিজ্য সমৃদ্ধিশালী হইয়া না উঠিবে, আত্মাভিমান, জাত্যাভিমান, বিজ্ঞাভিমান এবং পদমর্যাদাভিমান যতদিন না এদেশ হইতে দূর হইবে এতৎ যতদিন পর্যন্ত না প্রকৃত শিক্ষার প্রসারতা বৃদ্ধি পাইবে ততদিন, শুধু কেরাণীর জীবনকেই নয়, প্রতিটা জীবনকেই অভিশাপের বোঝা বহন করিয়া অপমৃত্যু এবং অকাল মৃত্যুর জগ্ন অপেক্ষা করিতে হইবে। সুতরাং কেরাণীর জীবনের সমস্যা সমাধান করিতে যদি আমি অপারগ হইয়া থাকি, আশা করি দেশের জনগণ তাহার জগ্ন আমাকে নিশ্চয়ই ক্ষমা করিবেন।

বাংলা নাট্য-সাহিত্যে দিক্‌পাল ডক্টর শ্রীহেমেন্দ্রনাথ দাশগুপ্ত মহাশয় এবং বর্তমান বাংলার সর্বশ্রেষ্ঠ নাট্যকার শ্রীশচীন্দ্রনাথ সেনগুপ্ত মহাশয় সৌধীন সম্প্রদায়ের “কেরাণী” মহরতের অমুঠানে যোগদান করিয়া নবীন নাট্যকারকে আশীর্বাদ করিয়াছিলেন। তাঁহাদের চরণ-ধূলি নাট্য-তীর্থের যাত্রাপথে আমার একমাত্র পাথেয়। বর্তমান বাংলা বেতার জগতের নাট্যাধিনায়ক শ্রীবীরেন্দ্রকৃষ্ণ ভদ্র মহাশয় সৌধীন সম্প্রদায়ের প্রথম অভিনয় রজনীতে উপস্থিত থাকিয়া লেখককে জানাইয়াছেন তাঁহার আন্তরিক প্রীতি এবং শুভেচ্ছা। তাঁহার পদপ্রান্তে আমি নিবেদন করি আমার নমস্কার।

—শ্রীহরি বন্দ্যোপাধ্যায়

Mr.

কেরানীর জীবন

দৃশ্য-লিপি

বর্তমান মণ্ডলের জন্ত

| | |
|---------------------------------|-------------------------------|
| ১১১ | ২১০ |
| বিধু মুখ্যজ্যের বাড়ীর রান্নাঘর | মিষ্টান্ন ঘর |
| ১১২ | ডুপ |
| বসিবার ঘর | ৩১১ |
| ১১৩ | অফিস রুম |
| মিষ্টান্ন ঘর | ৩১২ |
| ১১৪ | বারিদবরণ গুহের ঘর |
| সদর দরজার সামনের রাস্তা | ৩১৩ |
| ১১৫ | বিধু মুখ্যজ্যের ঘর |
| রান্নাঘর | ৩১৪ |
| ১১৬ | বিধু মুখ্যজ্যের ঘর |
| অফিস রুম | ডুপ. |
| ১১৭ | ৪১১ |
| নন্দী সায়েবের ঘর | অফিস রুম |
| ডুপ | ৪১২ |
| ২১১ | বিধু মুখ্যজ্যের ঘর |
| বারিদবরণ গুহের ঘর | ৪১৩ |
| ২১২ | পটলার ঘর |
| রান্নাঘর | ডুপ |

সৌখীন সম্প্রদায়ের জন্ম

দৃশ্য-লিপি

| | |
|-----------------------------|---------------------------------|
| ১১১ | ২১৪ |
| রাষ্ট্রাধার | রাষ্ট্রাধার ১১১-এর মত |
| ১১২ | ২১৫ |
| একতলা দালান | দালান দ্বিতল একাংশ (নূতন দৃশ্য) |
| ১১৩ | ড্রপ |
| দ্বিতল দালান | ৩১১ |
| ১১৪ | অফিস ঘর |
| বাড়ীর বহির্ভাগ | ২১১-এর মত (স্ক্রীন) |
| ১১৫ | ৩১২ |
| নীচের দালান, ১১২ এর মত | ছোট সায়েবের ঘর, (স্ক্রীন) |
| ড্রপ | ৩১৩ |
| ২১১ | দ্বিতল দালান |
| অফিস ঘর | ৩১৪ |
| [সৌখীন সম্প্রদায় স্ক্রীন | একতলা দালান |
| ফেলিবেন, চেয়ার টেবিল | ড্রপ |
| সাজাইবার জন্ম] | ৪১১ |
| ২১২ | অফিস ঘর (স্ক্রীন) |
| বড় সায়েবের ঘর (স্ক্রীন) | ৪১২ |
| ২১৩ | একতলা দালান |
| ছোট সায়েবের ঘর | ৪১৩ |
| (স্ক্রীন) | গটলার ঘর |
| | ড্রপ |

কেরানীর জীবন

১১১

[বিধু মুখ্জোর বাড়ী। রান্নাঘর, সৌদামিনী কটুনা কুটিতেছেন। মাধুরি ডাল
।।টিতেছে। সত্যবান পড়িতেছে।]

সত্যবান। “পাখি সব করে রব রাতি পোহাইল,
কাননে কুমুম কলি সকলি ফটিল।”

মাধুরি। “পাখী সব” তো মুখস্থ হয়ে গেছে। আবার সেই
পুরোনো পড়া পড়্ছিস? “সকালে উঠিয়া” পড়াটা মুখস্থ কর।

সত্যবান। “সকালে উঠিয়া আমি মনে মনে বলি
সারাদিন আমি যেন ভালো হ’য়ে চলি।
আদেশ করেন যাহা মোর গুরুজনে
আমি যেন সেই কাজ করি ভাল মনে।”
মা ক্বিদে পেয়েছে—

মাধুরি। আমরা গেলোনা, লক্ষ্মিছাড়া—হতভাগা—

সৌদামিনী। আহা কেন বকচিস মাধু।

সত্যবান। আচ্ছা দিদিমা, এত বেলা পর্যন্ত বুঝি ক্বিদে পায় না?

মাধুরি। এত লোকের মরণ হয়, কই তোর তো মরণ হয় না!

সৌদামিনী। আহা, ও ছেলেমানুষ—ওর কি জ্ঞান-গম্য কিছু
আছে?

মাধুরি। পড়্ পড়্ হতভাগা, পড়্তে না পড়্তে ক্বিদে পেয়েছে।

আ মরণ! জন্মেই তো বাপ্কে একবারে টপ ক’রে গিলে ফেলি!

সৌদামিনী। তা’র জন্তে ওকে বকচিস কেন মাধু? সবই তোর

কেরাণীর জীবন

স্বদৃষ্ট ! দিব্যি জলজ্যাস্ত একটা ছেলের সঙ্গে তোর বিয়ে দিলুম...সবই আমার ভাগ্য !

মাধুরি । যাও, যাও, এখন আর নাকে কেঁদোনা ! গলায় দড়ি কলসি বেঁধে আমাকে জলে ভাসিয়ে দাওনি কেন ? এমন ছেলের সঙ্গে বিয়ে দিয়েছিলে যে ছবলা ছমুঠো পরিবারকে পেট ভ'রে খেতে দিতে পারেনি, পরণে একখানার বেশি ছুথানা সাড়ি জোগাতে পাবে নি—

সোদামিনী । অমন রাজপুত্রের মত সোনার চাঁদ রোজগারি ছেলের সঙ্গে তোর বিয়ে দিলুম—

মাধুরী । বিয়ে দিয়েছিলে তো এক কেরাণীর সঙ্গে—দেড়শো টাকা যার মাইনে ! আর মুখ নেড়ে কথা বলো না । তাছাড়া তোমার ‘জামাই’-এর সংসারে আত্মীয় স্বজনও তো নেহাৎ কম ছিল না । রোজগারি লোক একটি, কিন্তু এবেলা ওবেলার পাত পড়তো কুড়িখানি ।

সোদামিনী । ছুথ্য ক’রে আর কি হবে মা ?

মাধুরি । আমাকে তো পাঠিয়েছিলে তোমরা দাসীবাঁদ করে । (কোভ) স্বামীর সেবা যত করতে পারি আর না পারি তা’র আত্মীয়-স্বজনের ফাই-ফরমাজ খাটতেই অস্থির । তিনটি দেওরের স্কুলের মাইনে, দুটি বোনের বিয়ে, বাড়ি-ভাড়া, বাজার খরচা, খোপা-নাপিত খরচা সবই তো ঐ সামান্য একটা কেরাণীকেই চালাতে হয়েছে । আমার স্বপ্তরের তো আর কিছু সম্পত্তি ছিল না !

সোদামিনী । কি করব বল ? আমরা তোর ভালর জন্য সাধ্যমত চেষ্টা করেছিলুম ।

মাধুরী । ভালো যা করেছে, চিত্তের না-শোয়া পর্যন্ত আর তুল্ছি না ;

কেরাগীর জীবন

শেষে কিনা ভূতের ব্যাগার খাটতে খাটতে অল্প বয়সেই তার.
'থাইসিস্' হ'ল।

সৌদামিনী। আমি কি আর মনে করেছিলুম মাধু—যে সিঁথির
সিঁছর আর হাতের 'নোয়া' ঘুচিয়ে তুই শেষে আমাবই এখানে এসে
উঠ'বি! (ক্রন্দন)

মাধুরি। এখন আর কঁাদলে কি হ'বে? বিয়ে আমার
দিয়েছিলে কেন? স্বাভাভির লাঞ্ছনা-গঞ্জনা সহ্য করতে করতেই জীবনটা
অতিষ্ঠ হ'য়ে উঠল।

সৌদামিনী। কিঙ্ক—আমার বাবাজীবন তো আর তোর ওপর
কোনো অত্যাচার করেনি।

মাধুরি। একটা মেয়েছেলেব ওপর একজন পুরুষ এর চেয়ে বেশি
আর কি অত্যাচার করতে পারে মা! জন্মের মত সে আমার শাঁথা
সিঁছরের সখ ঘুচিয়ে দিয়ে চলে গেল! [মাধুরি কান্না সামলাইয়া লইল।]
আমার যা হ'য়েছে,—হয়েছে; কিঙ্ক, মিনু আর ব্লুকে কোনও দিন।
কেরাগীর সঙ্গে বিয়ে দিও না মা।

সৌদামিনী। মাধু, তোর বাবাও তো কেরাগী।

মাধুরি। তুমি কি বলতে চাও বাবা তোমাকে খুব স্নেহে
রেখেছেন? এক একটি ছেলে তোমার আবার এক একটি রহ। কথাটা
মনে রেখো, জেনে শুনে তোমার আর দুটি মেয়ের জীবন যেন নষ্ট
কোরোনা।

সৌদামিনী। দেখ মাধু, আমরা গরীব মানুষ; বড় ধরে আমরা কি
ক'রে মেয়ের বিয়ে দিতে পারি বল?

মাধুরি। মেয়েকে আইবুড়ো ক'রে ধরে রেখে দাও; কি এমন
মহাভারতটা অণ্ডক হ'য়ে যাবে শুনি?"

কেরানীর জীবন

সৌদামিনী। সমাজে বাস করতে গেলে নিয়ম-কানুন মেনে চলতে হবে তো !

মাধুরি। অক্সায় নিয়ম-কানুনকে মান্তে গিয়ে নিজেকে জীবনের দুখ-কষ্টকে আমরা বাড়িয়ে তুলব ! সমাজটাই তোমাদের কাছে হবে বড়, মানুষ তোমাদের কাছে কিছুই নয়। দেখো মা, লেখাপড়া জানলে তুমি আজ একথা বলতে না।

সৌদামিনী। মুখ্য হয়েই তো এতদিন সংসারটা চালিয়ে আসছি। মুখ্য থেকেই যেন সংসারটাকে নিয়ে শেষদিন পর্যন্ত চালিয়ে যেতে পারি ! কেন, তোকে তো লেখাপড়া শিখিয়েছিলাম, তুইতো ম্যাট্রিক পাশ করেছিস—কি এমন তা'র সফল তুই পাচ্ছিস ?

মাধুরি। শুধু লেখাপড়া শেখালেই হয় না মা। লেখাপড়া শিখিয়ে মানুষকে ঠিক মত চালানো চাই। তোমরা যদি আমাকে আরো পড়াতে, তাহ'লে আজকে আমাকে আর বিয়ে করে একটি ছেলের মা হয়ে এই নিদারুণ বৈধব্য-যন্ত্রণা ভোগ করতে হ'ত না।

সৌদামিনী। কেন ?

মাধুরি। আমার জীবনের ধারা পাল্টে যেত। আমি প্রফেসর হ'তে পারতাম, আইন-জীবী হতে পারতাম, ডাক্তার হ'তে পারতাম। আমার জীবনটাকে তোমরা একেবারে নষ্ট ক'রে দিলে মা। যে কথা বলছিলুম, সমাজকে এত বড় করে দেখো না মা। সমাজের ভালোটাকে যেমন মেনে নোবো, খারাপটাকেও তেমন অস্বীকার করবো।

সৌদামিনী। কিন্তু মেয়ে বড় হ'লে তা'র বিয়ে দিতে হবে তো ?

মাধুরি। বিয়ে নাই বা দিলে, ক্ষতি কি ! সংসারে নিজের পায়ে নিজে ভর দিয়ে দাঁড়াবার জন্তে ছেলেমেয়েদের সেই রকম শিক্ষা দাও।

কেরাণীর জীবন

সোদামিনী। তা'হলে তুই কি বলতে চাস্ কেরাণীদের মধ্যে কোনও সংসারই স্থিতি নয় !

মাধুরি। স্থিতি মনে করলেই স্থিতি ! বিশ বছরে বিয়ে করে বত্রিশ বছরে দেখলাম এক পাল শূয়োর-ছানা আমার আশে-পাশে ঘুরে বেড়াচ্ছে ! স্থিতি আমাকে হতেই হবে ! মাহুঘের বাচ্ছা বলতে আমার মুখে আটকে গেলো মা—তুমি যেন আবার রাগ কোরনা ! তুমি তো আবার সেকেলে মাহুঘ !

[(নেপথ্যে) বিধুবা। কইগো শুনছো ? গিন্নী—অ গিন্নী !]

সোদামিনী। দেখ মাধু, কর্তা আবার চেষ্টামেচি করে কেন ?

মাধুরি। তুমি যাও না, আমি ততক্ষণ হলুদটা বেটে নি।

সোদামিনী। ভাতটা যদি ফুটে যায় নামিয়ে নিস্। কর্তা আবার চান করেই খাবার জন্তে ব্যতিবাস্ত করে তুলবে !

মাধুরি। আমি সব ঠিক ক'রে নোবো এখন, তুমি যাও মা—

[সোদামিনীর প্রস্থান ।]

কইরে পড়্—(সত্যবানকে)

সত্যবান। (বইএর দিকে না চাইয়া ছলিতে ছলিতে)

“পাখি সব ক'রে রব রাতি পোহাইল

কাননে কুসুম কলি—”

মাধুরি। আবার সেই ফাঁকির পড়া ! এই খুস্তি দেখেছিস্—পিঠে ভাঙ'ব। যেটা পড়তে বললুম সেইটে পড়—

(সত্যবান পড়িতেছে। মাধু বাটনা বাটিতেছে)

সত্যবান। সকালে উঠিয়া আমি মনে মনে বলি

সারাদিন আমি যেন ভাল হ'য়ে চলি।

কেরাগীর জীবন

আদেশ করেন বাহা মোর গুরুজনে

আমি খেন সেই কাজ করি ভাল মনে ।

(মঞ্চ ঘূর্ণিত হইল ।)

১।২

[বিধু মুগ্ধজোর বাড়ী । একতলার বারান্দা । একটি “মোড়া”র বসিয়া বিধুবাবু খবরের কাগজ পড়িতেছেন । বিধু মুগ্ধজোর একটি গলবন্ধ কোট কোলে রহিয়াছে ।]

বিধু । গিন্নী—অ গিন্নী—কই গো শুনছ ?

সোদা । এত টেঁচামেচির ঘট। কেন বলতে পার ? আটটা বাজলো তো আর রক্ষে নেই । কি বলছ ?

বিধু । গামছা তেল সব কোথায় ? বলি ‘চান’ করতে হবে তো ? সাড়ে আটটা বেজে গেল । দু’দিন অফিস যেতে দেরী হয়েছে বলে সাড়েব বড় রাগারাগি করেছেন ।

সোদা । গামছা তেল জোগাড় করে দেবার জন্তে এত হাঁক্ ডাঁক ! তুমি এক আশ্চর্য মানুষ । এই নাও গামছা, ঐ বাটিতে তেল রয়েছে, —মাথো । (নীচে তেলের বাটি ছিল) ।

[পটলা ও মিষ্ট প্রবেশ করিল । বিধুবাবু মাটিতে বসিয়া তেল মাগিতে ব্যস্ত । কোটটি মোড়ায় রাখিলেন ।] (পটলার চলা, বলা এবং ভাব ভঙ্গি একেবারে নাটকীয়)

পটলা । আয় আয় মিষ্ট, তাড়াতাড়ি আয় । বাবার আবার অফিস্ যেতে দেরী হ’য়ে যাবে ।

সোদামিনী । সেই কখন বাজারে গেছিস্ বল দিকিনি ।

পটলা । দরদোস্তর করে আনতে হবে তো । ওখানে যা সব গলা-কাটা দর—

মিষ্ট । মা—না—

কেরানীগির জীবন

সোদামিনী। কিরে মিষ্টু—

মিষ্টু। এই দাদা না—

পটলা। কথা পরে শুনবে আগে বাজারটা দেখ।

বিধু। কি হ'য়েছে রে (মিষ্টুকে)

পটলা। কিছু হয়নি, কিছু হয়নি। নাও মা নাও, হিসেবটা

নাও—

মিষ্টু। দাদা বাজারের পয়সা থেকে এক প্যাকেট সিগারেট কিনেছে—

পটলা। বাজে কথা বলবি তো এখনি চড়িয়ে ঠিক করে দেবো।

কই মা নাও, হিসেবটা নাও তাড়াতাড়ি—

বিধু। অল্প বয়সেই নেশাভাঙ করতে শুরু ক'রেছো—বেশ বেশ—

পটলা। দেখেছো মা দেখেছো, মিষ্টুর কথা শুনে বাবা আমাকে—

সোদামিনী। সত্যিই তো! একটা ছোটছেলের কথা শুনে তুমি ওকে বকুছ! ওর আর খেয়ে দেয়ে কাজ নেই, ও গেছে তোমার বাজার খরচা থেকে পয়সা চুরি করতে!

পটলা। বেশতো, কাল থেকে আর বাজারে যাব না, একটা চাকর রেখে দিলেই পারো।

বিধু! দেখেছো, দেখেছো, তোমার ছেলের আকেসটা দেখেছো, কি রকম মুখের ওপর চোটপাট জবাব দিচ্ছে।

সোদামিনী। অন্তায়টা কি বলেছে—শুনি?

বিধু। ভালো—

[তেল মাখিতেছেন]

সোদামিনী। কি কি বাজার এনেছিল পটলা—

কেরাণীর জীবন

পটলা। তোমাকে আমি হাজার দিন হাজার বার বলেছি না যে পটলা বলে আমাকে ডাকবে না ! পটলা মটলা বুঝি আবার ভদ্রলোকের নাম হয় ।

সোদামিনী। কি কি জিনিষ আনলি বল ?

পটলা। সব বলছি দাঁড়াও। ছ'টাকা দিয়েছে তো ? দাঁড়াও হিসেব দিচ্ছি, হিসেবের কাগজটা আগে বের করি।

[পটলা পকেট হাতড়াইতেছে]

বিধু। ছ'টাকার বাজার ! বলো কি গিন্নী !—দিন ছ'টাকার বাজার !

সোদামিনী। তাতেও বৈ পায় না।

বিধু। কিরে এত ক'রে পকেট হাতড়াচ্ছি কেন ? ছ'টাকার হিসেব মুখে মুখে থাকে না বুঝি !

পটলা। To the last pie account মিলিয়ে দিতে হবে তো ! আমার কাছে সব পাবে, কিন্তু ঐ হিসেবের গুণগোল পাবে না ! এই যে—এই—এই পেয়েছি—

[পকেট হাতে বাহির করিল]

(অভিনয়ের কায়দায় পড়িতে লাগিল) চার পয়সা কলমি শাক, বেগুন এক পো তিন আনা, আলু আধ সের ছ'আনা, Lady's finger এক আনা, অ—Lady's finger তুমি তো আবার বুঝবে না—চ্যাঁড়শ, চাঁড়শ এক আনা—

বিধু। এঃ, ব্যাটা আমার বিজ্ঞে দিগ্গজ ! আবার Lady's finger—

পটলা। দাঁড়াও, হিসেবটা জুড়তে দাও—একটা ফুলকপি পাচ আনা—। এই হ'ল তোমার গিয়ে মোট এক টাকা—

কেরাগীর জীবন

বিধু। পাঁচ আনার একটা ফুলকপি ! বলিস্ কিরে !

পট্‌লা। তবে কত ?

বিধু। দেখি তোর কপিটা।

পট্‌লা। মিষ্টু, কপিটা বের ক'রে বাবাকে দেখা তো।

[আটের মাথায়, মিষ্টু একটি ছোট শুকনা কোটা ফুলকপি দেখাইল।]

বিধু। (কপাট খরিয়া) আরে সর্বনাশ ! এই কপিটা পাঁচ আনা !

পট্‌লা। দেখ্ মিষ্টু, কাল থেকে খবরদার তুই আমার সঙ্গে বাজারে যাবিনি। এবার থেকে আমি মূটের মাথায় করে বাজার আনব।

সৌদামিনী। মিষ্টু—তুই যা এখান থেকে।

[থলে রাখিয়া মিষ্টুর প্রস্থান]

বিধু। তোরাই আমাকে মাঝি রে পট্‌লা তোরাই আমাকে মাঝি। তোদের জন্তে আমি একবারে দেউলে হ'য়ে যাব দেখছি।

সৌদামিনী। তুমি ধামো। আজকাল নতুন কপি উঠেছে, দাম তো চড়া হবেই।

পট্‌লা। তুমিই বল না মা !

সৌদামিনী। পাশের বাড়ীর মিত্তির গিন্নি কাল এই এতটুকু বড়ির মত একটা ছোট ফুলকপি দেখালো, ওর কত। কিনে এনেছেন আট আনা দিয়ে—

পট্‌লা। ঠিক কথা—

সৌদামিনী। পট্‌লা তো বরং সস্তায় এনেছে।

পট্‌লা। একশোবার। সস্তা মানে ! দারুণ সস্তা। এর চেয়ে

কেরাগীর জীবন

সস্তা খেতে গেলে ফুলকপিতে হাত দেওয়া বাবে না, খেতে হবে
'ফুলকপি'।

বিধু। কি আশ্চর্য 'ক্লাইভ-স্ট্রীট'-এ—

পটলা। নেতাজী স্মৃতি রোড বল বাবা, দেশ এখন স্বাধীন
হয়েছে, চালাকি নয়।

বিধু। জানো গিন্নী, Office quarter-এ হিন্দুস্থানী মেয়েমানুষরা
এই রকম কপির দাম নেয় দু-আনা মেরে-কেটে দশ পয়সা—

সৌদামিনী। তা'হলে ফেরবার পথে দুটো-একটা কপি ভুমিও তো
হাতে ক'রে আনতে পারো! [পটলা গম্বোজত]

বিধু। এই দাঁড়া, পালাচ্ছি যে! আর এক টাকার হিসেব
কোথায় গেল?

পটলা। পাকা পোনা এনেছি, জ্যান্ত, ধড়কড় করছিল,—চোখের
সামনে কেটে দিয়েছে—

বিধু। ভনিতা রেখে বল, তোর কাছ থেকে দাম কত নিয়েছে—

পটলা। সামান্যই। এক টাকা—

বিধু। বলিস্ কিরে। এক টাকার মাছ!

[বিধু বাবু লাকাইয়া উঠিয়া পাড়লেন]

পটলা। বাজার আগুন! দাঁউ দাঁউ ক'রে জ্বলছে। কার সাধি
হাত দেয়! তবু আমি আনলুম স্নেহ তোমার জন্তে।

বিধু। আমার জন্তে!

পটলা। চার টাকা সেরের জ্যান্ত পোনা এক টাকায় নিলুম
এক পো—Simply তোমার জন্তে বাবা—

বিধু। তোরাই আমাকে মারবি রে পটলা, তোরাই আমাকে
পাঁচ

কেরাগীর জীবন

পটুলা। তা আমাকে বক্ছ কেন, মায়ের সঙ্গে বোকাপড়া কর না।

সোদামিনী। তোমার যে আবার এদিকে দেরী হ'য়ে যাচ্ছে!

বিধু। তিন-তিনবার ম্যাট্রিক ফেল করলি লজ্জা করে না তোর। মিস্ত্র তোর চেয়ে বয়সে ছোট হ'য়ে আই-এ পাশ করে গেল। ব্লুও এইবার ম্যাট্রিক দেবে, হ্যারে, ঘেমা-পিন্ডি একটু কি তোর শরীরে নেই।

পটুলা। আমি তো আর ওদের মত 'টুকলি-ফাই' করে পাশ করতে চাই না, আমি রেগুলার পড়ে পাশ করতে চাই। [প্রস্থান]

বিধু। দেখলে, দেখলে ব্যাটার Exit নেবার কায়দাটা দেখলে!

সোদামিনী। তোমার দেরী হ'য়ে যাচ্ছে কিন্তু।

বিধু। সত্যিই তো, এরই মধ্যে আমার পোনেরো মিনিট বেরিয়ে গেল! নাও—নাও, তাড়াতাড়ি কর গিন্নী, তাড়াতাড়ি কর—আমি হুস্‌হুস্‌ করে ছ'ঘণ্টা জল ঢালব আর আস্‌ব। দৌড়ে যাও গিন্নী—মাথুকে ভাতটা বাড়তে বল।

সোদামিনী। এইবার আরম্ভ হ'ল তাড়ার ওপর তাড়া! কি আশ্চর্য লোক তুমি গা!

বিধু। কেরাগী জীবনটাই বড় আশ্চর্যের গিন্নী—কেরাগী জীবনটাই বড় আশ্চর্যের। শিবশঙ্কু-শিবশঙ্কু -

[মাথায় তেল মাখিতে মাখিতে বিধুবাবুর প্রস্থান। সোদামিনীরও প্রস্থান।]

[মুখে অলস্ট সিগারেট লইয়া পটুলা নিঃশব্দে প্রবেশ করিয়া বিধুবাবুর পকেট হইতে পয়সা চুরি করিতে উদ্ভত। মিস্টর প্রবেশ।]

মিস্টর। বাবার পকেট থেকে পয়সা চুরি করা হচ্ছে! দাঁড়াও না—আমি মাকে ব'লে দিচ্ছি।

কেরাণীর জীবন

পটলা। পা ছ'টো ধরে দেবো এখুনি ঘুরিয়ে এক আছাড়।
বেবো, বেবো এখান থেকে —

মিষ্ট। মা—মা—

[মিষ্টর প্রস্থান]

[পটলা বিধু বাবুর পকেট হইতে পয়সা চুরি করিয়া নিজের পকেটে রাখিতেই বাস্তব, সৌদামিনীর প্রবেশ]

সৌদামিনী। কিরে পটলা এ ঘরে তুই কি করছিস। ওরে
হতভাগা! তুই এখানে সিগারেট খাচ্ছিস, কতটা এখুনি এসে
পড়বেন যে!

[পটলা অগ্নানবধনে সিগারেট টানিতেছে]

বলি কথাটা কানে ঢুকছে না বুঝি? দাঁড়া কতাকে বলে 'ক্লাব'-এ
যাওয়া আমি তোর বন্ধ করে দিচ্ছি। দিনরাত ক্লাব আর ক্লাব
থিয়েটার আর থিয়েটার।

পটলা। জননী গো,

গল্পনা দিও না মোরে আর

ব্যথা আর দিও নাকো প্রাণে।

[সিগারেট টানিতেছে]

সৌদামিনী। আ মরণ! আবার পে-এ-লে করা হচ্ছে!

পটলা। সিগারেট উত্তম জিনিষ,

একটানে এক খণ্টা বাড়ে পরমাণু।

[টানিয়া]

তুমি নাহি জান মাতা

রোম, স্পেন, তাতার, মিশরে,

ইংলণ্ড, জার্মানী, ফ্রান্সে,

আমেরিকা, কাম্বোডিকা দেশে

ভূমিষ্ঠ হইয়া শিশু

স্তন্যপান করিবাব আগে,

কেরানীর জীবন

ধূমপান লাগি ক'রে

ধরা বক্ষে প্রথম ক্রন্দন !

জীবনে পড়নি কতু

History, Geography,

কেমনে বুঝিবে মাগো

কি কহিতে চাই ?

সোদামিনী । কথাটা শুনবি তো আমার, কভা যে এখুনি এসে
পড়বে !

পটলা । আর থিয়েটার ?

তুমি নাচি বুঝিবে গো মাতা

অভিনয় কত বড় Art ।

সোদামিনী । ওরে, কভার চান করা হ'য়ে গেছে । তোর
জন্তেই কভার কাছ থেকে কথা শুন্তে শুন্তে আমার প্রাণটা গেল ।
তুই আমার হাড়মাস একেবারে জালিয়ে খেলিরে পটলা, জালিয়ে খোল ।

পটলা । ব্যস্ত কেন হ'তেছ জননী,

আছে মোর timing জ্ঞান,

যথাকালে লইব exit ।

সোদামিনী । এখান থেকে চলে যা না বাবা ।

পটলা । মাতৃ-আজ্ঞা পালিব এখনি ।

[Art-এর মাধ্যম পদখুলি লইয়া প্রস্থান করিল । Pose-টা নাটকীয়]

কেরাণীর জীবন

১।৩

দ্বিতলের বারান্দা

[এক কোণে একটি চেয়ার ও টেবিল পাতা আছে । মিসু বসিয়া বই পড়িতেছে ।
ছুটিয়া বুল্লর প্রবেশ ।]

বুল্ল । মেজদি, মেজদি—(মিসু বই পড়িতেছে)

বুল্ল । ॐ ৩ মেজদি—(কাধ ধরিয়া কাঁকুনি দিল) । বাবারে বাবা,
দিনরাত শুধু পড়া আর পড়া—

মিসু । কি বলছিস্ ?

বুল্ল । একটা খুব মজার খবর আছে । কি দেবে বল ?

মিসু । তোর খবরটাই আগে শুনি ।

বুল্ল । উহ, তাহ'লে আমার বলা হ'ল না । চল্লুম ।

[বুল্ল গমনোক্তত]

মিসু । বুল্ল শোন—

বুল্ল । বলো—

মিসু । কি খবর রে ?

বুল্ল । বলতে পারি, যদি আগে একটা গান শোনাও । খবরটা
শুনে তোমারই সবচেয়ে বেশি আনন্দ হ'বে—

মিসু । বলবি না তো ? বল ভাই—লক্ষ্মীটী—

বুল্ল । উহ, তুমি আগে সেই গানটা শোনাও—

মিসু । কোন্টা বলতো ?

বুল্ল । সেই যে গো “বাঁশি যদি হতাম আমি ।”

মিসু । বাবার এখন অফিস যাবার সময়—না ?

বুল্ল । তা হ'ক ঠাকুর-দেবতার গান শুনলে বাবা খুসিই হবেন ।
গাও না—

কেরাণীর জীবন

মিহু । গাইছি ।

বাঁশি যদি হতাম আমি

কৃষ্ণ তোমার হাতে

আমার কথা মিশিয়ে দিতাম

তোমার সুরের সাথে ।

হতাম যদি নুপুর পায়ে

প্রণাম দিতাম মন লুটায়

কাজল হ'লে পেতাম শোভা

তোমার আঁধি পাতে ।

কৃষ্ণ আমি হতাম যদি

চন্দন-টিপ-রাশি,

অন্তরাগে রাঙিয়ে দিতাম

তোমার মুখের হাসি ।

হতাম যদি বন-ভ্রমরা

হাতে হাতে পড়তে ধরা

কখন থাকো কার সাথে কোন্

গোপীর আঙিনাতে ।

[রবিনের প্রবেশ]

রবিন । বেশ গেয়েছো, বাঃ চমৎকার !

মিহু । তুমি !

রবিন । আশ্চর্য হ'য়ে গেলে যে !

মিহু । মেজদি, তোমাকে আমি এই খবরটাই দিতে এসেছিলুম ।

রবিন দা' ক'লকাতায় এলেন ছ'বছর পরে, খুব মজার খবর—না
মেজদি ?

কেরাণীর জীবন

মিহু। (গম্ভীর) জানিনা।

বলু। তোমরা দু'জনে কথা বলো। আমি এখুনি আসছি।

[চটুগ ভাবে বলুর প্রধান]

মিহু। বোসো।

[রবিন মিহুর চেয়ারে বসিল]

মিহু। এলাহাবাদ থেকে ফিরলে কবে ?

রবিন। কাল ফিরেছি। আচ্ছা, তুমি এত গম্ভীর কেন বলতে ?

মিহু। যাও, যাও, দু'বছরে যে লোক একখানাও চিঠির উত্তর দেয় না, তার সঙ্গে কথা বলাই উচিত নয়। মাসিমা কেমন আছেন ?

রবিন। ভালো। তুমি ?

মিহু। দেখতেই পাচ্ছ।

রবিন। বড়দি ?

মিহু। জামাইবাণ্ড মারা গেছেন।

রবিন। বলো কি ? কতদিন !

মিহু। একবছর।

রবিন। এত অল্প বয়সে !

মিহু। তোমাদের বাড়ির আর সব খবর ?

রবিন। বাবা মারা গেছেন।

মিহু। সেকি ! গীতা ?

রবিন। আমাদের মায়া কাটিয়ে পৃথিবী থেকে চলে গেছে।

মিহু। এ্যাঃ ! এ সব তুমি কি শোনাচ্ছ। আহা-হা—বরাবর কলেজে সে হ'ত first আর আমি হ'তাম second। আচ্ছা গীতার ওপর তোমার যে আর একটি বোন ছিল—

রবিন। তা'র বিয়ে হয়ে গেছে। নানা ব্যাকারে ~~তোমার~~ আমাদের

কেরানীর জীবন

ভাঙন ধরেছে। বড়দা, বউদি আর ভাইপো-ভাইবাদের নিয়ে আলাদা হ'য়ে গেছেন।

মিতু। আমি এসব বিষয় জান্তাম না র'বনদা। না জেনে আমি তোমাকে দোষ দিয়েছি। তুমি আমাকে ক্ষমা কর।

[বিপ্লবাবুর প্রবেশ]

বিধু। এই যে রবিন—বাবা, কেমন আছো? শুনলুম, তুমি এসেছো।

[র'বন প্রণাম করিতেই বিপ্লবাবু বলিলেন]

বিধু। 'আহা, থাক, থাক-থাক—

[রবিনকে তুলিয়া]

তারপর?

[মিতুর প্রস্থান]

রবিন। আপনার কাছেই এসেছি কাকাবাবু।

বিধু। আসবে বৈ কি বাবা, একশো বার আসবে। এতো তোমার নিজের বাড়ী। তোমার বাবা ছিলেন আমার বিশিষ্ট বন্ধু বুলে রবিন। আঠারোটা বছর পাশাপাশি বাস করেছি। আজই না হয় তোমরা এলাহাবাদে গেছ। যখন খুসি তুমি আসবে এখানে।

রবিন। আজ কিন্তু আমি আপনার কাছে একটা উদ্দেশ্য নিয়ে এসেছি।

বিধু। বলো, বাবা বলো—

রবিন। আমাকে একটা চাকরি করে দিতে হবে।

বিধু। চাকরি! তা' কতদূর পড়েছো?

রবিন। এলাহাবাদ ইউনিভার্সিটি থেকে এম-এস-সি পাশ করেছি।

বিধু। এম-এস-সি পাশ করেছো,—বা-বা-বা বেশ বেশ। তা

কেরাণীর জীবন

চাকরি না হয় একটা বড় সায়েবকে ধ'রে ব্যবস্থা করে ফেলবো, সেজ্ঞে তুমি এত ভেবো না। তুমি এখন আছ কোথায় বাবা ?

রবিন। এক বন্ধুর বাড়িতে।

বিধু। কি আশ্চর্য, তুমি তো আমাদের এখানে এসে থাকতে পারো। দেখো দিকিনি, বলা নেই, কওয়া নেই, কোথায় গিয়ে এক বন্ধুর বাড়িতে উঠেছো। ওগো ~~কুসুম~~ [সৌদামিনীর প্রবেশ]

এই দেখ রবিন কোথায় এক বন্ধুর বাড়িতে গিয়ে উঠেছে।

সৌদামিনী। তাইতো শুনলাম ওর মুখে।

রবিন। মাসিমার সঙ্গে আমি এসেই দেখা করেছি—

বিধু। তা বেশ করেছ বাবা, বেশ করেছো। হাঁ ভালো কথা, তুমি আমাদের এখানে খাওয়া দাওয়া ক'রে যাবে বুঝলে? ওহো দেখছো, কথাটা জিজ্ঞেস করতে একবারে ভুলেই গেছি। তোমার বাবা কেমন আছেন?

রবিন। বাবা, মারা গেছেন।

বিধু। এঁ্যাঃ বলো কি! তোমার বাবা মারা গেছেন? ইস্ নটা বেজে গেল, স্থখ দুঃখের কথাগুলো যে ভালো ক'রে শুনবো তা'রও কোনও উপায় নেই। যাক রবিন—বাবা আমি অফিস থেকে ফিরে এসে তোমার সব কথাই শুনবো। চলো গিন্নী চলো, বলি ভাতটা বাড়ি হয়েছে তো?

সৌদামিনী। হাঁ গো হাঁ, চলো না। মাধু ভাত নিয়ে বসে আছে। [সৌদামিনীর প্রস্থান]

বিধু। ওরে মিছ কোথায় গেলি,—মিছ?

[বুলুর প্রবেশ]

বুলু। বাবা, মেজদিকে ডাকছো?

কেরাণীর জীবন

বিষ্ণু। হাঁ মা, দেখিস, রবিনের যেন খাওয়া-দাওয়ার কোনো কষ্ট না হয়। (প্লপ্লম)

বলু। লোকজন বাড়ীতে এলে বাবার মনে ভারি আনন্দ!

[মিষ্টির প্রবেশ]

মিষ্ণু। এম্-এস্-সি পাশ ক'রে চাকরি করবে!

রবিন। উপায় নেই মিষ্ণু। স্কুল-মাষ্টারের মাইনে খুব কম। আর আমার অভিজ্ঞতা নেই বলে অধ্যাপনার পথটাও আমার কাছে বন্ধ। নিজের খরচাটাও তো নিজেকে চালাতে হবে। আরে এটা যে আমার ছবি!

(বই হইতে বাহির করিল)

বলু। মেজদি খুব বড় ক'রে রেখে দিচ্ছে।

রবিন। পেলে কোথায় মিষ্ণু?

মিষ্ণু। গীতা দিয়েছিল।

রবিন। তোমাদের অহুমতি না নিয়েই আমি এটাকে ছিঁড়ে ফেলতে চাই।

মিষ্ণু। না, আমার জিনিস আমাকে ফিরিয়ে দাও।

[মিষ্ণু রবিনের হাত ধরিল]

বলু। ~~খুঁজি~~ ^{দাম} আসছে— [রবিনের হাত হইতে ছবিটি কাড়িয়া লইল মিষ্ণু]

[পটলচন্দ্রের প্রবেশ]

পটল। কি ব্যাপার—রবিনদা?

রবিন। পরেশ বাবু যে, কেমন আছেন?

পটল। ভালোই। আপনি?

রবিন। মন্দ না। তারপর, কি রকম পড়াশুনো করছেন—

মিষ্ণু। পড়াশুনোর পাট অনেক দিন আগেই ও তুলে দিয়েছে।

রবিন। কেন?

কেরাণীর জীবন

বুলু। গড়াগুনো করলে থিয়েটার করবে কে ?

পটুলা। জানিস, একজন অভিনেতার সম্মান কত ? আরে আই-এ, বি-এ তো পথে ঘাটে ফ্যা ফ্যা করছে, তাদের মধ্যে দানি বাবু ক'জন হ'তে পেরেছে দেখাতে পারিস্।

বুলু। জানো রবিনদা, বাবা মাষ্টার মশাই রেখেছিলেন। তিন দিনের মধ্যেই মাষ্টার পালিয়ে গেলেন।

রবিন। কেন ?

বুলু। মাষ্টারকেই এখন ওর কাছে শিখতে হবে।

রবিন। লেখাপড়া তোমার ভালো লাগে না ?

পটুলা। Very very difficult English Grammar

সংস্কৃত ব্যাকরণ আরো শূকঠিন,

শব্দরূপ, ধাতুরূপ, প্রত্যয়, সমাস,

আখির সম্মুখে নাচে রহস্যের মায়াজাল সম।

রবিন। চমৎকার। পাটিগণিত, বীজগণিত, জ্যামিতি, আলাদা আলাদা তোমার কেমন লাগে ?

পটুলা। অঙ্ক দেখে কম্প দিয়ে জর আসে দেহে

Simple নহে তো মোটে Simplification

পাটিগণিতের পাট করেছি লোপাট

বীজগণিতের বীজ দিয়াছি ফেলিয়া,

জ্যামিতির স্থিতিপথে জ্যামুক্ত করিয়া

নির্লিপ্ত হ'য়েছি আমি অঙ্কশাস্ত্র হ'তে !

রবিন। ইতিহাস ?

[বিস্মিত হইয়া]

কেরাণীর জীবন

পটলা । ইতিহাস তারিখে বোঝা
কিছু অসত্য, কিছু মিথ্যা fact নিয়ে সেথা
আধিপত্য করেছি figure !

রবিন । (হাসিয়া) আর ভূগোল ?

পটলা । পৃথিবীতে শাস্তি পুনঃ হ'ক সংস্থাপিত,
তারপর পড়িব ভূগোল ।
আজিকে রয়েছে যাহা ভারত-সীমানা
কাল তাহা না রঙিতে পারে !
কেবা জানে কার অঙ্গ করিবে বর্ধন,
আজিকার ক্লিষ্ট পিষ্ট
কাশ্মীর কোরিয়া ?

রবিন । চমৎকার ! মুখে মুখে তুমি গৈরিশ ছন্দ রচনা করে
চলেছো—অথচ প্রত্যেকটি বিষয়-বস্তুর সম্বন্ধে কি অপূর্ব অশুভূতি !

পটলা । জিহ্বাগ্রে বসিয়া আছে দেবী সরস্বতী
আমি কি করিতে পারি ?
কর প্রশ্ন, মিলিবে উত্তর ।

[হাসিতে হাসিতে পটলার প্রস্থান]

রবিন । অদ্ভুত প্রতিভা !

মিহু । তোমার ঐ প্রতিভা তিন-তিনবার ম্যাট্রিক 'ফেল'
করেছে ।

রবিন । দেখো মিহু, পরীক্ষা এদের পরীক্ষা করতে পারে না,
এরাই পরীক্ষাকে পরীক্ষা করে ।

বলু । এখন এসব কথা ছাড়ুন তো । চলুন, হাত মুখ ধুয়ে একটু মিষ্টি
মুখ করবেন । আসুন না—
(হাত ধরিয়া টানিতে লাগিল)

[মঞ্চ বর্ণায়মান]

কেরাগীর জীবন

১।৪

বিধু বাবুর বাড়ীর বহির্ভাগ

[সদর দরজা বন্ধ। ছাপ্পা, পটলার বন্ধু আসিয়া শিষ্য দিল। ভিতর হইতে পটলা শিষ্য দিয়া উত্তর দিল। পটলা দরজা খুলিয়া বাহির হইল।]

পটলা। কি রে ছাপ্পা ?

ছাপ্পা। অচিরে কমলের একটু ধুলো দাও ওস্তাদ।

[পদধূলি লইল]

পটলা। কি ব্যাপার বল্ দিকিনি ?

ছাপ্পা। ‘ক্লাব-এ’ যাওনা কেন ওস্তাদ ? দ্রোপদীর পার্টিটা আমাদের শেখাবে না ?

পটলা। দ্রোপদীর পার্টি তোর দ্বারা হ’বে না।

ছাপ্পা। কেন মনে ছুখু দিচ্ছ ওস্তাদ। দ্রোপদীর বস্ত্র হরণের Sceneটা একেবারে গুলে থেয়েছি ওস্তাদ !

পটলা। তুই দ্রোপদী কমলে Publicই তোকে বস্ত্র হরণ দেখিয়ে দেবে।

ছাপ্পা। ওস্তাদ, তোমার ছুটি পায়ে পড়ি, পার্টিটা আমাদের শিখিয়ে দাও ওস্তাদ। আমি তোমাকে চপ্-কাটলেট খাওয়াবো, সিনেমায় নিয়ে যাব—

পটলা। ঠিক—

ছাপ্পা। সত্যি বলছি ওস্তাদ। আজ তা’হলে ‘ক্লাবে’ এ যাচ্ছ তো ?

কেরাণীর জীবন

পটলা। তুই যখন এত করে বলছিল, তখন আমাকে যেতেই হবে। এখন কিছু গুরু-দক্ষিণে ছাড় দিকিনি। কত আছে তোর কাছে ?

তাপ্লা। আট আনা—

পটলা। আট আনাই দে—

তাপ্লা। এই নাও। (তাপ্লা পটলাকে আট আনা দিল)

— [একটি ভিথারিণী ছোট একটি ছেলেকে কোলে করিয়া প্রবেশ করিল]

ভিথারিণী। বাবু, আজ দুদিন কিছু খেতে পাইনি বাবু। কিছু ভিক্ষে দিন বাবু।

তাপ্লা। দেখেছো ওস্তাদ, দেখেছো,—এদের আলায় কিছুতেই পথ চলা যাবে না—বেরো, বেরো এখান থেকে—

পটলা। (ভিথারিণীকে) এই নাও— (আট আনা দান করিল)

(ভিথারিণী চলিয়া গেল)

তাপ্লা। সে কি ওস্তাদ, আট-আনাই দিয়ে দিলে!—
কেন ওস্তাদ!

পটলা। এ' তুই বুঝিনিরে তাপ্লা।

তাপ্লা। তাহ'লে ওস্তাদ পাটটা আমার শিথিয়ে দেবে তো ?

পটলা। তাখ্ তাপ্লা, দ্রোপদীর পাট তুই ছেড়ে দে—

তাপ্লা। কেন ওস্তাদ ?

পটলা। আমি বাইরের একটা call পেয়েছি, সাজাহান play করতে যাব,—টাকা পাওয়া যাবে বুলি। তুই কর্বি মোহাম্মদের পাট। আমি সাজাহান, তুই মোহাম্মদ—

তাপ্লা। তাহ'লে দ্রোপদীর পাটটা—

কেরাণীর জীবন

পটলা। ওরে বোকা Public-boardএ মেয়েছেলের পার্ট করবার জন্তে তোকে তো আর কেউ ডাকবে না—

তাপ্লা। ঠিক বলছো ওস্তাদ !—

(চোখ দুটি বিক্ষারিত করিয়া বলিল)

পটলা। তোর এই গুরুভক্তির জন্তে আমি খুব সন্তুষ্ট। তোকে আমি একেবারে পুরোদোস্তর actor তৈরী করে বাজারে ছেড়ে দেবো। মোহাম্মদের পার্ট যদি তুই ভাল করিস তোকে promotion দেবো ঔরংজীবের ভূমিকায়। ঔরংজীব যদি ভাল করতে পারিস, class promotion পেয়ে তুই উঠবি সাজাহানের সিংহাসনে। তুই তখন চুটিয়ে প্লে করে যাবি, আর আমি auditoriumএ বসে তোর অভিনয় দেখবো !

তাপ্লা। তুমি আমার মনের কথা বলেছো ওস্তাদ। আর একবার পায়ের ধুলো দাও। [পদধূলি লইয়া]

ওস্তাদ, তুমি হবে বাগান, আমি হ'ব ফুল, দর্শকবৃন্দ হবে এক ঝাঁক পাখী, তোমাতে আমাতে মিলে যখন climaxএ ascentটাকে ওঠাবো, তখন দর্শকদের হাত-তালির কলগুঞ্জন আর থামবে না ওস্তাদ—থামবে না !

পটলা। ওরে তাপ্লা, তুই যে উপমায় কালিদাসকেও হার মানালি দেখছি। (হাসি)

তাপ্লা। (হাসিয়া বলিল) সবই তোমার আশীর্বাদ ওস্তাদ—

(গোপেশ্বর প্রবেশ করিল, হাতে লাঠি)

গোপেশ্বর। হ্যাঁ হে, বিধু বাবু বাড়ী আছেন—

পটলা। জানি না।

কেরাগীর জীবন

গোপে । তুমি না বিধু বাবুর বড় ছেলে ? (পটলকে)

তাপ্লা । আজ্ঞে হাঁ ।

গোপে । বড় ডেপো ছোকরা তো ! অকালেই পাক ধরেছে
সোনার চাঁদ । আমি কি তোমাকে জিজ্ঞেস করছি ? (তাপ্লাকে)

পটলা । আজ্ঞে না ।

গোপে । [পটলার প্রতি] আমি কি তোমার সঙ্গে কথা বলছি ?

পটলা । এখন ?

গোপে । হাঁ । এখন নয়তো আবার কখন ?

পটলা । এখন তো আপনি আমার সঙ্গেই কথা বলেছেন—

তাপ্লা । নিশ্চয়ই ।

গোপে । বতনে রতন চেনে ।

পটলা । তা বা বলেছেন মাইরি ।

গোপে । মাইরি ! পাকামি করতে খুব ওস্তাদ দেখছি । সকাল
বেলায় পড়াগুলো নেই বুঝি ! শুধু আড্ডা আর আড্ডা ! আজকালকার
ছেলেরা সব অকাল কুশ্মাণ্ড !

তাপ্লা । যথার্থ বলেছেন ।

পটলা । আপনার কথা শুনে আমরা ধস্ত ! দাছ আমাদের দয়া
করে একটু পড়াবেন ?

গোপে । কি !—আমি তোমাদের ইয়ারকির ষ্টিগ্যি । লজ্জা
করে না তোমাদের বাপ-ঠাকুদার বয়সী লোকের সঙ্গে ইয়ারকি আড্ডা
মাস্তে ! যাই, এখন দেখি বিধু বাবু কি করছেন । [বাড়ীতে গমনোচ্ছত্ৰ]

পটলা । কোথায় যাচ্ছেন ? —অ দাছ—

গোপে । কি দাছ ! দেখতে পাচ্ছ না বুঝি ?

কেরানীর জীবন

পটুলা। পাচ্ছি বোলেই তো বলছি। বিধু বাবু এখন কাজে ব্যস্ত—
এখন তাঁর সঙ্গে দেখা হ'বে না—

গোপে। বটে! দেখা হয় কি না হয় সেটা আমি বুঝবো।

(গমনোচ্ছত)

পটুলা। দাঁড়ান না—অ মশাই—আমার কথাটাই একবার শুুনুন—
গোপে। কি কথা তোমার শুনব বাহু। আমি বাড়ীওয়ালা,
আমার বাড়ীতে আমি ঢুকতে পাবো না!

পটুলা। বিধু বাবুর কাছে মহাশয়ের প্রয়োজন?

গোপে। তা জেনে তোমার কি লাভ হে ছোকরা। তুমি ছেলে
মানুষ ছেলে মানুষের মত থাকবে। বিধু বাবুর কাছে আমি কেন
এসেছি, কি প্রয়োজন, সে কৈফিয়ৎ কি তোমায় দিতে হ'বে? ফের
যদি ইয়ারকি দাও, ত'হলে এই লাঠি দিয়ে মাথা ভেংগে দেবো।
যতো সব—

(ভিতরে প্রস্থান)

পটুলা। ওঃ, বুড়ো তো খুব এক চোট বাঘের খেলা দেখিয়ে গেল।
আরি ঝাপ সোঁ করে ঘুরে বোঁ করে বাড়ীতে ঢুকল। আচ্ছা—বোঁৎ
খাওয়া লোক মাইরি! (অদূরে দেখিয়া) এই ছাপ্লা তুই এখন কেটে
পড়। কেষ্ট মুদি আসছে টাকার তাগাদায়। এবার একেবারে ঘাঁটি
আংগ্লে বসে থাকতে হ'বে,—সদর দরজা আমি আর ছাড়ছি না
বাবা। বুড়ো লোকটা আমায় খুব আকুল দিয়ে গেল।

ছাপ্লা। তাহ'লে আমার পাঁটটা?

পটুলা। কি আশ্চর্য, বললুম তো যে তোকে আমি শিখিয়ে
দেবো। নে নে এখন তাড়াতাড়ি কেটে পড়—

[ছাপ্লার প্রস্থান : পটুলা ভিতরে গমনোচ্ছত : কেষ্ট মুদির প্রবেশ :

কেষ্ট মুদি ডাকিতে পটুলা দাড়াইল]

কেরানীর জীবন

কেষ্ট। বিধুবাবু আছেন, বিধুবাবু—অ মশাই বিধুবাবু বাড়ি
আছেন? শুনেছেন অ মশাই—

পটলা। আমাকে—?

কেষ্ট। আজ্ঞে - হ্যাঁ, বিধুবাবু আছেন?

পটলা। কোন্ বিধুবাবু?

কেষ্ট। বিধুবাবুকে আপনি জানেন না? বিধু বাবু-বিধু বাবু
আপনার বাবা।

পটলা। বাবা বাড়ীতে আছেন কি না আছেন আমি তা কি করে
জানব মশাই?

কেষ্ট। বলেন কি?

পটলা। আজ্ঞে হ্যাঁ, আমি ঐ রকমই বলি।

কেষ্ট। কেন?

পটলা। প্রভুবান নাহি হান মোরে

যাও দরজা রয়েছে মুক্ত,

তারদ্বারে করহ চিৎকার।

কেষ্ট। সে কি মশাই, আপনার বাবা বাড়ীতে আছেন কি না
আছেন আপনি জানেন না!

পটলা। রাত্তিরে আপনি যখন ঘুমোন, আপনি জানতে পারেন
ঘুমটা কখন নামুলো আপনার চোখে? কি ব্রাদার, চুপ করে কেন?

কেন নিরুত্তর?

নাও, এস, কর তর্ক

রয়েছি প্রস্তুত।

লোক তো আপনি একটাই, আপনার হ'য়ে তো আর আর অস্ত্র কেউ

কেরাণীর জীবন

ঘুমোচ্ছে না, তবে আপনি কেন জানতে পারেন না, ক'টা বেজে ক' মিনিটে কি পরিমাণ ঘুম নামল আপনার চোখে ?

কেষ্ট। কি বলছেন আমি তো কিছুই বুঝতে পারছি না !

পটলা। কিছু ভাবতে হবে না, যতক্ষণ পর্যন্ত না বুঝতে পারবেন আমাকে simply একবার বলবেন, আমি একেবারে “Explain with reference to-the context”-এর সব কিছু বুঝিয়ে দেবো। এই দেখুন, প্রাণের সঙ্গে দেহটা রয়েছে, তবু দেহটা প্রাণকে দেখতে পাচ্ছে না। এটা যদি সম্ভব হয়, তাহলে একই বাড়ীতে থেকে বাবা বাড়ী আছেন কি না, সময় বিশেষে ছেলের সঙ্গে কি করে তা জানা সম্ভব ? আমি চিচ্ছি দেহ, বুঝলেন মশাই, আমার বাবা হচ্ছেন আমার প্রাণ।

কেষ্ট। সাবাস্ ভাই—বৈচে থাকুন। আমি ব্যবসাদার—আপনি আমাকেও হার মানালেন।

পটলা। দেখুন মশাই, বাবা রোজগার ক'রে পয়সা আনেন, আর আমি তাই খেয়ে, ফেলে, ছড়িয়ে লড়াই এ কার্তিকটি হয়ে ঘুরে বেড়াচ্ছি। দেখুন সময় বিশেষে সমস্ত ছেলেরই জানা উচিত, বাবা কখন বাড়ী থাকেন আর কখন বাড়ী থাকেন না, (হাসিয়া) বুঝতে পারছেন ?

কেষ্ট। খুব বুঝেছি। কিন্তু, আমার একটা উপকার করুন মশাই। বিধু বাবুকে একবার খবরটা দিন না।

পটলা। নিন, একটা সিগারেট ধরান।

[দুইজনে সিগারেট ধরাইল]

পটলা। আপনি তো কেষ্টবাবু। নিশ্চয়ই আগনি টাকার তাগাদায় এসেছেন ?

কেরানীর জীবন

কেষ্ট। ধুরতেই তো পারছেন ভাই গরীব গেরস্থ মানুষ।

পটলা। সব বুঝতে পারছি ভাই। কিন্তু আপনি একা হাজার চেষ্টা করলেও টাকা আদায় করতে পারবেন না। আপনার যাওয়া চাই
Through proper channel।

কেষ্ট। তাইতো আমি যাচ্ছি ভাই—এই উপকারটুকু ক’রে দিন।

পটলা। বলেছি তো কয়বো। কিছু ছাড়ুন ব্রাদার।

কেষ্ট। কত চান?

পটলা। সামান্যই “না” বললে একটাকা, আর “হ্যাঁ” বললে দু’টাকা। যতবারই আপনি বাবাকে ডাকতে আসবেন, আমি হয় বলব এক টাকা, না হয় বলব দু’টাকা। মনে থাকবে তো? একটাকায় বাবা নেই, আর দু’টাকায় বাবা আছেন।

কেষ্ট। এখন তা’হলে ক’টাকা? (চৌক গিলিয়া)

পটলা। টাকাটা আগে বার করুন—দেখি—

[কেষ্ট মুদ্রি ট্যাক হইতে টাকা বাহির করিল]

পটলা। এখন? দু’টাকা।

কেষ্ট। ও তাহলে বিধু বাবু আছেন; এই নিন দু’টাকা; এবার যদি খবরটা আপনি দয়া করে বিধু বাবুর কাছে পৌছে দেন?

পটলা। পয়সা যখন নিয়েছি তখন কাজ ক’রব বৈকি? হ্যাঁ দেখুন, আর যদি আপনার দেড়শো টাকা কোন রকমে আদায় করে দিতে পারি?

কেষ্ট। তা’হলে আমি আপনার গোলাম হয়ে থাকব—

পটলা। কিন্তু আমি যে ‘টেকা’ চাই ব্রাদার—আমি চাই টাকায় চার আনা ক’রে কমিশন।

কেরাণীর জীবন

কেষ্ট। টাকায় চার আনা বড় বেশী হয়ে যায়—মাথা ঠাণ্ডা করে আপনি একবার ভেবে দেখুন—

পট্টা। মাথা আমার সব সময়ই North pole, South pole হয়ে রয়েছে বুঝলেন? মাথাকে আমি সব সময়ই খুব ঠাণ্ডা রাখি। টাকায় চার আনা এমন আর কি বেশী? এমনিই তো আপনার সমস্ত টাকাটা জলে ডুবে আছে।

কেষ্ট। বেশ তাই হবে। আপনার কথাই রইলো, টাকায় চার আনা কমিশনই আপনি পাবেন ঐ দেড়শো টাকা যদি আমাকে আদায় করে দিতে পারেন।

পট্টা। ভদ্রলোকের এক কথা?

কেষ্ট। টাকা একদিকে, আর আমার কথা একদিকে।

পট্টা। নিন, আর একটা সিগারেট রাখুন। নগদ কড়কড়ে ছোটো টাকা দিলেম। আপনি একটু দাঁড়ান এখানে, দেখি কতটা কি করছে। কতবার আবার এখন ভাত খেয়ে অফিস ঘাবার ‘time’ বুঝলেন কিনা—সুযোগ বুঝে তো বলতে হবে আমাকে? দিন ফর্দটা।

কেষ্ট। এই নিন্।

[পট্টার হস্তে ফর্দ দিল]

পট্টা। কিছুক্ষণ আপনাকে এইখানে দাঁড়িয়ে থাকতে হবে।

কেষ্ট। বেশ তো, আমি রয়েছি। (পট্টার এহান)

কেষ্ট। ওঃ! আচ্ছা বিচ্ছু ছেলে দেখছি। এপারে পুঁতে দিলে ওপারে একেবারে গাছ হ’য়ে বেরবে! দেড়শো টাকা আদায় করতে গিয়ে তিনশো টাকা গাঁট-গচ্ছা দেবো! নাঃ—বাবসা করাও আজকাল ছুতোগ। একবার বাজিয়ে দেখি। কতদূরের জল কতদূরে গিয়ে

কেরানীর জীবন

গড়ায়। দেড়শো টাকা আদায় হয় ভাল, না হয় আবার অন্য কোন একটা ফন্দি ফিকির ভাঁজতে হবে; এখন ঐ মাজা-দেওয়া ছেলেটি ভালোয় ভালোয় বাড়ী থেকে বেরুলে হয়। দেখাই যাক—

[কেই মুদি দাঁড়াইয়া সিগারেটে আগ্নি সংযোগ করিল]

(মঞ্চ ঘূর্ণায়মান)

(১।৫)

স্থান—নীচের দালান

(দুধের বালুতি লইয়া যত্ন প্রবেশ)

যত্ন। মা, দুধের জায়গাটা দিন্—

সোদামিনী। দাঁড়াও বাছা! এই নাও।

(দুধ দিয়া খোষ দাঁড়াইয়া রহিল)

সোদামিনী। কিরে দাঁড়িয়ে কেন?

যত্ন। আচ্ছ, দুধের দামটা—

বিধু। ক'মাসের হয়েছে?

যত্ন। এই মাসটা নিয়ে চার মাস।

বিধু। তোর পাওনা কত?

যত্ন। একশো টাকার ওপর।

বিধু। সর্বনাশ করেছে। একশো টাকার ওপর! কাল থেকে আর তোকে দুধ দিতে হবে না। টাকা আমাদের খেটে রোজগার করতে হয়, টাকাটা তো আর গাছের ফল নয় যে নাড়া দিলেই পড়বে। ধার বাকি বলে যা খুসি তাই একটা হিসেব ধরে দিবি?

যত্ন। কি করি বাবু—খাঁটি দুধ টাকায় এক সের। এই দেখুন না খড় ভূষি এই সেরের দামও হুনোহুনি চড়ে গেছে। গোন্ধকেও আমাদের খেতে দিতে হবে তো বাবু? আর যা তা হিসেবের কথা

কেরাণীর জীবন

বলছেন? আপনি আমার বারো মাসের খদ্দের, অধর্ম আপনার সঙ্গে ক'রব না বাবু। নিতে হয়, দুটো পয়সা চেয়েই নোবো।

বিধু। থাক্ আর ব্যবসাদারী কথা বলতে হবে না। মাসে আমাদের কত ক'রে দুধ লাগে?

যহু। আশ্চর্য প্রায় এক মণের বেশী।

বিধু। একমণ! আরে স্বাপ—একমণ! সর্বনাশ করেছে—সর্বনাশ করেছে—বলো কি গিন্নী—এক মণ দুধ আমার এই একটা সংসারে!

সোদামিনী। তা তো লাগবেই, শত্রুর মুখে ছাই দিয়ে সংসারে ছেলেপুলেও তো কম নয়। মাধুরী, মৌগ, বুলু, পটলা, মিষ্টু, সতু, জাড়া, গাবলা, গোজো, খোস্তা, নেবু—

বিধু। তোমার নেবু-টেবু এখন রাখো গিন্নী। (ঘোষকে) কি রে, তোর হিসেবটা কি হ'য়েছে বল দিকিনি?

যহু। এই সোজা হিসেব দেখুন—তিরিশ দিনে তিরিশ সের—আবার কোনও কোনও দিন মাঠাক্রণ আবার এক আধসের দুধ বাড়তি রেখে দেন।

বিধু। ওকে পঞ্চাশ টাকা দিয়ে দাও তোমার কাছ থেকে।

সোদামিনী। দেখো দিকিনি আমি আবার টাকা কোথায় পাবো?

বিধু। আমার ক্যাস বাস্কট খুলে ঘোষকে পঞ্চাশ টাকা দিয়ে দাও। (ঘোষকে) বাকী পঞ্চাশ টাকা দিন দশেক পরে নিও। পূজোর বোনাস-টা পেলেই সব মিটিয়ে দেবো।

সোদামিনী। (ঘোষকে) এস আমার সঙ্গে।

(উ পুনঃ)

গোপেশ্বর। বিধুবাবু আছেন—বিধুবাবু—

কেরাগীর জীবন

বিধু। কে?

(গোপেশ্বর প্রবেশ করিল পরণে গেকরা, হাতে জপমালা)

গোপেশ্বর। এই যে বিধু বাবু। প্রভুর ইচ্ছায় অনেক কষ্টে আপনার দর্শন পেয়েছি। (হাসি)

বিধু। আজ্ঞে—তা—আপনি...একেবারে বাড়ীর ভেতর?

গোপেশ্বর। ভগবান আপনার মংগল করুন, ভগবান আপনার মংগল করুন। আজ একমাস যাবৎ আমার তিন ছেলে আপনাকে দরজা থেকে ডেকে ডেকে ফিরে যাচ্ছে। আমি ভাব্‌লুম আপনি কাজ কমোর মানুষ, আপনাকেই বা আর ঘোষ দিই কি করে? তাই একবার আপনার এই অফিস বেরুবার সময়ে দুগা বলে একেবারে ঢুকে পড়লুম আপনার এই অনলর মহলে। আর আমি বুড়োমানুষ, আমার কাছে আর মান অপমানের কি আছে? (হাসি)

বিধু। তাতো বটেই, তাতো বটেই।

গোপেশ্বর। এই যাচ্ছিলুম এদিক দিগে ভাব্‌লুম একবার আপনার বাড়ীটা ঘুরে যাই!

বিধু। আমার বাড়ী! সে ভাগ্য কি আর করেছে যে নিজের পয়সায় বাড়ী হবে!

গোপেশ্বর। হবে—হবে সব হবে, সবই ভগবানের ইচ্ছে।

বিধু। তাতো বটেই—তাতো বটেই—

মাধুরি। বাবা, ভাত নিয়ে আসব? (নেপথ্যে)

বিধু। হাঁ—আনো মা।

গোপেশ্বর। আপনার শরীরটাতো খুব রুগ্ন রুগ্ন বলে মনে হচ্ছে বিধুভূষণ বাবু। শরীরের প্রতি একটু যত্ন নেবেন।

বিধু। কেরাগীর আবার শরীর—তার আবার যত্ন!

কেরাগীর জীবন

গোপেশ্বর। এই বলছিলেন কি, ভাড়াটা একবারে মিটিয়ে দিলে হ'ত না? পাঁচ মাসের ভাড়া বাকী পড়ে গেছে। ছেলেরা তো আপনাকে উঠিয়ে দিতে বলছে। তা—এতদিনের ভাড়াটে আপনি, আপনার সঙ্গে তো আর আমি অধর্ম করতে পারি না। (হাসি)

বিধু। হাঁ, তা বটে, আপনার অনেকগুলো টাকা ভাড়া পড়ে গেলো।

গোপেশ্বর। তা হবে বৈকি—তা প্রায় পাঁচমাসের পাঁচশো টাকা। [হাসি]

বিধু। আপনি দয়া করে আর দিন দশ বারো অপেক্ষা করুন। এই পুজোর বোনাসটা পেয়ে তার সঙ্গে আরো কিছু ধার ধোর করে পাঁচমাসের ভাড়া একসঙ্গে পৌছে দেবো আপনার বাড়ীতে।

গোপেশ্বর। আজ আমি তা'হলে চলি—কেমন?

বিধু। হ্যাঁ, আসুন।

গোপেশ্বর। দুগ্যে দুগ্যতি নাশিনী, দুগ্যে দুগ্যতি নাশিনী—
(গমনোত্তর) এঁ্যা—ইঁ্যা—তা'হলে দশদিনের ভেতরেই ওটা শোধ হয়ে যাচ্ছে—কি বলুন?

বিধু। আঞ্জে—আশাতো করি।

গোপেশ্বর। সে ভরসা তো আছেই—বেশ বেশ। ভগবান আপনার মংগল করুন, ভগবান আপনার মংগল করুন। দুগ্যে দুগ্যতি নাশিনী—দুগ্যে দুগ্যতি নাশিনী—

[গোপেশ্বরের প্রস্থান]

[যত্ন চলিয়া বাইতেছে]

বিধু। (যত্নকে) কিরে টাকা পেয়েছিস তো?

যত্ন। আঞ্জে। হাঁ বাবু।

কেরাণীর জীবন

বিধু। মনে আছেতো—বাকী পঞ্চাশ টাকা পূজোর বোনাস
পেলেই দিয়ে দেবো। ওরে বাবা—আমি মারবার লোক নই।

বহু। তাতো জানিই বাবু।

[ঘোষের প্রস্থান]

[মাধুরী ভাত লইয়া প্রবেশ করিল, বিধুবাবু থাইতে বসিলেন]

মাধুরী। ধার দেন। কেন রেখে দাও বাবা। মাইনে পেয়ে
মিটিয়ে দিতে পারেন না ?

বিধু। কেরাণীর সংসার চালানো বড় চারটিখানি কথা নয় মা।

(মাধুরীর প্রস্থান। পটলায় প্রবেশ)

পটলা। বাবা—বাবা—

বিধু। কি—কি—বাবা ?

পটলা। এত করে বলছি—কিছুতেই শুনবে না !

বিধু। কি হ'ল—ব্যাপারটা খুলেই বলো না !

পটলা। কেঠমুদি—

বিধু। কোথায় ?

পটলা। বাইরে দাঁড়িয়ে আছে। এই দেড়'শো টাকার একটা
ফর্দ আমার হাতে দিলে—দেখনা—

বিধু। দেড়শো টাকা। আমাকে একটু শান্তিতে খেতে দিবি
না কি ?

পটলা। ১১২০০ টাকা আমাকে দাওনা, তা হ'লেইতো সব ঝাটা
চুকে যায়। কেঠমুদি আমাকে টাকায় চার আনা কমিশন দিতে রাজি
হ'য়েছে।

বিধু। যা হতভাগা বেরো, বেরো এখান থেকে—

কেরানীর জীবন

পটলা। যতো চোট্‌পাট সব আমার ওপর! এখানে তো বলবে
রোজগার করিস্ না কেন? Money saved is money earned.
কেষ্টমুদিকে কি বলব?

বিধু। বলবি—আমার মাথা আর তোর মুণ্ড।

পটলা। তা আমায় বক্‌ছো কেন? আমি কি কস্‌লুম?
বোঝাপড়া যা করবার কেষ্টমুদির সঙ্গেই করে নিও। আমি তো আর
কেষ্টমুদি নই! দূত অবধ্য!

(পটলার প্রস্থান)

[বিধুবাবু কীসার ঘাসে কবিরাজ জল খাইতেছেন, ধীরে ধীরে মিস্ট্র প্রবেশ করিল।]

মিস্ট্র। বাবা—

বিধু। কি! (রাগিয়া)

মিস্ট্র। কয়লাওলা টাকার জন্তে এসেছে—

[বিধুবাবু সঙ্গে সঙ্গে ঘাস ছুঁড়িয়া ফেলিয়া বিরা ক্ষিপ্ত হইয়া ভাত ফেলিয়া উঠিয়া
পড়িলেন।]

বিধু। তত্তোর'—খাওয়ার নিকুচি করেছে! খাওয়ার সময় কয়লা,
গয়লা, বাড়ীওলা— যতো সব—

(সোদামিনী দ্রুত প্রবেশ করিলেন)

সোদামিনী। কি হ'ল গো ভাত ফেলে উঠে পড়লে কেন?

বিধু। সখ ক'রে, আনন্দ ক'রে ফ'র্তিতে আমার প্রাণটা নেচে
উঠেছে কিনা তাই! শান্তিতে ছমুঠে! পেট ভ'রে ভাত খেতে পাব না।
ম'লে বাঁচি! হোমাদের হাত থেকে কবে যে নিষ্কৃতি পাব তা একমাত্র
ভগবানই জানেন। চল্ চল্—ব্যাটাচ্ছেলে, দেখি তোর কয়লাওলা
কি বলছে।

[মিস্ট্রর কান ধরিয়া হিড়্ হিড়্ করিয়া টানিতে টানিতে বিধুবাবুর প্রস্থান]

সোদামিনী ক্যাল ক্যাল করিয়া চাছিয়া রহিলেন।]

[মক ঘূর্ণমান]

কেরাগীর জীবন

১৬

অফিস ক্রম

[চেয়ার টেবিলে বসিয়া কেরাগীর কাজ করিতেছে। মাঝখানে বড়বাবুর চেয়ার শূন্য।]

সতোন। কি ব্যাপার ভাছ, বড়বাবু তো এখনও এসে পৌঁছুলেন না। এদিকে তো গাড়ি দশটা বাজে।

অজয়। শুন্‌লুম, কালকে নাকি গুহ সায়েব বড়বাবুকে খুব একচোট বাঁতানি দিচ্ছেন দেবী করে অফিসে আসবার জন্তে।

আচ্য। সায়েবের তো আর গায়ে লাগে না।

দ্বিজেন। সত্যি কথা, মোটা মাইনের চাকরি, রাজার হালে রয়েছে।

হুগাস। ঠিক বলেছি দ্বিজেন। সায়েবকে তো আর বাজার হাট ক'রে, রাশন বাড়ীতে পৌঁছে, গম-ভাণ্ডিয়ে অফিসে আসতে হয় না।

ভাছ। আসা মানে! কোনও রকমে দুটো হাতে ভাতে ক'রে, ট্রাম বাস ধ'রে ঝুলতে ঝুলতে আসা,— সে কথাটাও বল।

সতোন। কেরাগীর জীবনটাই অভিশপ্ত।

দ্বিজেন। প্রাণের কথা খুলে বলেছ সতোন দা। বারো বছর একটা অফিসে চাকরি করবার পর, একখানি বিধি-পত্ৰ হাতে ধরিয়ে দিল!

আচ্য। বিধি-পত্ৰ—! সে আবার কি!

দ্বিজেন। Retrenchment notice গো!—Retrenchment notice। ওরে ভেনো, তোর নশ্‌তির ডিবেটা দে।

[ভাছ দ্বিজেনকে নশ্‌তির ডিবে দিল। ভাছ নশ্‌তি টানিয়েছে।]

কেরানীর জীবন

সুহাস। আমার কি হ'ল! এর আগে আমি যে অফিসে চাকরি করতুম সেখানে কি রকম Injustice হ'ল জানো! আমার পরে যে Clerk এল, অফিসারের Relative বলে সে আমাকে ছাড়িয়ে In-charge হ'য়ে গেল!

আচা। এ যে Upset বাজী হে! ইস্ — (মুখে দুঃখের শব্দ)

দ্বিজেন। কেন, আমাদের এই অফিসে কি হ'ল? Superintendent হবার কথা বনবিহারীবাবুর—তার জায়গায় গিয়ে বসলেন খনকেষ্টবাবু। সবই Oil এর ব্যাপার ভাই, সবই Oil এর ব্যাপার।

ভানু। কি আশ্চর্য! অফিসার বলে কথা! তাঁরা হচ্ছেন মানবরূপী এক একটি ক্ষুদ্রে ক্ষুদ্রে দেবতা, তাঁদের একটু আধটু Oilify না করলে চলে!

সুহাস। জানিস্, আমার ~~সেই~~ ^{১৬ মেম্বর} কোনও একটি অফিসে গেছল চাকরির জন্তে। জানুতে পারলাম, অফিসারটি চাকরি অবশ্য তাকে দিতে পারেন provided আমার ~~কোন~~ ^{৩০ দিন} তার সঙ্গে হোটেলে যাব!

অজয়। বলিস্ কি রে!

দ্বিজেন। ব্যাটাকে, গিয়ে জুতিয়ে দিতে পারলি নি?

সুহাস। আইনের খাঁড়া মাথার ওপর ঝুলছে ব্রাদার, ট্রেসপাসের চার্জে ফেলে তখনই আমাকে Arrest করাবে।

ভানু। ওরে দ্বিজেন, বিড়িটা নিভে গেল। দেশলাইটা দে। ধরিয়ে নি।

আচা। কোনও অফিসে এক ভদ্রমহিলা ঢুকলেন সামান্য এক Lady Typist হ'য়ে, মাইনে তখন ছিল দেড়শো টাকা। কিন্তু অফিসারের সুনজরে পড়ায় তিনি হ'লেন প্রাইভেট সেক্রেটারী, মাইনেটা তখন হ'ল দেড় হাজার টাকা!

কেরাণীর জীবন

ভানু । বলো কি আচ্চি দা ! Graphic Sketch হ'লে তাহ'লে মোটাশুটি এই Figureটা পাড়ায় !—ছিল Calcutta to Ranchi, হ'ল Calcutta to Karachi—!

অজয় । মেয়েরা সব রাহুর মত কি বলিস্ ভেনো ?

ভানু । তা যা বলেছিল মাইরি, আমরা আবার সকলে এক একটি পুণিয়ার চাঁদ কিনা ? (হাসি)

সত্যেন । তোমরা যাই বল না কেন—কেরাণী হ'য়ে আমরা চাকরিতে ঢুকেছি, আবার কেরাণী হয়েই মারা যাব !

দ্বিজেন । এটা আমাদেরই দোষ সত্যেন দা ! আমরা নিজেরা কেরাণী বলে, ছেলেরদেরও কেরাণী হিসেবে গড়ে তুলতে চাই !

সুহাস । সত্যি কথা, রামের বাপ ছেলের ম্যাট্রিক পাশের জন্য অপেক্ষা করছে—

অজয় । শ্রামের বাপ দেখছে ছেলে কখন আই-এ পাশ করবে—

আচ্চি । আর যত্ন বাপ দেখছেন ছেলে কখন গেছুড়ে হবে—মানে Graduate হবে !

দ্বিজেন । তারপর বাস্, চাকরি থাকতে থাকতেই সায়েবের হাতে-পায়ে ধরে ছেলেকে পঞ্চাশ টাকা মাইনের একটা চাকরিতে চুকিয়ে দাও !

সত্যেন । ও, না হ'য়েই বা উপায় কি ?—রোজগারী একটা মাত্র লোক, কতদিকে আর পেরে ওঠে বলো !

[ঘরান্ড কলেবরে হাঁপাইতে হাঁপাইতে বিধুবাবুর প্রবেশ । Attendance Register খুঁজিতে গিন্না হাত লাগিয়া জলের প্লাস পড়িয়া গেল]

কেরানীর জীবন

[হলধর পিওন টুলে বসিয়া চুপিসেছে]

বিধু। তুমোর কাজের নিকুচি করেছে। এঃ জলটা পড়ে গেল !
ওরে হলধর,—দেখেছো—দেখেছো, আঁকেল দেখেছো—ব্যাটা ঘুমুচ্ছে !
নাঃ. এরা পাঁচ জনে মিলেই চাকরীটাকে আমার খাবে দেখছি !
হলধর—

সত্যেন। এই হলধর—হলধর—

[হলধর আঁচনকা বলিয়া উঠিল 'বাবু'।]

সত্যেন। দেখ্ বড়বাবুর টেবিলে গেলাস উন্টে জল পড়ে
গেছে—একটা ঝাড়ন দিয়ে মুছে নে। (বড়বাবুকে) কি খুঁজছেন
আপনি ?
(হলধর ঝাড়ন আনিতে যায়)

বিধু। Attendance Register.

সত্যেন। তা এতক্ষণ আমাদের বলবেন তো ?

বিধু। দাও ভাই দাও—তোমার কাছে নাকি ?

সত্যেন। একটু আগে Attendance Register গুহ সাহেবের
পিয়ন এসে নিয়ে গেছে।

বিধু। সর্বনাশ করেছে ! আজ আবার বরাতে গালমন্দ রয়েছে।
তাই তো এখন কি করি ?

সত্যেন। করবেন আর কি ? গিয়ে চেয়ে নিন্। আপনি ভো
আচ্ছা ভীতু লোক ! সাহেব হচ্ছে আপনার ছেলের বয়সী, তাও
আবার তিনি বাঙ্গালী, তাকে এতটা ভয় কিসের শুনি ? তিনি কি
আপনার গর্দানটা কেটে নেবেন ?
(হলধর আসে)

বিধু। না, না, তোমরা বোঝো না, সাহেব, আমাদের ভারী
বদরাগী।

কেরাগীর জীবন

সত্যেন। বদরাগী আছেন বাড়ীতে আছেন, আমাদের কি ?
বুঝতাম হ্যাঁ—তিনি বদরাগী - আমাদের গালমন্দ করে daily দশ টাকা
করে বক্শিস্ দিচ্ছেন—তা'হলে তাঁর রাগটাকে বরদাস্ত কর্তুম।

ভানু। সত্যি কথা, পেটে খেলে তবে পিঠে সয়—

বিধু। হলধর — (হতাশার ডাক)

হলধর। কি বলছেন বড়বাবু—

বিধু। এক গ্রাম জল দে বাপ একটু সামলে নিই—

ভানু। আচ্ছা, আপনি অত ভয় পাচ্ছেন কেন বলুন তো ? সায়েব
এক কথা বলবে আপনি দশ কথা শোনাবেন।

বিধু। তোমরা ছেলেমানুষ কিনা—সংসারটাকে সবুজ চোখে
দেখছে। চাকরী যদি আজকে আমার ঐ অফিসারের কলমের একটি
খোঁচায় চলে যায়, তা'হলে সংসারকে নিয়ে আমাকে পথে দাঁড়াতে
হবে। কেরাগী হয়ে ঘরে বাইরে বহু অপমান সহ করেছে। যাক্,
এমনি করেই যাকি যে কটা দিন চলে যায়।

দ্বিজেন। সত্যি কথা, হাত পা আমাদের বাঁধা।

[হলধর জল দিয়া মুগ]

বিধু। যাই—ছুগ্যা বলে একবার Attendance Register এর
জন্তে বড়সায়েরকে বলি। তোরা যেন কেউ গোলমাল করিসনি আবার।
সব কিছু কর বাবা—কিন্তু আমার চাকরিটাকে বাঁচিয়ে কর।

[বাহিরে প্রস্থান]

ভানু। আহা। শিবতুলা লোক মাইরি !

সত্যেন। বড়বাবুর সঙ্গে সায়েব আমার ডিপার্টমেন্টে আসতে
পারে। চুপ করে এখন মুখ বুজিয়ে কাজ কর ভাই। এ ব্যাটা
তেলে-ভাজা-অফিসার। বলা নেই, কওয়া নেই, হঠাৎ সেক্সনে
এলেই হ'ল।

কেরাণীর জীবন

ভাষ্ণু। ঠিক বলেছো সত্যেনদা—হাওয়া বড় খারাপ, নাও হে
নাও—কাজে বোসো—এখন বাগিয়ে কলম ধর ভাই, চুটিয়ে কাজ
করো—একেবারে Speak to not—

নন্দী। নীলমণি। (প্রবেশ) নিবারণ বাবুকে গুহসায়ের ডাকছেন—
সত্যেন। নিবারণবাবু আসেন নি এখনো। এলেই পাঠিয়ে দোবো।
—কেন, ডাকছে রে ?

নন্দী। নীলমণি। বোজ রোজ নিবারণবাবু দেরী করে অপিনে আসেন
বলে গুহসায়ের খুব রেগে গেছেন—

সত্যেন। হ্যাঁ রে—আমাদের বড়বাবু কোথায় ?

নন্দী। নীলমণি। নন্দী সায়ের কাছে। (প্রস্থান)

দ্বিজেন। ভাই পুরোনো চাল ভাতে বাড়ে। একুশটা বছর কি
আর বিধুবাবু কড়িকাঠ গুণে চাকরি করেছেন। গুহসায়ের কাছে
ধাঁতানি খাবার ভয়ে একেবারে ওপরওলা নন্দী সায়েরকে গিয়ে
পাকড়াও করেছে। বড়ো কিন্তু ভাই বুদ্ধির ঢেঁকি !

সত্যেন। কি আর করে বলো ভায়া। মান ইজ্জতটাকে তো
বাঁচাতে হবে ! গুহসায়েরটা একেবারে ছোটলোক—

ভাষ্ণু। কলুর বলদ আমরা সবাই, টেনেই চলি ঝানি,
চাবুক খাওয়া স্বভাব মোদের চাবুকটারেই মানি।
চোখের ঠুলি খুলবে না হায়, মিলবে না ভাই ছাড়া !
ভ্রাজ্জটি মূলে মনিব দেবেন তাড়ার ওপর তাড়া।

[সকলের হাসি]

নাও হে—কাজে বোসো। গুহ সায়ের যে কোনও মুহূর্তে
আসতে পারে।

(মঞ্চ ঘূর্ণায়মান)

কেরাণীর জীবন

১।৭

—অফিসার নন্দী সায়েবের ঘর—

[নন্দী সায়েব কাজ করিতেছেন। সেক্রেটারিয়েট টেবিল—কোন, অফিসের কাগজপত্র, কাগজ, ঘোয়াত কলমে টেবিল সজ্জিত। নন্দী সায়েব কাজ করিতে করিতে কোন তুলিলেন। বিধুবাবু আসিয়া দাঁড়াইলেন।]

মিঃ নন্দী। Hallo ! P. K. 6187 please. Yes please ; Hallo Mr. Sen ! আমি Mr. Nandy কথা বলছি। Stationery goods আপনারা যা supply করছেন তা একেবারে most third class। Paper যা supply করছেন তা একেবারে good-for-nothing। হুপিঠে তার লেখা যায় না, pencilএর সিস্ লিখতে-না-লিখতেই ভেঙে যায় আর nib যা দিচ্ছেন তা একদিনের বেশী দুদিন চলে না। দেখুন, আজকাল হচ্ছে Economyর যুগ। অথচ Clerkরা Complain করছেন,—জিনিষ খারাপ বলে সব-কিছুই তাঁদের বেশী বেশী প্রয়োজন হয়। এমন অবস্থায়, আপনাদের কাছ থেকে Supply নেওয়া বন্ধ করে দিতে হয়। এঁ্যা! ইঁ্যা। বেশ, আরও একমাস আপনাকে Trial দিচ্ছি। আপনি Business-man, আপনার ক্ষতি করতে আমি চাইনা। Thanks—

[নন্দী সায়েব কোন রাধিয়া কাজ করিতেছেন। বিধুবাবু সম্মুখে দাঁড়াইয়া আছেন। কাজ করিতে করিতে বিধুবাবুকে লক্ষ্য করিয়া]

মিঃ নন্দী। কিছু বলবেন ?

বিধু বাবু। Good morning Sir—

মিঃ নন্দী। নমস্কার ! আচ্ছা, এই সব ইংরাজি কথাগুলো বলেন কেন ! আমি বাঙালি, আপনিও বাঙালি ; বাঙাল্য কথা বলুন—

কেরানীর জীবন

বিধু। Sir, আপনি একজন কত বড় অফিসার—

[সংকোচ ।

মিঃ নন্দী। কি আশ্চর্য, অফিসার হ'লেও আমি তো আপনারই সম-পর্যায়ভুক্ত, আমি তো আপনারই মতো মানুষ।

বিধু। আজ্ঞে, তা আপনি ঠিক বলেছেন Sir—

[আপ্যায়িতের হাসি]

বিধু। আপনার সঙ্গে Sir, কাকুর তুলনা হয় না Sir—

মিঃ নন্দী। কি আশ্চর্য, আপনি আমার চেয়ে বয়সে অনেক বড়, এত কিছ্ব হয়ে বলেছেন কেন ? বসুন—

বিধু। না, Sir, আমি Sir, ঠিক আছি Sir—। আমি Sir বড় বিপদে পড়ে আপনার কাছে এসেছি Sir—

মিঃ নন্দী। বসুন, আপনার জন্তে কি করতে পারি ?

বিধু। এমন কিছু নয় Sir—। আজ একটু দেরী করে আপিসে এসেছি Sir—তাঁই—

মিঃ নন্দী। একটু সকাল সকাল আসবার চেষ্টা করবেন। আপনাকে আর কি শেখাবো ? আপনি তো জানেন—Time is money। সময় এবং শৃঙ্খলা জ্ঞান যদি আমাদের না থাকে তাহ'লে আমাদের সংসারেও বিশৃঙ্খলা দেখা দেবে !

বিধু। তা' আপনি ঠিক বলেছেন Sir—এটা আপনি যথার্থ কথা বলেছেন। তা বল্ছিলুম কি Sir—Attendance Registerটা গুহ সায়েবের ঘরে রয়েছে। মিঃ গুহকে আমার বড় ভয় করে Sir—

মিঃ নন্দী। আচ্ছা আমি ফোনে বলে দিচ্ছি মিঃ গুহকে—আজকের মত He will excuse you—

বিধু। আহা ! আপনি দেবতা Sir, আপনি ভগবান Sir !

কেরাণীর জীবন

(মিঃ নন্দী কোন তুলিলেন)

মিঃ নন্দী । Put me up to Mr. Guha please ! মিঃ গুহ ?
অনিবার্য কারণবশতঃ আজ বিধুবাবুর Officeএ আস্তে দেবী
হয়েছে । Please excuse him only to-day and please send
the Attendance Register to his section.

(কোন রাখিলেন)

মিঃ নন্দী । Attendance Register Mr. Guha আপনার কাছে
পাঠিয়ে দিচ্ছেন । আপনি যেতে পারেন ।

(কাজে মন নিয়োগ করিলেন)

বিধু । ভগবান আপনার মংগল করুন Sir, ভগবান আপনার
মংগল করুন । (বাইতে বাইতে ফিরিয়া আসিয়া)

বিধু । Sir, একটা কথা বলব Sir—

মিঃ নন্দী । বলুন—

বিধু । আমার এক বন্ধুর ছেলেকে যদি দয়া করে কোনও একটা
কাজে কয়ে চুকিয়ে দেবার ব্যবস্থা করেন—

মিঃ নন্দী । লেখাপড়া কতদূর করেছেন তিনি ?

বিধু । এম-এস-সি পাশ করেছে, এলাহাবাদ ইউনিভার্সিটি থেকে ।
বড় গরীব Sir, বড় ভালছলে Sir, তার বাবা এই অফিসে ২০ বছর
চাকরি করে গেছে Sir—

মিঃ নন্দী । দেখুন,—এম-এস-সি পাশ একজন তত্বলোককে তো
আর যা তা একটা কাজে ঢোকান যায় না । আপাততঃ আপনারই
Section এ তো একজন Clerk এর post খালি আছে । তিনি কি আর
সে কাজ করতে রাজি হবেন ?

কেরাণীর জীবন

বিধু। নিশ্চয়ই হবে Sir—নিশ্চয়ই হ'বে. আজকালকার বাজারে সাতহাত মাটি খুঁড়লে একটা পয়সা পাওয়া যায় না—। (হাসি)

মি: নন্দী। (হাসিয়া উঠিলেন) ঠিক বলেছেন, চাক্রির জীবনেও আজকাল লেখাপড়ার কোনও দাম নেই।

বিধু। যার যত বড় Backing Sir, তার তত বড় চাক্রির Sir—(টুকরো হাসি)

মি: নন্দী। আচ্ছা আপনি এক কাজ করুন। কালকে ভদ্রলোককে আনবেন সঙ্গে করে। তিনি যদি কেরাণীর চাক্রির করতে রাজী হন, আগামী কাল আমি তাঁকে Appointment দেবো।

বিধু। কালকেই Sir! [আশ্চর্য, এবং আনন্দ]

মি: নন্দী। Appointment Letter আজই আপনি নিয়ে যেতে চান?

বিধু। তাহ'লে তো খুব ভাল হয় Sir—[আশ্চর্য এবং আনন্দ]

মি: নন্দী। আচ্ছা আপনি ভদ্রলোকের নাম আর ঠিকানা লিখে রেখে যান। একটু পরে Appointment Letter আমি আপনার কাছে পাঠিয়ে দিচ্ছি। তবে মাইনেটা খুব কম—একশো কুড়ি টাকা। এম-এস-সি পাশ একজন ভদ্রলোককে সামান্য টাকার চাক্রির দিতে আমার নিজেরই লজ্জা কয়ছে।

বিধু। নন্দী সায়েব, একুশ বছর আমি এই অফিসে চাক্রির কম্ছি—আপনি নতুন এসেছেন এই অফিসে। আপনার মত এত উদার, মহান ব্যক্তি—একটি দিনের জন্তেও আমার চোখে পড়েনি। আমি কি বলে যে আপনাকে ধন্যবাদ দেবো Sir—(জ্ঞান প্রায়)

মি: নন্দী। আপনি আমাকে আশীর্বাদ করুন—

কেরাণীর জীবন

বিধু। আশীর্বাদ ! [ক্রন্দন প্রায়] আশীর্বাদ করি বাবা,—তুমি স্নাত্ত হও, তুমি চিরস্নাত্ত হও। রবিনের বাবা গুণময় ছিল আমার বিশিষ্ট বন্ধু। তারই ছেলে অভাবে পড়ে, আজ আমার কাছে এসেছে চাকরির সন্ধানে; যদি আজ তোমার রূপায় তার কোনও একটা চাকরি হ'য়ে যায়, ভগবান তোমার মংগল করবেন বাবা, ভগবান তোমার মংগল করবেন। (রবিনের সামনে দাঁড়িয়ে, আশ্রয় আমি বুক ফুলিয়ে বড় মুখ করে বলতে পার্ব, আমার বড় সায়েব আমাকে ভাল-বাসেন, তিনি আমার কথা রেখেছেন। ভগবান আছেন। দুর্দিনে তিনি অভাগাকে আশ্রয় দেন। আজ আমার প্রাণে বড় শান্তি নন্দীসায়েব, আজ আমার প্রাণে বড় শান্তি।) আমি অন্তর দিয়ে আশীর্বাদ করে যাচ্ছি বাবা, ভগবান তোমার মঙ্গল করুন, ভগবান তোমার মংগল করুন—

(বিধুবাবুর প্রস্থান)

(নন্দী সায়েব বিহ্বল হইয়া সেই দিকে চাহিয়া রহিলেন।)

(ড্রপ)

২।১

মিঃ গুহের ঘর

(মিঃ গুহ কাজ করিতেছেন)

(নেপথ্যে নিবারণ May I come in Sir ?)

মিঃ গুহ। Yes, come in.

(নিবারণের প্রবেশ)

কটা বাজে ? এখন আপনার ঘড়িতে কটা বাজে—দশটা ?

নিবারণ। আজ্ঞে না,—দশটা বেজে গেছে—

কেরাণীর জীবন

মিঃ গুহ। Why so late ?

নিবারণ। Sir, একটু পেটের trouble Sir—তাই—

মিঃ গুহ। এটা অফিস না আড্ডা বাড়ী ?

নিবারণ। না—Sir, Office.

মিঃ গুহ। চাকরী করবার ইচ্ছে আপনার আছে কিনা, আমি জানতে চাই।

নিবারণ। আছে Sir—

মিঃ গুহ। তবে বোজ় রোজ় অফিসে আসতে এত দেরী হয় কেন ?

নিবারণ। না Sir—

মিঃ গুহ। আবার মিথো কথা ?

নিবারণ। হ্যা Sir! শুধু আজকের দিনটা স্মার, পেটের Trouble এর জন্তে—

মিঃ গুহ। Alright! আজই আমি অফিস সারকুলার পাঠিয়ে দিচ্ছি—আমি Drastic action নিতে চাই।

নিবারণ। তাহলে তো খুব ভাল হয় স্মার! এই রকম নীভৎস ভয়ংকর একটা Step না নিলে Late-comerবৃন্দ শায়েস্তা হবে না।

মিঃ গুহ। Listen নিবারণ বাবু, তিন দিন Late হলেই একদিন Casual Leave কাটা যাবে।

নিবারণ। আচ্ছা Sir—

(গমনোত্তত)

মিঃ গুহ। শুভ্রন—

কেরানীর জীবন

নিবারণ। Yes Sir ! Yes Sir—

মিঃ গুহ। আপনাদের সেক্সনে কাজ কর্ম কি রকম হচ্ছে !

নিবারণ। এক রকম ভালোই হচ্ছে—স্ত্রার।

মিঃ গুহ। গুনলাম, আপনাদের সেক্সনে তিন চারিটি অকাল পক্ষ ছেলে আছে। তাবা তো Practically কিছুই করে না। শুধু অফিসারদের কাজের সমালোচনা করে বেড়ায়।

নিবারণ। আমাদের সেক্সনে !

মিঃ গুহ। আকাশ থেকে পড়লেন যে !

নিবারণ। না স্ত্রার, আমাদের সেক্সনে তো সে রকম কেউ নেই। যে ক'টি ছেলে রয়েছে তারা খুব মন দিয়েই কাজ-কর্ম করে।

মিঃ গুহ। তবে যে আমি খবর পেলাম সত্যেন, ভান্স, স্বিগেন, Sectionটাকে Club Room করে তুলেছে। আপনাদের সেক্সনে আমারও লোক আছে মনে রাখবেন। স্লয়োগ পেলেই আমি ওই তিনটি রত্নের বিষ দাঁত ভেঙে দেবো।

নিবারণ। আপনি ভুল খবর পেয়েছেন Sir, ঐ তিনটে ছেলে আপনার জন্তে প্রাণ দিতে পারে। ওরা আপনার অন্ধ ভক্ত। ওরা বলে অফিসে অফিসার আছেন মাত্র একজন, আর তিনি হচ্ছেন মিষ্টার বায়িদ বরণ গুহ।

মিঃ গুহ। বলে বুঝি ? বসুন—বসুন—আর কি বলে ?

[নিবারণ অতি সম্বর্ণে জড়সড় হইয়া একটা চেয়ারে বসিল ঠিক কাঠের পুতুলের মত ।]

নিবারণ। বলে—আপনি নাকি গরীবের মা বাপ। আপনি নাকি অনেক গরীবের চাকরী করে দিয়েছেন ; আবার প্রাইভেটেও আপনি নাকি ছ'চার জনকে Help করেন।

মিঃ গুহ। না-না—ও সব কিছু নয়, আর কি বলে ওরা ?

কেরাণীর জীবন

নিবারণ। বলে ইয়ে—মানে বলে, Staffএর জন্তে আপনার প্রাণ যেমন কাঁদে অন্ত কোন অফিসারের তেমন কাঁদে না।

মি: গুহ। সত্যি কথা! আমি Staffএর জন্তে কি না করছি? Retrenchmentএর যা হিড়িক দেখা দিয়েছিল—এই Office থাকত না। স্নেফ আমার এই কলমের একটি আঁচড়ে বুঝলেন—Head Officeএ পাঠিয়ে দিলাম মিটে-কড়া একখানা চিঠি—বাস, তারপরই Order এল—“Stop Retrenchment”। আর কি বলে ওরা?

নিবারণ। বলে আপনারই করুণাতে ভদ্রমহিলারা Provide হচ্ছেন এই অফিসে। মা বোনদের অন্ন সংস্থানের জন্তে আপনার এই সং প্রচেষ্টাকে ছেলেরা শুদ্ধা করে।

মি: গুহ। সত্যি কথা! ভদ্রমহিলাদের জন্তে আমি যতখানি Fight করি এই অফিসে আর কোন অফিসার করেন! আর কি বলে ওরা?—আমার গ্র্যাভিটি আছে, অফিসের সকলেই আমাকে ভয় করে, এই সব কথা ওরা বলে না?

নিবারণ। বলে বৈকি আর—বলে বৈ কি। ওরা বলে—ইয়ে—মানে—আপনার চলা বলা হাঁটা এমন কি ইংরিজীতে কথা বলাটি পর্যন্ত সাগেবদের মত। ওরা বলে আপনি নাকি সায়েব বাচ্চা?

মি: গুহ। Shut up!

নিবারণ। Yes Sir, Yes Sir! ওরা বলে আপনার অদ্ভুত Personality . Dignity কে maintain করে চলবার অদ্ভুত ক্ষমতা আপনার। ওরা বলে আপনি নাকি Born officer!

মি: গুহ। Yes, when I speak English, I think myself an Englishman through and through, you see Mr.—What's your name?

কেরাণীর জীবন

নিবারণ । নিবারণ চাটুজ্জে Sir, নিবারণ চাটুজ্জে !

মি: গুহ । Well Mr. Chatterjee, you see, I feel much for my staff and I have done much for them.

নিবারণ । Yes Sir, Yes Sir.

মি: গুহ । You should give those boys thanks on behalf of me.

নিবারণ । Yes Sir ! Hundred times Sir—hundred times Sir !
(বাইতে বাইতে ফিরিয়া আসিল)

নিবারণ । Sir একটা কথা বল্ব Sir ?

মি: গুহ । Yes !

নিবারণ । শুনেছি আপনি মহৎ ব্যক্তি । আমার একটা উপকার করতে হবে Sir ।

মি: গুহ । Yes—বলুন কি করতে হবে ?

নিবারণ । আমি রোজ রোজ একটু একটু ক'রে দেৱীতে অফিসে আসি বলে এবং মাসে ১৫ দিন আমার কামাই হয় বলে আমার Increment Stop হয়ে রয়েছে Sir.

মি: গুহ । First deserve, then desire.

নিবারণ । আপনি স্মার গরীবের মা বাপ Sir. আমার মতন এক অসহায় গরীব ব্যক্তিকে শাস্তি দিয়ে আপনার কি লাভ স্মার ? আপনার একটি সামান্য কলমের আঁচড়ে স্মার, অসম্ভব সম্ভব হয়ে যেতে পারে Sir ।

মি: গুহ । That's nothing—That's nothing—All right, I sanction your increment : but mind you Nibaran

কেরাগীর জীবন

Babu I am a Stern-task-master. You must have to come punctually to the office and maintain discipline, so long Mr. Barid Baran Guha is here—follow ?

নিবারণ। Yes Sir, একশো বার Sir, সেকথা আর বলতে Sir ?
নমস্কার Sir— (গমনোচ্ছত)

মিঃ গুহ। গুহুন !

নিবারণ। Yes Sir, বলুন Sir—

মিঃ গুহ। Attendance Register থানা আপনাদের Section-in-charge বিধুবাবুকে দেবেন—নিষে যান। (গমনোচ্ছত)

নিবারণ। আচ্ছা Sir !

মিঃ গুহ। আর বিধুবাবুকে বলবেন, তিনি যেন রেজিষ্টারে নামটা সহ করে একবার আমার সঙ্গে দেখা করে যান।

নিবারণ। নিশ্চয়ই বলব, নিশ্চয়ই বলব আর।

মিঃ গুহ। আর এ কথাও বলবেন, কাল থেকে তাঁর মেয়েকে আমি Appointment দোব। আমার একজন Private Secretary প্রয়োজন। বিধুবাবু আমাকে ঠুর মেয়ের একটা চাকুরি কবে দেবার কথা বলেছিলেন। আমার Recommendation-এ নন্দীসায়ের ঐ Private Secretary-র postটি আমার মনোনীত candidateকে দিতে রাজি হ'য়েছেন। নাইনে আপাততঃ পাবে আড়াইশো টাকা—

নিবারণ। Oh Thank you Sir—আপনার Sir গুণের তুলনা নেই Sir, ঠিক যেন Charitable dispensary Sir !

মিঃ গুহ। Don't talk nonsense—get—out—(রাগিয়া)

নিবারণ। Yes Sir, একটা কথা Sir—

মিঃ গুহ। কোন কথা নয়, Get out—

কেরাণীর জীবন

নিবারণ । কাল তা'হলে Sir, আমার incrementটা Sir—

মিঃ গুহ । একবার নো বলে দিয়েছি—

নিবারণ । Yes Sir—

মিঃ গুহ । এক কথা কতবার করে বলতে হবে শুনি ?

নিবারণ । No Sir—

গুহ । Get out—

নিবারণ । Very good Sir—Very good Sir.

[ভীত সন্ত্রস্ত হইয়া নিবারণের প্রস্থান]

(মঞ্চ বৃর্ণায়মান)

২।২

স্থান :—রান্নাবর

[সকলে চা খাইতেছে ও রাত্রে রুটি তৈয়ারী করিবার যোগাড় চলিতেছে]

মাধুরী । রবীন চলে গেল কেন ?

সৌদ । কি জানি মা ? এত করে থাকতে ব'ললুম, তবু সে থাকতে রাজী হ'ল না ।

মাধুরী । বেশ ছেলেটি ! দেখোনা মিছুর সঙ্গে যদি ওর বিয়ে দিতে পার ।

বলু । ঠিক বলেছ, খুব ভাল হয় তা'হলে ।

সৌদামিনী । কর্তারও ঠিক তাই ইচ্ছে ।

মিছু । না, না, কেরাণী হবার ইচ্ছে যার মনে রয়েছে তাকে বিয়ে ক'রে লাভ কি ?

সৌদামিনী । কে কেরাণী হতে চায় ? রবীন ?

কেরাগীর জীবন

মিহ্ন। নয়তো কি ? বাবার কাছে এসেছিল, একটা চাকরি যাতে হয় ।

সৌদামিনী। কেরাগী হ'লেই বা ! এম্-এস্-সি পাশ করেছে, বড় কম কথা নয়তো বাপু ! লেখাপড়া-জানা—ছেলের মাহাত্ম্যই আলাদা !

মিহ্ন। কেন—দিদিকেও তো লেখাপড়া জানা ছেলের হাতে দিয়েছিলে ?

সৌদা। বাপ মা কি আর মেয়ের অমংল খোঁজে মা ! দেখে দিলুম—তারপর সবই অদৃষ্ট !

মাধু। রবিন ছেলেটি কিন্তু বেশ !

মিহ্ন। ওকে আমি কিছুতেই বিয়ে করবো না, বড় অহংকার !

বুলু। এটা তোমার মনের কথা ?—না, মুখের কথা মেজদি ! ইস্ ! বিয়ে করবে না ! না বড়দি, মেজদির কথা বিশ্বাস ক'র না ! মেজদি মনে যা ভাবে, মুখে ঠিক তার উল্টো বলে ।

মিহ্ন। হাঁ, তুই গণৎকার কিনা, তাই আমার মনের কথাগুলোকে জানতে পেরেছিস্ ?

বুলু। বলে দেবো মাকে ?

মিহ্ন। কি বল্‌বি ?—বল্‌ না ।

বুলু। রবিনদা, যখন চলে গেল তখন তুমি মুখ গম্ভীর করে রইলে কেন ? কথা বল্‌লে না কেন তার সঙ্গে !

মিহ্ন। আমার খুসী ।

মাধু। হাঁরে—তোরা মনে ভেবেছিস্ কি ? মাকে তোরা মোটেই সম্মম করিস্ না। যা বেরো এখান থেকে। কালে কালে সব হ'ল কি ! আমরা তো বিয়ে-থা'র আলোচনা গুরুজনদের সামনে করতে লজ্জা পেতুম !

কেরানীর জীবন

মিহু। এতে লজ্জার কি আছে? জ্ঞান বৃদ্ধি হয়েছে লেখাপড়া শিখেছি, আলাপ আলোচনা করতে দোষ কি?

মাধু। তা ব'লে একবারে মা বাবার সামনে!

মিহু। দিদি তুমি তো আগে এতটা Conservative ছিলে না! পৃথিবী বদলাচ্ছে, মানুষও বদলাচ্ছে। যাক, তোমরা তোমাদের নীতি নিয়ে থাকো। আয় বুলু— (মিহু ও বুলুর প্রস্থান)

মাধু। তাড়াতাড়ি খাবার করে দাও মা। আজ সকালে বাবার খাওয়াই হয় নি। কাল থেকে বাবা যখন সকালে খেতে বসবেন— সদর দরজায় খিল লাগিয়ে দিও, যেন কোনও পাওনাদার খাওয়ার সময় এসে তাগাদা করতে না পারে।

সোদা। একটা মানুষ—কতদিকে আর দেখবে? পটুলা যদি এতদিনে একটা পাশ করে বেরুত, তা হ'লেও না হয় একটা চাকুরীতে উনি ঢুকিয়ে নিতেন। হতভাগা ছেণের মাথায় কি যে থিয়েটার করার সখ ঢুকেছে—

(পটুলার প্রবেশ)

পটুলা। পিপাসা—পিপাসা—

“চা”—এর লাগিয়া মোর

অনন্ত পিপাসা প্রাণে

জাগিয়াছে, অগ্নিদগ্ধ মরুভূমি সম।

জননী—জননী—

সোদা। গেল যা,—আবার এজ্ঞো করা হচ্ছে!

পটুলা। তিরস্কার কেন কর মাতা?

দেয়াল ঝড়িতে মাগো

কেরাণীর জীবন

বাজিয়াছে সন্ধ্যা সাড়ে সাত—
ক্লাবে যেতে হবে মোরে
“সাজাহান” দিতে রিহার্সাল !
তোমারে দেখাব মাগো
সেই অভিনয়,
প্রেক্ষাগৃহে তুমি রবে বসে,
আর আমি, বুদ্ধ-পঙ্খ অভিশপ্ত ভারত-সম্রাট
বন্দী হয়ে প্রস্তর কারায়,
মুহুম্বুহ করাঘাত করে যাব আপন ললাটে—
পটাপট্ পটাপট্ বাধা Clap
কে রুধিতে পারে ?
Hurry up ! Quick ! Quick !
এক কাপ চা মোরে
অতিনীঘ্র দাও গো জননী—
ধৈর্য নাহি ধরে মোর হিয়া !

মাধুরী । বেরো, মুখপোড়া—

সৌদা । চা এখন হবে না ।

পটুলা । কি কারণ মাতা ?

সৌদা । এখন রুটি তৈরী হচ্ছে !

পটুলা । জননী গো দুটি পায়ের পড়ি

দাও তবে শুধু তেরো আনা

করিব না কোন অভিযোগ,

যাব আমি চায়ের দোকানে,

যাব আমি ফাউল-কাটলেট—

কেরাগীর জীবন

পরিপূর্ণ এক কাপ চা—

পান করে নেবো আমি শেষে,

তারপর চলে যাব ক্লাবে ।

সোদা । আ গেলো যা—এটা কি থিয়েটার ?

মাধুরি । এক একটি রত্ন । পট্টলা চলে যা এখনে থেকে ।

পট্টলা । দিদি—দিদি—

গঞ্জনা দিওনা মোরে,

কোমল এ প্রাণে মোর

সহিব না কঠিন আঘাত,

পুষ্প সম বক্ষে মোর

বাজে তব বজ্র সম বাণী !

জননী গো, ক্ষুধার্ত যে আমি !

সোদা । রুটী খেয়ে যা—

পট্টলা । রুটী ! রুটী !

রুটী আর নাহি রোচে মুখে ;

এনে দাও মালাই কাবাব,

এনে দাও কালিয়া পোলাও,

মিহিদানা, দরবেশ, রাজভোগ, লবঙ্গলতিকা

ভবে মোর তৃপ্ত হবে হিয়া ।

সোদা । কেরাগীর ছেলের আবার সখ্ কত ! সে বরাত কি
আর করেছিঁস্ যে খাবি ? বিরক্ত করিস্ নি পট্টলা—যা এখান
থেকে ।

পট্টলা । দু'টি পায়ে পড়ি মাগো

দাও মোরে শুধু তের আনা—

কেরাণীর জীবন

ছাড়িব না চরণ তোমার
যতক্ষণ দেহে বয় প্রাণ,
করো—মোরো করো পদাঘাত ।

[হাঁটু গাড়িয়া পায়ের কাছে বসিল]

সোদা । ওরে ছাড়্—ছাড়্—

পটুলা । দাও তবে তের আনা—

সোদা । জালিয়ে খেলিবে পটুলা, তুই একেবারে আমায়
জালিয়ে খেলি ! দাঁড়া দেখি কত আছে । [আঁচল হইতে পয়সা বাহির করিয়া]
এই দশ আনাই আঁচলে বাঁধা ছিল ।

পটুলা । দশ আনাই দাও মোরে—

তিন আনা করিব ধার ।

মাধুরী । আবার ধার করবি কেন ? এই নে তিন আনা !

[আঁচল হইতে দিল]

পটুলা । উত্তম ! উত্তম !

হ'লে প্রয়োজন

দিব বিসর্জন

এই তেরো আনা—

ঘোড়ার পিছনে ।

[ভিকির মত হস্তভঙ্গি করিতে করিতে পটুলার প্রস্থান]

মাধুরী । তোমার ঐ ধনুধর ছেলে কি কাজে লাগবে বলতে
পারো না ?

সোদা । ওরে মাধু, হাজার হোক ছেলে । নিশ্চয়ই একদিন
রোজগার ক'রে টাকা এনে আমাকে দেবে ?

কেরাণীর জীবন

মাধুরী। তুমি সেই আশাতেই ব'সে থাকো। পটলার ভবিষ্যৎ তুমি একেবারে নষ্ট করে দিলে মা।

সোদা। এখন ছেলে-মাছুষ—তাই, বয়স কালে সব ঠিক হয়ে যাবে।

মাধুরী। এখন ছেলে-মাছুষ বল কি মা! পটলা ছেলে-মাছুষ, ওর বয়সী ছেলেরা যে সংসার চালাচ্ছে—!

সোদা। দেখিস্ মাধু, ওই পটলাই একদিন আমার কত ভাল ছেলে হ'য়ে দাঁড়াবে।

মাধুরী। ভালো হ'লেই ভালো। খারপটা কে আর চার বলো মা!
(প্রস্থান)

[নেপথ্যে বিধুবাবু—গিন্নী অগ্নি]

[বিধুবাবুর প্রবেশ]

বিধু। আজ একটা সু-খবর তোমায় দেবো।

[মিষ্টুর প্রবেশ]

মিষ্টু। বাবা আমার জন্তে বিস্কুট এনেছো!

বিধু। হাঁ এনেছি, এই নাও! [বিস্কুট দিল] এখন এলি কেন? মাষ্টার মশাই আসেন নি।

মিষ্টু। আজ তিন দিন মাষ্টার মশাই আসেন নি। তিনি বলে গেছেন যে—মাইনে না গেলে তিনি আর পড়াবেন না।

বিধু। অ— [মিষ্টুর প্রশ্ন]

সোদা। কি একটা সুখবর বলছিলে যে—?

বিধু। কাল থেকে আমার অফিসে রবিনের চাকরি হবে।

সোদা। আহা খুব ভাল হ'য়েছে।

কেরানীর জীবন

বিধু। আরও একটা খবর আছে গিন্নী—আমার মিস্ত্রি মায়েরও কাল থেকে চাকরি হবে ঐ অফিসে।

সৌদা। ঠাকুর আমার তা'হলে মুখ তুলে চেয়েছে !

বিধু। তবে রবিনের চেয়ে মিস্ত্রির চাকরিটা হবে ভালো, মিস্ত্রি হবে আমার সায়েবের প্রাইভেট সেক্রেটারী।

সৌদা। কত টাকা মাইনে ?

বিধু। রবিনের একশো কুড়ি টাকা, আর মিস্ত্রির আড়াইশো টাকা।

সৌদা। যাক ভালই হয়েছে। কিন্তু, এখনি যে তোমাকে একবার ডাক্তারের বাড়ী যেতে হবে।

বিধু। অফিস থেকে আসতে-না-আসতেই ডাক্তারের বাড়ী যাও ! কেন—পটল কোথায় ?

সৌদা। পটল যে কি ছেলে তাতো তুমি জানই। কোনো কাজে কি তাকে পাওয়া যায় !

বিধু। কেন পাওয়া যায় না শুনি ? তুমিই ত আদর দিয়ে দিয়ে ছেলেটাকে একেবারে নষ্ট করে দিয়েছ। আমি তাকে শাসন করতে গেলে কি হবে—

সৌদা। এই দেখো, এখন সমস্ত ভাল পড়ল আমার ওপর—

বিধু। নয়তো কি ? বাড়ীতে ঢুকতে দিওনা, ওর খাওয়া দাওয়া বন্ধ করে দাও, দেখবে দুদিনে সোজা হয়ে যাবে—

সৌদা। পটল তোমার সেই ছেলেই কিনা—

বিধু। তারপর শুন্ছি, অল্প বয়সেই সে থিয়েটার নিয়ে মেতে উঠেছে, গরীবের ঘরে ঘোড়া রোগ ! বুঝবে গিন্নী—বুঝবে ! পরে এর জন্তে তোমাকে আফশোষ করতে হবে !

কেরানীর জীবন

সোদা। আচ্ছা, আমাকে নিয়ে পড়লে কেন বলতো? আমি কি পট্টলাকে সব শিখিয়ে দিচ্ছি?

বিধু। তুমি মা,—তুমি যদি ছেলেকে শাসন না করতে পারো, তা'হলে তো সে বয়ে যাবেই। আমি আর কতক্ষণ বাড়ী থাকি বলো না? সেই কোন্ সকালে বেরুই আর বাড়ী ফিরি সন্ধ্যার সময়। যাক্, আমার আর কি বলো না! এমনি করে 'যে-কটা দিন চলে যায়!

সোদা। এ সব কথা এখন ছাড়ো দিকি নি। ডাক্তারের বাড়ী যাওয়ার কি হবে?

বিধু। হবে আর কি? আমাকেই যেতে হবে। অদৃষ্টে যেটুকু দুর্ভাগ আছে, তাতো আমার ভুগতেই হবে। হাঁ—দেখো একবার রবিনকে ডেকে দাও তো।

সোদা। রবিন চলে গেছে!

বিধু। কেন? *দৃষ্টি*—

সোদা। কি জানি—~~টিকানাটা~~ আমাকে দাও, ডাক্তারখানায় যাবার পথে রবিনকে খবরটা দিয়ে যাব। কই দাও—

[টিকানা দিল]

সোদা। অ,—হাঁ; এই নাও—

বিধু। আমি তা'হ'লে ছগ্গা বলে বেরিয়ে পড়ি—

[বিধুবাবু গমনোদ্ভূত,—বাহিরে কেট মুদি ডাকিতেছে]

(নেপথ্যে) কেটমুদি। বিধু বাবু আছেন? বিধু বাবু?

বিধু। কে! ভেতরে আসুন—

কেরাণীর জীবন

(কেষ্ট মুদির প্রবেশ)

কেষ্ট। খুব লোক বা হ'ক মশাই !

বিধু। বহুন—বহুন—

কেষ্ট। না না, আর বসব না। খুব হয়েছে থাক। সকালে এক ঘণ্টা রাস্তায় দাঁড়িয়ে থেকে ফিরে গেছি—জানেন ! আপনার বড়ছেলেকে দিয়ে খবর পাঠালাম—সেই যে সে বাড়ীতে ঢুকলো—বাস্ !

বিধু। হা—সকালে পটুলা অবশ্য আমাকে খবরটা দিয়ে এসেছিল—কিন্তু—

কেষ্ট। আমাদেরও ঘর-সংসার আছে জানেন মশাই ; আমাদেরও কাছাকাছা রয়েছে। মাগ-ছেলেপুলেকে আমাদেরও খাওয়াতে হয়—এমনি হাওয়া খেয়ে তারা বাঁচে না—বলি আমাদের টাকাটা কোথেকে আসে—? আমাদের টাকাটা টাকা নয়—গোলাম কুচি—না ?

বিধু। কি আশ্চর্য, হয়েছে কি ! অত রাগছেন কেন ?

কেষ্ট। রাগব না—বলেন কি মশাই ! ধারে মুদিখানা থেকে মাল নিতে আপনারা তো ছাড়েন না ! কিন্তু ধার শোধ করতে গেলেই আপনারাদের মাথায় আকাশ ভেঙে পড়ে—! ঢের ঢের লোক দেখেছি মশাই, কিন্তু আপনার মত এমন ভদ্রলোক আমি আর কোথাও দেখিনি ?

বিধু। আহা আপনার টাকা আমি ত আর মেরে পালিয়ে বাই নি—

কেষ্ট। বাস্—ঐ বাঁধা গদ। সকলের মুখেই ঐ এক কথা। তাহ'লে টাকার তাগাদা কার কাছে করি বলুন। এদিকে আমার সংসার চলে কি করে—মহাজনকে আমি টাকা দেবো কোথেকে—?

কেরানীর জীবন

বিধু। আহা, আপনার পেলেই ত হ'ল।

কেষ্ট। “পেলেই ত হ'ল”—বলেই আপনি খালাস। আর কবে পাব মশাই। বাড়ীতে এসে ডেকে ডেকে সাড়া পাই না, রবিবারে আপনি বাড়ী থাকেন না, বাজারেও আপনাকে দেখতে পাই না, অপিস যাবার রাস্তাটাকেও আপনি পাল্টে ফেলেছেন, আর কোন্ অপিসে আপনি চাকরি করেন সে কথাও তো আপনি বলেন নি আমাকে যে, দিন রাত আপনার অপিসে গিয়ে আমি টাকা আদায় কস্বার জ্ঞাত হতো দেবো! আপনারা ভদ্রলোক, ধার করে লোককে ঠকিয়ে খেতে লজ্জা করে না আপনারা?

(মাধুরীর প্রবেশ)

মাধুরী। কি হ'য়েছে, আপনি আমার বাবাকে অপমান করছেন কেন?

কেষ্ট। আমার পাওনা টাকা উনি মিটিয়ে দিতে পারেন নি—তাই।

মাধুরী। টাকা মিটিয়ে দিতে পারেন নি ব'লে আপনি বাড়ী বয়ে এসে একজন ভদ্রলোককে অপমান করবেন? (রাগিয়া)

কেষ্ট। বেশ তো, টাকা মিটিয়ে দিলেই আমি চলে যাই। তাগাদা ক'রে ক'রে তো এক পয়সাও আদায় করতে পার্শ্বলুম না। তাই বাধ্য হয়েই আমাকে একেবারে বাড়ীর ভেতরে আসতে হয়েছে।

মাধুরী। জানেন, আপনি বে-আইনি কাজ করছেন। ইচ্ছে কম্পে আপনাকে পুলিশে ধরিয়ে দিতে পারি, যাক আপনার পাওনা কত?

কেষ্ট। দেড়শো টাকা—

মাধুরী। বেশ মাসে মাসে আপনি দশ টাকা করে নিয়ে যাবেন। আর কিছু বলবার আছে আপনার?

কেরাণীর জীবন

কেষ্ট। না—

মাধুরী। এখন আস্থান।

(কেষ্টর প্রস্থান)

মাধুরী। আচ্ছা বাবা, লজ্জা করে না তোমার, একজন লোক তোমার বাড়ীতে দাঁড়িয়ে তোমাকে অপমান করে যাচ্ছে আর তুমি মুখ বুজে তাই সহ্য করছো !

বিধু। কি করি বল মা, ওর তো কোনও দোষ নেই। দোষ আমার অদৃষ্টের।

মাধুরী। রাত্তায় ধরে যদি মারে—কি করবে ?

বিধু। মার সহ্য করবো।

মাধুরী। কেন ?

বিধু। কেরাণী বলে—আমাদের আবার মান আর অপমান—

মাধুরী। সামনের মাসে মাইনে পেয়ে দশটি টাকা আমাদের দেবে।

বিধু। আচ্ছা মা, তাই হবে। ওরে নাধু, তুই যদি আমার মেয়ে না হয়ে ছেলে হতিস ! আমি বাই মা—আমি ডাক্তারের কাছে বাই। থাক্, এমনি করে যে কটা দিন চলে যায় !

[প্রস্থান]

(দালান দ্বিতল)

মিসুর গান—

আমি হ'তাম যদি নীল যমুনা

কৃষ্ণ ভগবান্,

কেরাণীর জীবন

জোয়ারেতে ভানিয়ে দিতাম

শুনিয়ে তোমায় গান !

রাঙা ছুটি চরণ-তলে

লুটিয়ে প্রণাম কর্ব বলে,

চেউ এর নুপুর পরিয়ে দিয়ে

চেয়ে নিতাম প্রাণ ।

মেঘের ময়ূর ছাড়িয়ে দিত

রামধনু রঙ পাখা,

শ্রামের হাসি থাকত রাধার

মন-যমুনা চাকা ।

তুমি আমায় বুকে তুলে

অকুল থেকে ফেলতে কুলে,

আবার বেঁধে বাহুডোরে

ভাঙতে অভিমান ।

বুলু। ওঃ ! প্রাণ খুলে গাওয়া হচ্ছে, আজ আর আনন্দ ধরে
না দেখছি !

মিহু। কেন, এতে আবার আনন্দের কি দেখলি !

বুলু। আনন্দ নয় ! এক অফিসে দু'জনে মিলে বসে বসে
কাজ করবে !

মিহু। আচ্ছা বুলু, তোর এতে আনন্দ হচ্ছে না !

বুলু। নিশ্চয়ই। একই অফিসে চাকরি করবে, যখন দেখবার
ইচ্ছে হবে দেখবে, যখন কথা বলবার ইচ্ছে হবে কথা বলবে, এতে
আর কার না আনন্দ হয় বলা !

কেরাগীর জীবন

মিহ্ন। (হাসিয়া) আবার তুই আমার পেছনে লাগছিস্ ?

বুলু। (মিহ্নকে জড়াইয়া) সত্যি কথা বল্ তো মেজদি—তোর মনে এখন কি হচ্ছে ?

মিহ্ন। ওরে ছাড়্—ছাড়্, কি ছুটে মেয়ে বাবা !

বুলু। তোর গানখানা খুব ভালো।

মিহ্ন। কার লেখা জানিস্—রবিনদা'র !

বুলু। ও—রবিনদা'র ! তাই মনের আনন্দে গাওয়া হচ্ছে !
ও মেজদি, আমাকে গানটা শিখিয়ে দে না ! (আব্দার)

(মাধুরীর প্রবেশ)

মাধুরী। গান শিখে সব হবে। তুই যে এখনও পড়তে বসিস্
নি ? ম্যাট্রিক পরীক্ষা তো এদে গেল ! (বুলুকে)

বুলু। ঠিক পাশ করে যাবো, তুমি ভাবছ কেন দিদি !

মাধুরী। দিন রাত আড্ডা—আর আড্ডা ! অথচ আমরাও
তো মায়ের মেয়ে ছিলাম, আমরাও তো লেখাপড়া করেছি।—

মিহ্ন। এখন বুঝি আর তুমি মায়ের মেয়ে নও ? (হাসিয়া)

বুলু। না, বড়দি বাপের মেয়ে। (হাসিয়া)

মাধুরী। তোরা থাম্ বাপু। কথায় কোনও একটু খুঁত পেলেই
হল—অমনি ধরা চাই—

বুলু। একটু আগে আড়াল থেকে দেখছিলাম—জানো মেজদি,
বড়দি যখন কেটে মুদীকে বকছিল, তখন মনে হচ্ছিল—যেন পড়া তৈরী
না করবার অপরাধে এবং মার খাবার ভয়ে ছাত্র মাষ্টারের মুখের দিকে
চেয়ে ঠকঠক করে কাঁপছে !

মাধুরী। বাজে কথা ছাড়্। মিহ্ন, ভগবান আমাদের ওপর একটু
প্রসন্ন হয়েছেন।

কেরাগীর জীবন

মিহু। কেন দ্বিদি ?

মাধুরী। কাল থেকে বাবার অফিসে, তোর আর রবিনের চাকরী হবে।

বলু। জানি গো জানি, এ আর নতুন খবর কি ? এ খবর আমরা আগেই মার কাছে পেয়েছি।

মাধুরী। তবে রবিনের মাইনে তোর চেয়ে অনেক কম। তুই পাবি ২৫০৯ ও পাবে ১২০৯। (মিহুকে)

বলু। তাও কি কখনো হয় ? রবিনদা বই লিখতে পারেন, গান লিখতে পারেন—আর রবিনদার মাইনে কম ! বাবা বড় এক চোখো !

মিহু। সত্যি কথা ; এটা বড় অত্যাচার। একজন আই-এ পাশ করে পাবে আড়াইশ টাকা, আর একজন এম-এস-সি পাশ করে পাবে একশো কুড়ি টাকা—চমৎকার ! অফিসের Dictionaryতে অসম্ভব দলে কোন কথা নেই—কি বল দ্বিদি ?

মাধুরী। অফিসারের মজি। বাবার তো আর এর মধ্যে কিছু হাত নেই। তুই চাকরী করতে ঢুকলে তবু ধার দেনা শোধ হয়।

মিহু। যে কেরাগী-জীবনকে এত ঘেন্না করতুম দ্বিদি, ইচ্ছে করে সেই জীবনটাকেই আমি বেছে নেব ?

মাধুরী। কি করবি বোন। সবই অদৃষ্ট ! তাইটি তো আর মানুষ হলো না ! আদর দিয়ে দিয়ে পটলার মাথাটাকে মা একদম খেয়ে দিয়েছে।

মিহু। বলেই বা কি হবে এখন ? ছেলেবেলা থেকে রাশ আলগা করে এখন যদি টানতে চাও, সেটা তোমাদের বোকামি।

কেরাণীর জীবন

মাধুরী। হুঁটু গল্পর চেয়ে শূত্র গোয়াল ভাল। তাড়িয়ে দিক
বাড়ী থেকে। অমন ছেলের মুখ দেখা উচিত নয়। আমিও বাবাকে
বলতে পারি না—পাছে মা মনে দুঃখ করেন।

মিহু। বাবাকে শুনিয়েই বা লাভ কি? তাঁকে কষ্ট দেওয়া
বইতো আর কিছু নয়।

[পটলা টলিতে টলিতে মাতালের মত প্রবেশ করিল]

পটলা। মা—মা—

মাধুরী। উন্নতি হ'য়েছে দেখছি। তুই নেশা কন্ডতে শিখেছিস।
বেরো হতভাগা, বেরো এখান থেকে! কাল সারারাত যে চুলোয়
ছিল সেইখানেই থাক্গে যা!

মিহু। চল্ বুলু—আমরা এখান থেকে যাই।

[মিহু এবং বুলুর প্রস্থান]

পটলা। মা—মাগো—

মাধুরী। বেরো, বেরো এখান থেকে। মা এ ঘরে নেই।

পটটলা। কে বড়দি—

মাধুরী। তোমার ঘম। ঝেঁটিয়ে বিব ঝেড়ে দেবো এখুনি।
মাত্লামো করবার জারপা পাওনি?

পটলা। কেন বক্ছ বড়দি? আশীর্বাদ কর যেন আমি বংশের
নাম রাখতে পারি।

মাধুরী। হাঁরে পোড়ার মুখো—এত লোক মরে, তুই মরিস্ নি?

পটলা। আমি মরে গেলে তুমি কাঁদবে না দিদি? ঠিক তো—
সত্যি কথা বল্চ?

মাধুরী। তুই দূর হ এখান থেকে; বাটের মড়া কোথাকার—

কেরাগীর জীবন

পটলা। শোন, শোন বড়দি! কি প্রেই করেছি দিদি! আগুন ছুটিয়ে দিয়েছি। এ্যামেচার ক্লাবে আজ পরেশ মুখুয্যের নাম কে না জানে? সাজাহানে সাজাহান, চল্লিশগুণে চাণক্য, প্রফুল্লিতে যোগেশ, মিশর-কুমারীতে আবন, P. W. D.তে মি: সেন, প্রতাপাদিত্যে রডা—একেবারে আগুন জালিয়ে দিয়েছি। অভিনয়ের ধারাকে আমি একেবারে বদলে দিয়েছি। Blank Verse বলব গুস্তের মতন, তাতে কোনও সুর থাকবে না; আর Social Dramaয় প্রে কব্ব খুব Natural। মানে হাততালি-মার্ক। Acting তোমরা সহজে আমার কাছে পাবে না।

মাধুরী। আমি কি তোর Acting-এর ইতিহাস শুনতে চাইছি?

পটলা। Acting-এর তোমরা বোঝ কি? Dialogue পেলেই অমনি কেঁদে কোকিয়ে টেনে হিঁচড়ে Clap তোলবার চেষ্টা!

মাধুরী। এতটা অধঃপতন হ'য়েছে তোর! কি বংশের ছেলে তুই! জ্বার তুই কিনা অসং সংসর্গে নিশে নেশা ভাঙ করতে সুরু করেছিস! হতভাগা, বাদর কোথাকার—লজ্জা ক'রে না তোর নেশা করে বাড়ী ঢুকতে! অনেক সহ্য করেছি—আর নয়। বাবা এলে আমি তোর সব গুণের কথা বলে দেবো।

[মাধুরীর প্রস্থান]

পটলা। চলে গেল! চলে গেল—।

যাক্—যাক্—

একে একে সকলেই যাবে।

রাম যাবে, শ্রাম যাবে, যহু যাবে,

যাইবে সকলে,—

কেরাগীর জীবন

সাগর তরঙ্গ সম

এক আসে, এক চলে যায়,

অন্তহীন কালের প্রবাহে ।

এ পৃথিবী রেস-কোর্স যেন,

আশা তার—ছুটিতেছে ঘোড়া,

মোরা কেহ বসে আছি জকি,

কেহ মোরা ট্রেনার, মালিক ।

বাকি যারা বসে আছে—

কেহ বুকি, কেহ বা পাণ্টার ।

এক আসে, এক যায়

কেউ জেতে, কেউ হারে বাজি,

কেহ রাজা কেহ বা ফকির ।

আমি ?

আমি একা প্রেমার মাতাল

ঘুরি ফিরি আনাচে কানাচে

ওৎ পেতে স্মৃষ্টিগের লাগি

মেলাতে ট্রিভল-টোট !

Luck মোর করিলে Favour

ক্যান্টার করিবে মোর ঘোড়া !

[পড়িয়া গেল]

মাধুরী । (ছুটিয়া আসিয়া) কি হল ? পটলা—পটলা—মা—মা—

[বিধুবাবু ও ডাক্তার আসিল]

বিধু । ওরে মাধু ? ডাক্তারবাবু এসেছেন—

মাধুরী । বাবা !—পটলা—

কেরানীর জীবন

বিধু। এঁ্যা! কি হয়েছে, পড়ে কেন? দেখতো—দেখতো ডাক্তার। (ডাক্তার ছুটিয়া গিয়া পরীক্ষা করিতে লাগিল) আঃ! এ আবার কি বিপদ হল!

(চাকলা)

ডাক্তার। ভাবনার কিছু নেই। একটু Drink ক'রেছে কিনা, তাই।

(বিধুবাবুর ঘৃণা, ক্রোধ, ক্ষোভ, বিস্ময়)

বিধু। এ্যাঃ! বল কি ডাক্তার! Drink করেছে! (Action) জল নেই, ঝড় নেই, বৃষ্টি নেই, ছেলেমেয়েদের ছবেলা হুমুঠো অন্ন মুখে তুলে দেবার জন্তে আমি হাড়ভাঙ্গা খাটছি; ঘরে বাইরে কত অপমান, কত হীনতা সহ্য করছি; আর—আর—আমারই ছেলে আজ মদ খেতে শুরু করেছে! তাড়িয়ে দে মাধু, ওকে তাড়িয়ে দে বাড়ী থেকে। ও ছেলে আমার বংশের কলঙ্ক। আমি ওর মুখ দেখতে চাই না। আমি মনে করব পটুলা আমার মরে গেছে—পটুলা মরে গেছে।

[বিধুবাবু পড়িয়া গেলেন। সৌদামিনী ছুটিয়া গিয়া তাহাকে ধরিলেন]

মাধুরী। বাবা! পটুলার মুখ দিয়ে রক্ত বেরুচ্ছে!

বিধু। রক্ত! রক্ত! একটু ভাল ক'রে দেখো ডাক্তার, দুকটা একবার ভাল ক'রে দেখো। (অত্যধিক চঞ্চল হইয়া পড়িলেন অপত্যস্নেহে)

[ডাক্তার পরীক্ষা করিয়া বলিল]

ডাক্তার। আমার মনে হয় Lungsটা একবার X-Ray করালে ভাল হয়।

বিধু। X-Ray! X-Ray করতে হবে! X-Ray!

[বিধুবাবু কাঁপিতেছেন]

ডাক্তার। হ্যাঁ, ভাল হয়।

কেরাণীর জীবন

বিধু। তবে আমি যা ভয় করছিলুম তাই। থাইসিস্ !
পটুলা—ওরে তুই যে আমার ডান হাত, তোর ওপর যে আমার আশা
ছিল অনেক ! ভগবান এ তুমি আমার কি করলে !

(ড্রপ)

৩।১

অফিস রুম

সত্যেন। রবিনবাবু দেখতে দেখতে এখানে আপনার এক
বছর চাকরী হয়ে গেল—কি বলুন ?

রবিন। হ্যাঁ—সময় তো আর কারো জন্তে অপেক্ষা করবে না।

ভাসু। বিধুবাবু আছেন কেমন ?

রবিন। ডাক্তার বলছেন ঠিক এখন সম্পূর্ণ বিশ্রাম নেওয়া দরকার।
অরটা কিছুতেই ছাড়ছে না।

ভাসু। অসুখটা কি ?

রবিন। ছিল নিউমোনিয়া—তার থেকে হল টাইফয়েড, টাইফয়েড
থেকে এখন আবার অন্য অসুখে দাঁড়িয়েছে।

দ্বিজেন। আঁহা, তিন তিনটে মাস ভদ্রলোক একনাগাড়ে
ভুগছেন, বেশ ভাল ডাক্তারকে দিয়ে দেখান হচ্ছে তো ?

রবিন। আপনি আমাকে হাসালেন দ্বিজেনবাবু।

দ্বিজেন। কেন ?

রবিন। গরীব কেরাণী। বড় ডাক্তারকে দিয়ে দেখাবার পয়সা
কোথায় ? তাছাড়া অফিস এখন বিধুবাবুর Payment stop করে
দিয়েছে।

কেরাগীর জীবন

দ্বিজেন। বলো কি রবিনদা। একুশ বছরের চাকরি তবুও—

ভায়া। বেনীর ভাগ অফিসার সাধারণ কেরাগীকে ভাবেন কুকুর শেয়াল।

দ্বিজেন। কিন্তু এই সমস্ত শেয়াল কুকুর যদি Regular ষড়ষজ করে এক সঙ্গে স্কেপে ওঠে, তখন তাদের রোখা মুন্সিল।

সত্যেন। পাগলা কুকুর আর পাগলা শেয়ালের কামড় বাবা— বড় চারটিখানি কথা নয়! যাকে কামড়াবে তাকেও পাগল করে ছাড়বে।

দ্বিজেন। তারপর মৃগী রোগ ভায়া বুঝলে—একবার ধরলে আর সহজে ছাড়ছে না!

ভায়া। একটা কড়া Dialogue দিয়েছে মাইরী। মৃগী রোগের শুধু কি জানিস? ছেঁড়া জুতো। আচ্ছা ভাই—কেরাগীদের স্ব্থের দিন কোনটা?

সত্যেন। কেন, মাইনের দিন। মাইনে পেলে আমিই বা কে আর King Learই বা কে। কিন্তু তাই বা কতক্ষণ? First week এর মধ্যে সব টাকা কপ্পুরের মত উড়ে যায়! আমাদের আবার জীবন—তার আবার স্ব্থ।

দ্বিজেন। হাঁ সত্যেনদা? বড়বাবু এখান থেকে মাইনে কত পেতেন?

সত্যেন। সাড়ে তিনশ টাকা।

ভায়া। তাতে আর কি হয় বল? এ সম্বন্ধে আমি একটা কবিতা লিখেছি শুনবে?

সত্যেন। পড়ো—

কেরানীর জীবন

ভানু । চাকরী করি তবু যে হায় মেটেনা মোর দৈন্ত
গিন্নি আনেন বছর বছর নিত্য নূতন সৈন্ত !
কাঁচা বাজার দুটা টাকার থৈ পায় না নিত্য
সংসারেতে কিছুই আমার থাকে না উদ্ধৃত ।
পাঁচ সিকিতে আলু, পটল, বেগুন, চ্যাঁড়স, উচ্ছে—

(আর) বার আনা খরচ করি কাটা পোনার পুচ্ছে !
তার ওপরে ধোপা, নাপিত, ভেজাল দ্বত তৈল
র্যাশান বাবদ তিরিশ টাকা, সঙ্গে জোড়া রইলো ।
তার ওপরে জ্যাকেট ব্লাউজ, তৈরী করে দর্জি,
আর কুটুম্বদের যাওয়া আসা, যখন যেমন মর্জি !
ক্যাবলা, ভোঁদা, কুপ্লা, পড়ে মাষ্টারে চায় মাইনে,
হবে হবে, মিটিয়ে দেব, পালিয়ে তো আর যাইনে !
এই তো আমাদের জীবন !

সত্যেন । না, বেঁচে আর আমাদের কোন সুখ নেই ।

ভানু । কেমন হয়েছে কবিতাটি ?

রবিন । চমৎকার ! কবিতাটি শুনে আমরা সবাই হাসছি, অথচ —
এটা আমাদের বোঝা উচিত, যে হাসির কবিতা তুমি মোটেই লেখনি —
দুঃখকে তুমি হাসির আবরণে ঢেকে দিয়েছো । আমাদের বোকামির
ওপর বেশ একচোট চাবুক চালিয়েছ ভানু !

(কাঁদিতে বাঁদিতে হলধর আসিল)

রবিন । কি রে ! কি হল !

হলধর । বাবু, দেশ থেকে টেলিগেরাম এসেছে আমার মায়ের খুব
অসুখ । তিনি আর বাঁচবে না ! সায়েবের কাছে গেলাম ছুটির জন্যে,

কেরানীর জীবন

ছুটি মঞ্জুর হল না ! আমার মা মরে গেলে আমি আর তাকে দেখতে পাবনা বাবু !

সত্যেন । একি অত্যাচার জুলুম বলতো ? ওর মা মারা যাচ্ছে অথচ ওকে ছুটি দেবে না !

ভান্স । এমন চাকরী করিস কেন ? বা, চাকরী ছেড়ে দিয়ে চলে যা !

হলধর । আমার মা—মাকে আমি আর দেখতে পাবনা ! (দন্দন)

সত্যেন । ছুটি না নিয়েই দেশে চলে যা ; তারপর ফিরে এসে একটা ডাক্তার Certificate দিয়ে দিবি ।

রবিন । ছুটি নেওয়ার ইচ্ছে থাকলে তো অনেক ভাবেই নেওয়া যায় ; কিন্তু সেইটেই তো আসল কথা নয় । আমার কথা হচ্ছে অত্যাচার জুলুম হবে কেন ।

দ্বিজেন । কি করবেন ?

রবিন । প্রতিবাদ করুন । আপনারা ঐ মিঃ গুপ্তকে এখনো বরদাস্ত করছেন ?

ভান্স । উপায় ?

রবিন । Joint application । ওর Against এ একটা দরখাস্ত লিখে, ওপর ওলাদের কাছে পাঠিয়ে দিন ।

সত্যেন । সেখানেও বিপদ । ওপর ওলাদের Order আছে সমস্ত চিঠি যাওয়া চাই Through proper channel । Through proper channel এ দেবো, চিঠি এখানে চাপা পড়ে থাকবে । তারপর চলে যাবে Waste paper basket এ । তারপর মুদীর দোকানে আবার ভাই দিয়ে ঠোকা তৈরী হবে !

কেরাকির জীবন

রবিন। বলেন কি মশাই! এ যে দেখছি অষ্টোপাশ।

ভাহু। বলি Brother—তুমি আছ কোথায়?

রবিন। সত্যেন্দ্র; আপনি একবার যান্না সায়েবের কাছে।
আপনি একটু বুঝিয়ে স্মৃতিয়ে বল্গে, ওর ছুটি মঞ্জুর হতে পারে।

দ্বিজেন। বড়সায়ের থাকলেও না হয় কথা ছিল। তিনি তো
বদলি হয়ে গেছেন দিল্লীতে।

সত্যেন। তাহলে এখন উপায়? এ সময় বড়বাবু থাকলেও
খুব কাজ হোত।

ভাহু। সত্যি কথা—বিধুবাবু পরের দুঃখে সব সময় বুক পেতে
দাঁড়াতে। যে কোনও সায়েবই থাকনা কেন, বিধুবাবু থাকলে
হলধরের ছুটি ঠিক মঞ্জুর করিয়ে নিতেন। ওর বরাং খারাপ; বিধুবাবু
অসুখে পড়ে, বড় সায়েবও 'Transfer' হয়ে গেছেন।

সত্যেন। ব্রাদার. বারিদবরণ গুহকে তুমি জাননা! এইতো
সবে এক বছর এসেছো, আরও ছ'মাস যাক তখন ওকে চিন্বে।
ঐ বারিদবরণ আমাদের অফিসে এসে বতলোকের চাকরী খেয়েছে।
বহু ভদ্র-মহিলার সর্বনাশ করেছে—আর Retrenchment আরম্ভ
হল তো ওরই জন্তে। Heavy retrenchment দেখিয়ে, next
promotionএর পথটা Clear করে রাখলো। না ভাই, আমি ওর
কাছে যেতে পারব না। অফিসে চাকরী করে কে ভাই অফিসারের
বিরাগ-ভাজন হতে চায়? জলে বাস করে কুমীরের সঙ্গে ঝগড়া—সেটা
কি সম্ভব?

রবিন। কাদিস্নে হলধর। তুই আয় আমার সঙ্গে।

সত্যেন। একটু তৈরী হয়ে যেও ভাই—

কেরাণীর জীবন

রবিন। দেখুন—অস্ত্রাঘের বিরুদ্ধে চিরদিন সংগ্রাম করে যাব,
তা সে যেখানেই হোক না কেন? অফিসেই হোক, ঘরেই হোক,
আর বাইরেই হোক! আয়— (হলধর ও রবিনের প্রস্থান)

ভানু। নতুন চাকরিতে ঢুকেছে কিনা, তাই Student-life-এর
গরমটা এখনো কাটেনি! সময়ে সব ঠিক হয়ে যাবে! এই বারোটা বছর
অনেক কিছু দেখলুম ভায়া! বলে—“কত গেলো রথারথি—

শ্রাওড়া তলায় চক্রবর্তী।”

(সকলে কাজে মন দিল)

(মঞ্চ ঘূর্ণায়মান)

৩২

মি: গুহের অফিস রুম

(টেবিলের কাছে মি: গুহ ও মিঃ বসিয়া আছে)

মি: গুহ। তা হলে আপনি গাইতেও পারেন—কি বলুন?

মিঃ। সামান্যই।

মি: গুহ। Dance?

মিঃ। আমার ছোট বোন ব্লু খুব ভালো নাচতে পারে।

মি: গুহ। I see! বিধুবাবুর খুব Fine test আছে বলতে
হবে তো!

মিঃ। বাবার চেয়ে মায়েরই এ সব দিকে Test বেশি।

মি: গুহ। Good! অবশ্য General Education নেবার সঙ্গে
সঙ্গে Fine Art নিয়েও Culture করা দরকার।

মিঃ। না আর আমি ঠিক সেই কথাই বলি। General Education

কেরানীর জীবন

কম হ'লেও তেমন কিছু এসে যায় না ! কিন্তু Fine Artকে যদি দূরে রাখা হয় তা'হলে Life এর সমস্ত Sweetness নষ্ট হয়ে যায় ।

মিঃ গুহ । Wonderful, আপনি নিজেও তো খুব Sweet দেখছি । আর আপনার Idea খুব artistic !

মিঃ । এই দেখুন না, পৃথিবীর সাধারণ নাগরিকগণ চয়তো Calcutta Universityর Chancellor-এর নাম নাও জানতে পারেন, কিন্তু উদয়শঙ্কর, বা পল রবসনের নাম কারো অজানা নয় ।

মিঃ গুহ । অনেক খবর রাখেন তো আপনি !

মিঃ । যাই এবারে কাজ করি ।

মিঃ গুহ । বহুন । বহুন । ঐ তো সানাত্ত কথানা চিঠি । বহুন আপনার সঙ্গে আরও একটু গল্প করা বাক্ । বেশ লাগে, আপনাকে !

মিঃ । তাই নাকি !

মিঃ গুহ । সত্যি খুব ভাল লাগে আপনাকে । Very intelligent । অফিসে তো আরও অনেক Lady clerk রয়েছেন কিন্তু আপনার মত কেউ নয় ।

মিঃ । আমিও ঠিক তাঁদের মত নই—তাই না ?

মিঃ গুহ । আমিও তো আপনাকে সেই কথাই বলছি ।

মিঃ । না-না, আমি বলছি তাঁদের মধ্যে যে সমস্ত Qualification আছে, আমার মধ্যে তা নাও থাকতে পারে ।

মিঃ গুহ । You are far beyond the reach of criticism । আপনার আসন সমালোচনার অনেক ওপরে ।

মিঃ । কি যে বলেন আপনি !

কেরাণীর জীবন

মিঃ গুহ। সত্যি কথাই বলছি। এই এক বছরের মধ্যে আপনি যে রকম কাজ দেখিয়েছেন আমি তা আশা করিনি।

মিস্ত্র। কাজ আপনি আমাকে করতে দেন কখন—বেশতো ! আমার সমস্ত চিঠির উত্তর তো আপনি তো অন্য Clerkকে দিয়ে করিয়ে নেন। আমি শুধু আপনার সঙ্গে গল্প করি, বই পড়ি, আর বাজী যাই।

মিঃ গুহ। না—না, Capacity রয়েছে আপনার—

মিস্ত্র। তাই নাকি।

মিঃ গুহ। তাইতো আপনাকে এত ভাল লাগে। মিস্
মুখার্জী, I like you much. You are my Paradise, you are
my Dream of dreams ! (মিঃ গুহ মিস্ত্রর কণ্ঠে আসিল)

মিস্ত্র। Mr. Guha, please be sensible.

মিঃ গুহ। মিস্ত্র, Don't be so unkind, don't be so rude.
I want you—I want you as my—(মিঃ গুহ মিস্ত্রর হাত চাপিয়া ধরিল)
(সঙ্গে সঙ্গে রবিনের প্রবেশ, পিছনে হলধর)

মিঃ গুহ। What do you want? Get out—Get out
I say.

রবিন। দেখুন — (শালিনতা এবং ব্যক্তিত্ব লইয়া)

মিঃ গুহ। বেরিয়ে যান—বেরিয়ে যান এখান থেকে। বাইরে
আমার Orderly আছে, তার হাত দিয়ে Slip পাঠিয়ে দেন নি কেন ?

রবিন। উচিত মনে করিনি তাই।

মিঃ গুহ। What !

রবিন। চেষ্টাবেন পরে, আগে আমার কথা শুনুন।

কেরাণীর জীবন

মি: গুহ। আমি তোমার কোনও কথাই শুনব না।

রবিন। বেশ, আমি তা'হলে চলাম আপনার ওপরওলার কাছে— (গমনোত্তত)

মি: গুহ। শোনো। (বুঝিয়া)

রবিন। বলুন।

মি: গুহ। কি বলতে চাও?

রবিন। হলধরের মায়ের খুব অসুখ। দেশ থেকে ওর টেলিগ্রাম এসেছে। ওকে যদি ছুটি দেন, ওর কাজটা আমিই চালিয়ে নোবো।

মি: গুহ। No, No, No, ছুটি আমি কিছুতেই দোবো না।

রবিন। বেশ, দেবেন না। (গমনোত্তত)

মি: গুহ। শোনো।

রবিন। বলুন। (আবার কিরিয়া)

মি: গুহ। তুমি যে বড়ো আমায় ভয় দেখাচ্ছে! What's your big idea? তুমি জানো, অসম্ভবকে আমি সম্ভব করতে পারি! তুমি জানো, A single stroke of my pen can debar you from any office throughout the whole sphere of your life?

রবিন। আপনার বোধ হয় Blood Pressure হয়েছে!

(সঙ্গে সঙ্গে)

মি: গুহ। What!

রবিন। Treatment করান! খুব খারাপ অসুখ কিনা! আর হলধর— (গমনোত্তত)

মি: গুহ। দাঁড়াও।

কেরাগীর জীবন

রবিন। তিনবার তো ডাকলেন। বলুন। এবার আপনি 'চলে যেতে'—না বলা পর্যন্ত—আর যাব না। Chairটায় বসতে পারি? অবশ্য আপনার অমুমতি নিয়ে—

(উত্তর পাইবার পূর্বেই চেয়ারে বসিয়া পড়িল)

মিঃ গুহ। Sit down.

রবিন। এই দেখুন Telegram। সত্যিই ওর মায়ের খুব অসুখ। আপনার অফিসের কোনও কাজ আটকাবে না। আপনি ওকে সহজেই ছুটি দিতে পারেন।

মিঃ গুহ। ওকে যদি ছুটি দিই, সে জায়গায়তো আর আমি অন্য লোককে Replace ক'রতে পারছি না। বাবুদের জন্ত জল তুলবে কে?

রবিন। কেন—আমি।

মিঃ গুহ। বাবুদের ফাই করমাজ খাটবে কে?

রবিন। কেন—আমি। আমি কথা দিচ্ছি আপনাকে, যাতে ওর কাজ না আটকায় সে ব্যবস্থা আমরা করব।

মিঃ গুহ। কতদিনের ছুটি চায়?

রবিন। কতদিন রে?

হলধর। তিন হপ্তা।

মিঃ গুহ। Where's the application?

রবিন। দরখাস্ত এনেছি।

(হলধর রবিনকে দরখাস্ত দিল। রবিন মিঃ গুহের টেবিলে দরখাস্ত রাখিল।

মিঃ গুহ—তাহাতে সই করিয়া কেলিয়া দিলেন)

রবিন। কাল থেকে তোর ছুটি। আচ্ছা চলি তাহলে, অনেক ধন্যবাদ আপনাকে—অমুরোধটা আপনি রেখেছেন।

[রবিন উঠিল, হলধর প্রস্থান করিল]

কেরাণীর জীবন

মিঃ গুহ। Get out.

রবিন। বাবার জন্তেইতো উঠে দাঁড়িয়েছি।

মিঃ। রবিনদা,—রবিনদা,—রবিনদা,—তুমি যে বড় আমাদের
বাড়ী যাও না? [মিঃ রবিনের পথ রোধ কবিয়া দাঁড়াইল]

রবিন। এমনি।

মিঃ। বাবার খুব অসুখ—

রবিন। জানি—

মিঃ। বাবা তোমাকে ডেকেছেন—

রবিন। আচ্ছা— [রবিনের প্রস্থান]

মিঃ। এ আপনি কি করলেন বলুন তো? হয়তো রবিনদা
দেখে ফেলেছেন, তাই আমার সঙ্গে আর ভাল ক'রে কথা বললো না।

(মিঃ গুহকে)

মিঃ গুহ। দেখে ফেললেই বা হ'য়েছে কি? আমি তো আর
অন্যায় এমন কিছু করিনি। সায়েবরা যে Courtship করে!

মিঃ। Don't talk nonsense! আপনি আমার এই Slipper
দেখছেন, further আপনার কাছ থেকে একটি মাত্র অপমান-জনক
কথা শুনলে, আমি এটিকে কাজে লাগাবো। ভদ্রতার সীমা আপনি
ছাড়িয়ে উঠেছেন। [মিঃর মুখ রাগে আরক্তিম হইয়াছে]

মিঃ গুহ। কেন আমি তো আপনাকে অসম্মান করিনি।

মিঃ। বাজে বকবেন না। কাল থেকে আমাকে একরুম থেকে
ট্রান্সফার ক'রে দেবেন, তা না—হ'লে আপনার সম্বন্ধে আমি Higher
Authorityর কাছে Report করতে বাধ্য হব!

মিঃ গুহ। Office girlদের আবার Prestige! চাকরিটা
আমিই করে দিয়েছিলাম—

কেরাণীর জীবন

মিঃ। সেইজন্মেই দিনের পর দিন আমি আপনার বাদরামি সহ করেছি। কিন্তু আর নয়, আমি কালই এ রুম থেকে ট্রান্সফার হতে চাই—

মিঃ গুহ। As you like it Madam। কাল থেকে আমি মিসেস সেনকে আমার কাছে আনব, আর আপনি কাজ করবেন Despatch Section-এ।

মিঃ। আমার মাথা ধরেছে। আমি এখন বাড়ী যেতে চাই।

মিঃ গুহ। যেতে পারেন।

(মিঃ ভ্যানিটি ব্যাগ লইয়া রাগে গর্গর্ করিতে করিতে প্রস্থান করিল।

Table-এর ওপর পা তুলিয়া দিয়া মিঃ গুহ ধোঁয়া ছাড়িতে লাগিলেন।)

(মঞ্চ বর্ণনামান)

৩৩

— দ্বিতলের দালান —

(একটি চেয়ার এবং টেবিল আছে। মিঃ টেবিলে মাথা রাখিয়া কাঁদিতেছে।)

বলু। মেজদি কখন এলি ভাই। আর এত সকালে সকালে যে মেজদি! কি হ'য়েছে! শরীর খারাপ?

(বলু মিনুর পিঠে হাত বুলাইতে লাগিল)

বলু। মেজদি কঁাদছ? কেন? কি হ'য়েছে?

মিঃ। কিছু না।

বলু। লক্ষ্মীটি আমায় বলো না কি হ'য়েছে?

(মিঃ মাথা উঠাইল। চোখের কোণ দিয়া জল গড়াইতেছে)

মিঃ। পুরুষরা সব স্বার্থপর, বদ্‌মাইস, বেইমান।

বলু। কেন! কি হ'য়েছে!

কেরাণীর জীবন

মিহু। কিছু নয়।

বলু। বলবে না তো? বেশ—আড়ি, আড়ি, আড়ি। আমি আর তোমাকে কোনো কথা জিজ্ঞেস করব না।

মিহু। আঙ্কে আমি খুব অপমানিত হ'য়েছি।

বলু। কেন!

মিহু। চাকরি আমি আর করব না।

বলু। কি বলছ তুমি! তোমার রোজগারের টাকায় কোনো রকমে আজ আমাদের সংসার চলছে! ডাক্তারবাবু বলে গেলেন দাদার অবস্থা খুব খারাপ। বাবার সম্বন্ধেও ভরসা করে কিছু বলা যায় না, মায়ের গয়নাগাটিও সব বাঁধা পড়েছে একে একে, এখন তোমার ঐ আড়াইশো টাকা আমাদের একমাত্র সম্বল। তুমি চাকরি ছেড়ে দিলে আমরা খাব কি, সংসার চলবে কি করে?

মিহু। এ্যাঃ! হাঁ, ঠিক কথাই ব'লেছি। তুমি চাকরি আমি ছাড়ব না।

বলু। এদিকে আবার বাড়ী ভাড়া পড়ে গেছে বলে কোর্ট থেকে নোটিশ দিয়েছে, বাড়ী আমাদের খালি ক'রে দিতে হবে।

মিহু। তাই নাকি!

বলু। হাঁ, বিপদের উপর বিপদ যাচ্ছে। তোমাকে আমরা কোনো কথা কি শোনাই?

মিহু। তাহ'লে এখন উপায়?

বলু। ভগবান যা হ'ক একটা পথ ক'রে দেবেন। হাঁ, তোমার কি হ'য়েছে বললে না তো?

মিহু। তুমি ছেলে মানুষ কি শুন্বি বলতো?

কেরানীর জীবন

বলু। বলনা মেজদি—(আদ্য)

মিনু। আমার অফিসার মিঃ গুহ উচ্ছ্বসিত হ'য়ে যা তা কথা আমাকে বলছিলেন আমার হাত দুটো ধরে, আর ঠিক সেই সময়ে হঠাৎ রবিনদা ঢুকে পড়লেন সেই ঘরে। রবিনদা আমাকে কি মনে করলেন বলতো ?

বলু। তুই কেন যা তা কথা বলবার সুযোগ দিলি ? (রাগ)

মিনু। আমি কি জানতুম যে কথা কহিতে কহিতে হঠাৎ কোনো ভদ্রলোক—

বলু। ভদ্রলোক—না ছাই। জুতো দিয়ে মারতে পারলি নি ?

(রাগ)

মিনু। 'জুতো মারব' যখন মুখে বলেছি, তখন সেটা জুতো মারবারই সমান।

বলু। তুমি মেজদি খুব "ড্যান্সিং" নও । বড়দি কিঙ্ক এসব দিকে ভারি "এক্সপার্ট"।

মিনু। (মুখ তুলিয়া স্থির দৃষ্টিতে চাহিয়া) ইস্—অহংকারে মট্ মট্ করছে।

বলু। কে তাই ?

মিনু। কে আবার ? রবিনদা। তিনটি ব্যাকোর তিন কথায় উত্তর দিয়ে গেল। একটা হচ্ছে "এমনি", আর একটা "জানি", আর শেষের কথা হ'ল "আচ্ছা"। উঃ, কি অহংকার ! ও মনে করেছে—আমি মিঃ গুহের ভালবাসায় পড়েছি। পুরুষরা ভয়ংকর Jealous। কি হ'ল, কেন হ'ল, কারণটা কিছুই জানতে চাইবে না। চোখের সামনে একটা কিছু দেখলেই হ'ল,—বাস্—অম্নি একটা ধারণা ক'রে বসে রইল।

কেরাণীর জীবন

বলু। রবিনদা এলে আমি বুঝিয়ে শুঝিয়ে ঠিক ক'রে দোবো এখন। ওমা এইজন্তে তুমি কাঁদছ! ছি, ছি, তুমি এতখানি Weak। দাঁড়াও রবিনদা! আম্মন একবার, আমি বলে দিচ্ছি তোমার কীর্তি।

মিহু। হাঁরে, কি বলছিলি? ডাক্তারবাবু কি বলে গেলেন?

বলু। বল্লেন—দাদার অবস্থা খুব খারাপ। Lungsটা একবারে নষ্ট হ'য়ে গেছে।

মিহু। বলিস্ কি রে! আর বাবার সম্বন্ধে কি বলে গেলেন?

বলু। যা বল্লেন—তা থেকে বেশী কিছু আশা করা যায় না।

মিহু। তাহ'লে তো এখন টাকার দরকার সব চেয়ে বেশি। কি করা যায়! কোথা থেকে টাকা পাওয়া যায়? (চিন্তিত) (সহসা) দেখ্ বলু, এক কাজ করলে হয় না?

বলু। কি কাজ—বলো না।

মিহু। এই ধরু—আমি যদি কাল 'অফিস'-এ গিয়ে অফিসারদের Flirting করতে আরম্ভ করি।

বলু। Flirting কি জিনিষ?

মিহু। কথায় বলে না Flirt girl। এই ধরু অফিসারদের সঙ্গে রৌস্তোরী, সিনেমা, হোটেলে যাব, খুব ভাগবাসার অভিনয় করব, আর In Exchange যখন যা কিছু দরকার Tactfully আদায় করে নোবো।

বলু। কি বলছ মেজদি! এসব চিন্তা তোমার মনে আসে!

মিহু। না এসে উপায় কি! চারিদিকে অন্ধকার দেখছি বলু। মান, ইজ্জৎ, ভদ্রতা বজায় রাখতে গেলে—চাই টাকা। এত বড় একটা সংসারে দুজনের দুটো কঠিন অস্থখ করেছে বলু। তুই বল্লি মায়ের গয়নাগাঁটগুলোও সব বাঁধা পড়েছে। নীতি মেনে যদি চলি

কেরাণীর জীবন

তাহ'লে তোদের যে আর বাঁচাতে পারব না বলু। তার ওপর বড়দি হচ্ছেন বিধবা, তাঁরও একটি ছেলে আছে। দেখ্ বলু, রবিনদার কথা ছেড়ে দে, এক রবিন যাবে, হাজার রবিন আসবে, কিন্তু তোরা যদি সব একে একে চলে যাস্ তাহ'লে তোদের আমি নতুন করে কিরে পাব না বলু।

[বলুর মুখখানি হ'হাতে ধরিয়া মিনু কঁাদিতে লাগিল।]

বলু। তোমার কি মাথা খারাপ হ'য়ে গেছে মেজদি? একটা অফিসারের কাছে তাড়া খেয়ে এসে প'ড়ে প'ড়ে যে মেয়ে কঁাদে সে আবার অল্প উপায়ে পয়সা রোজগার করবে! এসব যা তা কথা বলিস্ নি মেজদি, শুনলে আমার মনে বড় কষ্ট হয়। (অভিমান)

মিনু। আমার বলুরাণী, ~~আমার কল্লোল~~, ~~আমার বলু~~—
বলু— (বলুকে বুকে জড়াইয়া তাহার কপালে চুম্বন করিল।)
(মঞ্চ বর্ণায়মান)

৩৪

—একতলার দালান—

[বিধুবাবু একটি ইঞ্জি চেয়ারে শায়িত। নক্সা]

বিধুবাবু। আঃ—আঃ—নারায়ণ—

[মাধুরী মাথার কাছে দাঁড়াইয়া পাখার বাতাস করিতেছে।]

মাধুরী। কষ্ট হচ্ছে বাবু?

বিধু। না—না—কষ্ট কিসের? বেশ আছি, খুব ভাল আছি।

দামিনী—দামিনী—

[সোদামিনীর প্রবেশ]

সোদা। কি বল্ছো?

কেরানীর জীবন

বিধু। একে একে গয়নাগুলো তোমার সবই বাঁধা পড়ে যাচ্ছে।
কি করি। বিশ ভার সোনার মধ্যে তিন ভরিতে এসে ঠেকেছে।

সোদা। তুমি সেরে উঠে আবার ছাড়িয়ে দেবে।

বিধু। এ্যাঃ! হাঁ—(মান হাসি)

সোদা। হাসলে যে!

বিধু। এমনি! আচ্ছা তোরা সবাই আমার কাছে রয়েছিস্।
পটলার কাছে কে রয়েছে?

মাধুরী। গোজো, খোস্তা, ঝাড়া, সতু—

বিধু। কি আশ্চর্য, ওদের কেন পটলার ঘরে ঢুকতে দিয়েছ! তুমি
তো জানই গিন্নী—পটলার রোগটা বড় ভাল নয়! হতভাগা ছেলে
কোথা থেকে যে থাইসিস্ ধরিয়ে এল! ওরে মাধু—যা মা, ছেলেগুলোকে
পটলার ঘর থেকে বের ক'রে দে, তুই বরং পটলার কাছে থাক।
ওরে, সতুকে ডেকে দে—

মাধুরী। সতু—সতু—সত্যবান্—

[সত্যবানের প্রবেশ]

সত্য। মা ডাকছে?

বিধু। এই শালা এদিকে আয়।

সত্য। (কাছে আসিয়া) কি বলছে?

বিধু। দাদাভাই, তোমার সেই ছড়াটা একবার তোমার দিদিমাকে
শুনিয়ে দাও তো।

সত্যবান্। না,—না মারবে।

বিধু। কেউ মারবে না, আমি বলছি, তুই শোনো।

কেরাণীর জীবন

সত্য ।

দাদাভাই চালভাজা খাই

ময়না মাছের মুড়ো,

এক পয়সার বউ এনেছি

খাদ্য নাকের চুড়ো ।

[দিদিমাকে বৃদ্ধাস্থ দেখাইয়া ছুটিয়া প্রস্থান করিল ।

[মিন্টুর প্রবেশ]

মিন্টু । মা ডাক্তারবার আসছেন ।

[মোদামিনী ঘোমটা টানিয়া সরিয়া পাড়াইলেন]

[ডাক্তারের প্রবেশ, হাতে ব্যাগ, ট্রেথ্‌স্কোপ]

কেশব । আজ আপনি কেমন আছেন ?

বিধু । ভাল আছি ডাক্তার ।

[মিন্টু মোড়া আনিয়া দিল]

মিন্টু । বসুন । (ডাক্তার বসিল)

কেশব । জ্বরটা নেমেছে ? (মাধুরীকে)

মাধুরী । না—

কেশব । এখন টেম্পারেচার কত ?

মাধুরী । ১০২ ।

কেশব । বসে আছেন কেন ?

বিধু । বিছানায় শুয়ে শুয়ে আর ভাল লাগে না ডাক্তার ।

[কেশব পরীক্ষা করিল]

কেশব । Heart বড় Weak । বেশি নড়াচড়া করবেন না
আপনি । এই ইন্জেকশনটা আনিয়ে রাখবেন ।

[পকেট হইতে কাগজ ফাউন্টেন পেন লইয়া লিখিলেন]

বিধু । Injectionটা না দিলে কি হয় না ডাক্তার ? টাকাসুলো

কেরাণীর জীবন

সব জলের মত খরচা হ'য়ে যাচ্ছে, চারদিকে ধারদেনা জমে উঠেছে, আমি বলি ইন্জেকশনটা থাক্।

মাধু। মা কিছু বলবে ?

[সৌদামিনীর কাছে মাধুরী আসিল]

বিধু। ডাক্তার! আমি আর বাঁচব না। আমাকে মরতে দাও ডাক্তার, কিন্তু এদের মেরো না, আমি ম'রে গেলে এদের সংসার চলবে কি ক'রে। আমার স্ত্রী গয়না গাটি বাঁধা দিয়ে আমার চিকিৎসা করাচ্ছেন, ওর মনে বড় আশা আমি বাঁচব; কিন্তু ডাক্তার, আমি নিশ্চয়ই জানি যে মেয়াদ আমার কুরিয়ে এসেছে।

মাধুরী। মা বলছেন যত ভালো ভালো ওষুধ ইন্জেকশন আছে সব দিন, বাবার কথায় আপনি কান দেবেন না।

বিধু। আমি ভাল কথা বলছিঁরে মাধু, তোর মাকে বুঝিয়ে বল।

মাধুরী। মা কাঁদছেন। এ সব কথা তুমি বোলো না বাবা।

কেশব। প্রেসকুপসনটা দিন তো। (মাধুরী উঠা দিল) এক কাজ করুন, কাউকে পাঠিয়ে দিন আমার সঙ্গে, ওষুধ আমি পাঠিয়ে দিচ্ছি। আর ইন্জেকশনটা বিকেলে এসে দিয়ে যাব।

[ডাক্তার প্রেসকুপসন ছিঁড়িয়া ফেলিল। ডাক্তার উঠিয়া দাঁড়াইল]

মাধুরী। ওষুধের দামটা। (টাকা দিতে গেল)

কেশব। রেখে দিন, পরে নোবো।

বিধু। তোমার মত যদি সকলেই হত ডাক্তার তাহ'লে পৃথিবীটা একদিনেই স্বর্গ হ'য়ে যেতো।

মাধুরী। মিণ্টু, ভাই, একবার যাও তো ডাক্তারবাবুর সঙ্গে ওষুধটা নিয়ে আসবে।

কেশব। ভেতরে চলো থোকা, পরেশকে দেখে আসি।

কেরানীর জীবন

বিধু। হ্যাঁ, পট্টলাকে দেখে যাও ডাক্তার। ওর জন্তেই আমার ভাবনা। আহা-হা, অমন যোগান ছেলেটা—(দীর্ঘশ্বাস) সবই অদৃষ্ট।

(ডাক্তারও মিটু'র ভিতরে প্রবেশ। মিটু'র হাতে ডাক্তারের ব্যাগ)

(নেপথ্যে) স্ত্রাপলা। মিটু'র আছো—মিটু—

সৌদামিনী। দেখতো মাধু কে ডাকে।

মাধুরী। স্ত্রাপলা এসেছে। তাড়িয়ে দি। এই সব হাড়-হাবাতে লক্ষীছাড়া ছেলেদের সঙ্গে মিশেই পট্টলা উচ্ছিন্নে গেল।

সৌদামিনী। আহা! নারে-না। ওকে ডেকে আন। বোধ হয় আমার পট্টলার সঙ্গে দেখা করতে এসেছে।

মাধুরী। ভেতরে এস।

বিধু। আহা-হা কর্মফল—সবই কর্মফল—

সৌদামিনী। এত ভাবছ কেন বলতো?

বিধু। নন্দী সায়েব ঐ অফিস থেকে 'Transfer' হয়ে গেলেন এখন অফিসার হচ্ছেন গুহ সায়েব। নন্দী সায়েব থাকলে কিছুতেই তিনি আমার মাইনেটা বন্ধ করতেন না। আমার ভাগ্য-দোষে ভাল লোকটাই স'রে গেল।

(স্ত্রাপলা'র প্রবেশ)

স্ত্রাপলা। বড়দি—টাকা!

মাধু। টাকা!

স্ত্রাপলা। হ্যাঁ, পট্টলদার অস্থখে অনেক টাকা খরচ হচ্ছে, এখন টাকার দরকার খুব বেশী। এই নিন ৫১২ টাকা।

সৌদা। না, বাবা না, ওটা তোমার কাছেই থাক। ছেলে মানুষ তুমি এত টাকা কোথায় পেলে বাবা।

স্ত্রাপলা। এ টাকা আমার নয়—পট্টলদার।

কেরাগীর জীবন

মাধু। পটলার টাকা ! [রক্ত মেজাজ]

সোদা। তোমার কাছে জমা রেখেছিল বুঝি ?

তাপলা। না জমা রাখেনি। পটলদার রোজগারের টাকা।
থিয়েটার কোম্পানীর ম্যানেজার টাকাটা পাঠিয়ে দিয়েছেন।

মাধু। পাঠাবার কারণটা—[রক্ত মেজাজে]

তাপলা। পটলদা বাইরে যে সাজাহান প্লে করে এলেন—তা'র
টাকা। প্লে করতে করতে Last scene এ পটলদার মুখ থেকে হঠাৎ রক্ত
ওঠে। সেই সময়ে গোলমালে তাড়াতাড়িতে Manager মশাই টাকাটা
দিতে পারেননি। পটলদার অস্থখের কথা শুনে আমার হাত দিয়ে
তিনি টাকাটা পাঠিয়ে দিলেন।

বিধু। আগ হা হা—

সোদা। আমার পটলার রোজগারের টাকা। মাধু বাছাকে
আমার কত গালমন্দ করেছি তোরা। [ক্রন্দন]

মাধু। এমন রোজগারে দরকার কি। থিয়েটার দলে গিয়েই
তোমার ছেলে ছাই পাশ গিলতে শুরু করেছে !

বিধু। সবই অদৃষ্ট মাধু সবই অদৃষ্ট—

তাপলা। না বড়দি। পটলদাকে দোষ দেবেন না। সেদিন
মুখ থেকে রক্ত বেরুতেই অধিকারী মশাই জোর ক'রে পটলদাকে
ওস্থখের মত একটু খাইয়ে দিলেন। পটলদা কিছু কিছুতেই খেতে
রাজী হ'ননি।

সোদা। আমি তোকে বলেছিলুম না—পটলা আমার সে
ছেলে নয়।

বিধু। পটলাকে তোরা ভুল বুঝেছি মাধু, ও হচ্ছে ছাই চাপা
আগুন। ব্যাটার বড় সখ ছিল মনে যে দানিবাবু হবে—

কেরাণীর জীবন

তাপ্লা । আমি যাই মাসিমা—[সৌদামিনীকে প্রণাম করিল । সৌদামিনী তাপ্লার দাড়িতে চুম খাইলেন হাত দিয়া]

সৌদা । পটলার সঙ্গে দেখা করবে না ?

তাপ্লা । না আজ থাক্ । আমি গেলেই আমার সঙ্গে কথা বলবে, ওর কষ্ট হবে । পটলদা সেরে উঠুক, আমি নিশ্চয়ই এসে দেখা করবো ।

[প্রস্থান]

সৌদা । অহা রত্ন, সোনার টুকরো ছেলে । এই সব ছেলেকে তুই দেখতে পারিস্ না মাধু । পৃথিবীকে তুই যতটা খারাপ মনে করিস্ মাধু, ততটা খারাপ সে নয় । পটলার কাছে যা, দেখ্ ডাক্তার কি বলছে ।

মাধু । বেশী কথা বলো না বাবা, চুপ ক'রে শুয়ে থাকো ।

[মাধুর প্রস্থান]

বিধু । চুপ ক'রে শুয়ে থাকতে পারি কই ? বুকের ভেতরটা যে আমার খালি হ'য়ে গেছে ।

সৌদা । আবার কথা বলে ?

বিধু । ধারদেনায় চারিদিক থেকে জড়িয়ে পড়েছি । বাড়ীওলা নোটিশ দিয়েছে, আজ বাদে কাল তোমাদের হাত ধরে পথে দাঁড়াতে হ'বে । আমি..... আমি..... সব কিছু হুংখ কষ্ট সহ্য করতে পারতুম্ গিন্নী—আমার পটলা যদি আজ ভালো হ'য়ে উঠতো । ভগবান, আমার চাকরি কেড়ে নিয়েছো, তাতে আমি দুঃখিত নই, হুংখ দৈন্ত তুমি দিয়েছো আমার জীবনে—তাতেও আমি ভেঙে পড়িনি, কিন্তু আমার মুখের অন্ন আমার পটলা—আমার পটলাকে কেন তুমি.....

[ক্রন্দন] [বিধুবাবু সোজা উঠিয়া বসিলেন]

কেরানীর জীবন

আঘাত দাও, আরও আঘাত দাও আমি সহ্য করব—আমরণ সহ্য করব—

সৌদা। কেন তুমি এরকম করছ? কেঁদোনা। আমার কথা শোনো।

[সৌদামিনী বিধুবাবুর মাথায় হাত বুলাইতে বুলাইতে কাঁদিতেছেন।]

(ড্রপ)

৫১১

অফিস রুম

সত্যেন। দ্বিজে—

দ্বিজে। বলুন।

সত্যেন। দেশলাইটা একবার দাও তো। সিগারেটটা ধরিয়ে নি।

[দ্বিজন পকেট হাতড়াইতেছে]

দ্বিজে। এই ভেনো—

ভানু। কি? [কাজ করিতে করিতে]

দ্বিজে। খুব ছেলে যা হ'ক বাবা।

ভানু। কেন!

দ্বিজে। দেশলাইটা পকেটবাজি ক'রেছিস্ তো?

ভানু। (হাসি) ওহো,—এই ঝাংখো বিড়িটা ধরিয়ে তোমাকে ফেরোৎ দিতে ভুলে গেছলুম মাইরি।

দ্বিজে। সবুদাকে দেশলাইটা দে। নিবারণদা তো আজকেও Absent দেখছি, নিবারণদা বড় Irregular—

[ভানু সত্যেনকে দেশলাই দিল। সত্যেন সিগারেট ধরাইল।]

কেরাণীর জীবন

সুহাস। তা ব'লে কি হয়। ছোট সায়েবকে তেল দিয়ে দিয়ে বছরের পর বছর ঠিক Incrementটি বাগিয়ে নিচ্ছে।

আটি। হাঁরে ভেনো, শুন্তে পাই নিবারণনা নাকি ছোট সায়েব অ'র ছোট সায়েবের Lady-typistএর জন্ত সিনেমার টিকিট কিনে আনে!

ভাহু। চেপে যাও না ব্রাদার। আদার ব্যাপারীর জাহাজের খবরে দরকার কি, ওসব হচ্ছে বড় ঘরের বড় ব্যাপার।

দ্বিজেন। লোকটা মহা-হারামজাদা!

আটি। যা ব'লেছি দ্বিজেন। আমার মাইনেটা আমার হাতে না দিয়ে পাঠায় কিমা আমার গিন্নীর কাছে।

ভোলা। তোমার বাড়ি থেকেই তো Complain করেছে তুমি নাকি Race-groundএ গিয়ে মাইনের টাকা ঘোড়ার পেছনেই উড়িয়ে দাও।

আটি। উড়িয়ে দি মানো! যা টাকা পাই তা'তে কি সংসার চলে! মাইনের টাকাটি পেয়ে Race-groundএ Double করতে যেতুম, একবার একটা মোটা বাজি মেরেছিলুম বুঝলি? এখন ভাই মাসের শেষ, একটি পয়সার জন্তে গিন্নীর কাছে হাত বাড়াতে হয়!

[রবিন নিঃশব্দে কাজ করিয়া যাইতেছে]

অজয়। রবিনদা—বাড় মুখ গুঁজে কি ঘোড়ার ডিমের কাজ ক'রছো।

সুহাস। প্রমোশনের কোন Chance নেই।

আটি। এম-এস-সি পাশ করে বড় জোর আড়াইশো টাকাতে গিয়ে পৌঁছুবে।

ভাহু। মাইরি কাল একথানা First class ইংরিজি ছবি দেখে এসেছি। আহা মেয়েটা কি পার্টই কম্বলে মাইরি, মাইরি জালিয়ে দিলে!

কেরাণীর জীবন

দ্বিজেন। বলিস্ কি রে!

ভানু। কি Voluptuous চেহারা মাইরি, চোখের কি Expression। আহা, সের্গি Acting, কল্পনা করা যায় না!

আটি। কার কথা বল্ছিস্?

ভানু। Ingrid Bergman! আহা, ও রকম Actress আর জন্মাবে না মাইরি।

দ্বিজেন। তুই থাম্! ক'খানা ছবি দেখেছিস্ রে? পাট'ক'রে গেছে আমাদের গ্রিটা, পাট'ক'রে গেছে আমাদের মার্লিন। নায়ক নায়িকার এক-একটা Romantic scene দেখলে মনে হয় এখুনি হাট'ফেল ক'রে মারা যাই।

অজয়। রবিনদা, তুমি এখনো কথা বল্ছো না? তুমি তো খুব Conservative।

রবিন। (মুখ তুলিয়া) Conservative? (হাসি) ভালো। দেখো, আমাদের অর্থ-নৈতিক কাঠামোতে আজ ঘুণ ধরেছে, তাই আমাদের সামাজিক আর নৈতিক চেতনাও দুর্বল হ'য়ে প'ড়েছে। শিক্ষা আর সভ্যতার খোলসটুকু নিয়ে আজ আমরা ঘুরে বেড়াচ্ছি। কোন্টা ভালো কোন্টা মন্দ এখন আর আমরা তা বুঝতে পারিনা। তা'না হ'লে দশ আনা পাঁচসিকে পয়সা বাজে খরচা না ক'রে, তোমরা সেটাকে সংসারের কাজে লাগাতে!

সুহাস। এই দেখো, আবার সেই Lecture! দুঃখের মধ্যে যেটুকু আনন্দ আমরা পাই সেটুকুই তো আমাদের লাভ।

রবিন। Lecture নয় সুহাস! আজ কঠিন—কঠিন সমস্যা অস্ত্রোপাশের মত আমাদের জীবনকে জড়িয়ে ফেলেছে।

কেরাগীর জীবন

দ্বিজন। বুঝলুম তো সব, কিন্তু সমাধানের উপায় কি ?

রবিন। দেখো দ্বিজন, সমাধানের উপায় আমি তোমাদের বলতে পারি। কিন্তু তোমাদের মত বিভিন্ন মতবাদীদের তাড়নায় আমাকে বিপর্যস্ত হ'তে হ'বে। সমস্তার সমাধান তো আমাদের হাতে মানে তোমাদের হাতে। কিন্তু তোমরা এখনো আফিং-এর নেশায় মশগুল হ'য়ে আছো।

আটি। আফিং-এর নেশা! কেন!

রবিন। পর-নিন্দা, স্বার্থ-সিদ্ধির চেষ্টা, বিশ্বাসঘাতকতা, আত্ম-ভিমান, জাত্যাভিমান, পদমর্যাদাভিমান, অশিক্ষা, কুশিক্ষা, আর কুসংস্কার, এগুলোকে তোমরা 'আফিং'-এর মত গিলছো। সমস্তার সমাধান হ'বে কি করে! একজন হয়ত খুঁচিয়ে খুঁচিয়ে তোমাদের সমস্তার কথা তোমাদের মনে করিয়ে দিচ্ছে, আর তোমরা? জল-ভরা ফ্যাকাশে চোখ নিয়ে দিব্যি আরাম ক'রে ঢুলছ আর গাই তুলছ।

সত্যেন। ওহে আজ শনিবার, দেড়টা বাজে!

আটি। নাওহে পাঁজিপুঁথি তোলো।

অজয়। দেড়টা বাজে! বাঁচা গেছে! চল্‌রে দ্বিজন বাড়ী যাই।

স্বহাস। রবিনদা তুমি এখনও ব'সে কাজ করছে—

[রবিন লিখিতেছে]

ভাষ্ক। লেখাপড়ায় যখন ভালো ছেলে, তখন কেরাগী হিসেবে তো ভাল হ'বেই। আমি ওসব কাজ-কম্যের ধার ধারি না। আসব, ফাঁকি দোবো, মাসের শেষ মাইনেটি নেবো বাড়ী যাব—ব্যস। বেশি কাজ করলে কি বেশি মাইনে দেবে?

কেরাণীর জীবন

অজয়। সত্যি ভাই! রাত্তির আটটা ন'টা পর্যন্ত কাজ ক'রে ক'রে বিধুবাবু অস্থগে পড়েছেন। কই—অফিস তাকে দেখছে?

ভানু। অফিসের কর্তাবা সব আটছে বসে ফন্দী।

কেমন ক'রে পাকে চক্রে করবে আমায় বন্দী,

বুদ্ধাজুঠ দেখিয়ে আমি দিয়ে চলি ধাপ্পা

(আর) কলম ধরে গুণগুণিয়ে গাই যে লারে লাঙ্গা।

(রবিন বাতীত সকলে হাসিতেছে। মিশু প্রবেশ করিতেই সকলের হাসি বন্ধ হইয়া গেল।)

(মিশুর প্রবেশ)

মিশু। রবিনদা—

রবিন। কি খবর?

মিশু। পটলের অবস্থা বড় খারাপ। ডাক্তারবাবু বলেছেন বোধহয় আজকের রাতটা আর কাটবে না।

রবিন। (মিশুকে) বলো কি! (সকলে) কা'র কথা বলছ জানো? বিধুবাবুর বড় ছেলে। থাইসিস্ হয়েছে—অবস্থা খুব খারাপ। যক্ষ্মার মত মৃত্যু আজ দেশের ভবিষ্যৎ সম্ভাবনাকে গ্রাস করতে চলেছে।

আটি। (অজয়কে) সেই যে একবার টিফিন-কেরিয়ার ক'রে বিধুবাবুকে অফিসে খাবার দিতে এসেছিল মনে নেই—

ভানু। হাঁ, হাঁ, খুব চিনি তা'কে, সে তো Amateur worldএর একজন নাম করা অভিনেতা।

রবিন। অদ্ভুত প্রতিভা ছেলেটির। মুখে মুখে তৈরী কবে গৈরিশ ছন্দ, অদ্ভুত মেধাবী। কিন্তু দেখো, আজ তা'র কি অবস্থা! অত বড় একটা প্রতিভা চোখের আড়ালেই রয়ে গেল!

আটি। কেরাণীর ছেলে কিনা—তাই!

কেরাণীর জীবন

রবিন। আগেকার দিনে এই কেরাণীর সংসার থেকেই বেঁচেছিলেন
বড় বড় দার্শনিক, বৈজ্ঞানিক, ডাক্তার, প্রফেসর, আইনজীবী,
দেশনেতা, অভিনেতা—কিন্তু আজ ? যাক সে কথা। কি বলছিলেন
যেন— (মিঃকে)

মিঃ। আজ অফিসের পরেই একবার তোমাকে যেতে হবে।

রবিন। নিশ্চয় যাবো।

মিঃ। সন্ধ্যার সময় কিন্তু গেলে চলবে না।

রবিন। না—না—আনি এখন যাব।

সত্যেন। বিধুবাবু কেমন আছেন ?

মিঃ। কষ্ট করে আর যে ক'টা দিন থাকেন।

সত্যেন। বিধুবাবুর সংসারে ভাঙন ধরা মানে, আমাদের
সংসারেই ভাঙন ধরা, বিধুবাবু আমাদেরই একজন। (হঠাৎ) এই যে
Sir,—আম্বন Sir—Good afternoon Sir—

(সহসা গুহ সায়েব প্রবেশ করিয়াছেন)

মিঃ গুহ। Telegram deal করে কে !

সত্যেন। রবিনবাবু।

রবিন। বলুন।

মিঃ গুহ। See, এই Telegramটা দুদিন দেয়ী ক'রে আমার
কাছে পাঠানো হ'য়েছে কেন ?

রবিন। দেখি। [Telegram দেখিয়া) আমি তো পাবার সঙ্গে
সঙ্গেই পাঠিয়ে দিয়েছি।

মিঃ গুহ। Where's your Register ? Telegramটা receive
করে আপনি খাতায় Entry করেছেন তো ?

রবিন। মনে তো হয়।

কেরাণীর জীবন

মি: গুহ। Bring your Register.

(রবিন Register খুঁজিতেছে)

(মি: গুহ রবিনের চেয়ারে পা দিয়া দাঁড়াইলেন। রবিন Register লইয়া আসিল)

রবিন। পা নামিয়ে নিন্। এটা আমার বসবার চেয়ার।

মি: গুহ। Subbish—(টাই নাড়িয়া Smart হইয়া দাঁড়াইলেন)
বের করন কোথায় Entry করেছেন।

রবিন। এইতো আজকের তারিখে Entry করা।

মি: গুহ। (ধমকাইয়া) But why ? আজকের তারিখে Entry
করা হবে কেন ? Post office কোন্ তারিখে ছাপ মেরেছে।
Here's ^{21st Dec} ~~21st Dec~~ but to-day is ^{23rd Dec} ~~21st Dec~~, দু'দিন
Telegram থানাকে detain করা হ'য়েছিল কেন ?

রবিন। বল্লাম তো Telegram থানা আজকে আমি পেয়েছি।

মি: গুহ। You are a liar.

রবিন। ভদ্রতা—জ্ঞানটা পুরামাত্রায় বোধ হয় আপনার মধ্যে
আসে নি।

মি: গুহ। Shut up !

রবিন। কোট, প্যান্ট, টাই পয়্লেই আর অফিসার হওয়া যায় না।

মিঃ। রবিনদা !

মি: গুহ। I shall issue a charge-sheet against you.

রবিন। এতখানি কষ্ট আপনি ক'বেন আমার জন্তে !

মি: গুহ। I will sack you, I will discharge you,
impertinent fellow. আমি তোমার এই Office থেকে চলে
যাওয়ার পথটা, খুব Smooth and easy ক'রে দেবো—See ?
What's your big idea, you are jeering at me ?

কেরাণীর জীবন

রবিন। ডাক্তার ডাক্তে যাবো ?

মিঃ গুহ। Give me your explanation regarding the telegram.

রবিন। Telegramটা বড় সায়েবের ঘরে দু'দিন পড়েছিল। Telegramটার পেছনে বড় সায়েবের সই আছে ! এই দেখুন।

(মিঃ গুহ Telegramটা দেখিলেন)

মিঃ গুহ। Good God ! Dare you play foul with me ? Alright. আমি তোমাকে দেখে নেবো। I will take proper measure for your subversive activities. Mind you boy, my name is Barid Baran Guha. Once I get you in my grip, it will be so difficult for you to make yourself free from my clutches. No tears, no entreaties will stand on my way. I like to pay you back in your own coins.

(মিঃ গুহের প্রস্থান)

রবিন। চাকরি তুমি আমার খাবে কি, আমিই তোমার চাকরি খেয়ে দোবো। অভদ্রলোক কোথাকার !

সত্যেন। সাবান্ ভাই, তোর বাহাদুরি আছে বলতে হবে।

রবিন। বাহাদুরি কিছুই করিনি। অস্ত্রাঘের বিরুদ্ধে আজীবন সংগ্রাম করে যাব।

মিঃ। চলো রবিনদা—

রবিন। চলো—

(মঞ্চ ঘূর্ণায়মান)।

কেরাণীর জীবন

৪১২

—একতলা দালান—

(বিধুবাবু ইঞ্জি চেয়ারে শুইয়া আছেন। বুব অস্থুহ তিনি, মাথার কাছে দাঁড়াইয়া সৌদামিনী বাতাস করিতেছেন)

বিধু। দামিনী—দামিনী—

সৌদামিনী। কি বলছো?

বিধু। পটুলা কেমন আছে?

সৌদামিনী। পটুলার অস্থুথ প্রায় সেরে এসেছে।

বিধু। নীচ থেকে যে ওপরে উঠে ছেলেটাকে দেখতে যাবো এমন ক্রমতা নেই। যাক্, থোকা তা'হলে প্রায় সেরে উঠেছে! ভগবান আছেন উপরে। আমরা মানুষ, দুর্বল আমাদের মন, তাই মাঝে মাঝে বিপদে পড়লে আমরা তাঁর ওপর আস্থা হারিয়ে ফেলি।

সৌদামিনী। একটু কম কথা বলো। এই ওয়ুধটা খেয়ে নাও।

[একটি ছোট টুলে ওয়ুধের শিশি আর গ্লাস আছে]

বিধু। গয়না-গাঁটি আর তো কিছুই নেই দেখছি। হারটা কোথায় গেল?

সৌদামিনী। তুলে নেখেছি।

বিধু। যেহি ত ক িধা দিলে?

সৌদামিনী। ... কেন?

বিধু। ... মনে ... ক'রে আর লাভ কি?

কিন্তু সংসরের বড় খয়াল। যতই মনে ক'রে কারো কথা ভাববো না, কোনও কিছু চিন্তা করণ না ততঃ যেন ভাবনা চিন্তাগুলো জগদল পাথরের মত বুকের উপর চলে এসে।

সৌদামিনী। আবার বেশী কথা নে!

কেরানীর জীবন

বিধু। দেখো গিন্নী, পটুলা একটু সেরে উঠলেই ওকে হাওয়া বদলানর জন্তে ওয়ালটিয়ারে পাঠাতে হবে। সেখানে আমার এক বন্ধু চাকরি কবে।

সোদামিনী। আচ্ছা—আচ্ছা, সে হবে এখন। আগে নিজে সেরে ওঠো তো!

[মিসু ও রবিনের প্রবেশ]

মিসু। কেমন আছো বাবা?

বিধু। একটু ভালো। এসো রবিন, বোসো—

[সোদামিনী ওষুধের গেলাস তুলিয়া লইয়া টুলটী রবিনকে বসিতে দিলেন। মিসু বিধুবাবুর পাশে দাঁড়াইয়া আছে]

সোদামিনী। বোসো বাবা।

রবিন। (বসিল) আগেকার তুলনায় এখন অনেকটা ভালো আছেন আপনি—কি বলুন?

বিধু। ভালো নয় রবিন, মুখে বলি ভালো। তোমার মাসিমার গায়ের গয়না-গাটি আর একটিও নেই, সব কিছু বাঁধা পড়ে গেছে!

রবিন। মিসুর মুখে আমি সব শুনেছি।

বিধু। ঐ একরত্তি ছুধের মেয়ে আমার এত বড় সংসারটা চালাচ্ছে। মিসু যদি আজ চাকরি না করতো, তাহলে আমাদের অবস্থাটা কি হ'ত একবার ভেবে দেখ।

মিসু। কি যে বলো বাবা। মাথার ওপর ভগবান আছেন। তিনি সকলের জন্তেই চিন্তা করেন।

বিধু। রবিন, আমার একটা কথা রাখবে বাবা—

রবিন। বলুন!

কেরাগীর জীবন

বিধু। মিত্র আমার স্বর্ণ-প্রতিমা। রূপে লক্ষ্মী, গুণে সরস্বতী।
বয়স হ'য়ে গেল, ওর বিয়ে দিতে পারলুম না।

মিত্র। আমার জন্তে কেন এত ভাব ছ বলতো?

বিধু। রবিন—বাবা—আমার মিত্রকে তুমি যদি বিয়ে কর, আমি
শাস্তিতে মগ্ন হতে পারব। আজ আমি পথের ভিখিরি। একটি
পয়সাও আমার সঞ্চিত নেই যা দিয়ে আমি তোমাদের বিয়ে
দিতে পারি। কেরাগী জীবনের কি দুর্ভাগ্য, বড় মেয়ের বিয়েতে
খৰ্চা করেছি খুব সামান্যই, তবু যদি জামাইটা বেঁচে থাকতো!
(ক্রন্দন) মাধু আমার থান কাপড় পরে, খালি হাতে আমার সামনে
যুরে বেড়ায়, রবিন—বৃকের ভেতরটা আমার হাউ হাউ করে
কেঁদে ওঠে। (ক্রন্দন)

সোদামিনী। এই দেখো—আবার কঁাদছে! এ ক'দিন তোমার
কি হ'য়েছে বলো তো?

বিধু। মিত্রকে যদি তুমি বিয়ে করতে রাজী হও, আমি তোমাকে
অস্তর দিয়ে আশীর্বাদ করবো বাবা, তুমি সুখী হবে, চিরকাল তুমি
শাস্তিতে কাটাবে। রবিন, হয়তো আমি আর বাঁচব না, আমার শেষ
অনুরোধ তোমাকে রাখতেই হবে। তোমার কাছে এটা আমার ভিক্ষে।

রবিন। এ আপনি কি বলছেন! বেশ, আপনার ইচ্ছা পূর্ণ হ'বে।

বিধু। এঁয়া! মিত্রকে তুমি বিয়ে করবে! আঃ—আঃ—প্রাণে
আজ আমার বড় শাস্তি। মিত্র এদিকে আয়—এদিকে আয় মা—
রবিন কাছে এসো বাবা—

(মিত্র ও রবিন দুইজনে বিধু মুণ্ডজোর দুই পাশে আসিল। বিধুবাবু দুজনের
হাত এক করিয়া দিলেন।)

কেরানীর জীবন

রবিন, আজকে আমি মিলুকে তোমার হাতে সম্ভ্রদানকরলাম,
সাক্ষী রইলেন একমাত্র ভগবান—।

(মঞ্চ ঘূর্ণায়মান)

৪।৩

—পটলার শয়ন কক্ষ—

[পটলা শয্যা শায়িত । মাধুরী শয়ন-শিয়রে উপবিষ্ট । মাধুরী মাথার হাত
বুলাইতেছে । ওষধ পত্র ইত্যাদি একটি ছোট টেবিলের উপর রহিয়াছে ।]

পটলা । দিদি আর শুয়ে থাকতে পারি না । আমাকে—আমাকে
বসিয়ে দে । নিঃশ্বাস নিতে বড়ই কষ্ট হচ্ছে আমার—দিদি কঁাদ্চিস্ ?

মাধুরী । কই না ।

পটলা । তোদের আমি অনেক কষ্ট দিয়েছি—না ?

মাধুরী । না না, কষ্ট আবার দিলি কবে ? এই নে ওষধটা খেয়ে
ফেন্ ! (ওষধ কস্ বহিয়া পড়িয়া গেল)

পটলা । হাঁ দিদি, আবার আমি বাঁচব ? ডাক্তারবাবু কি
বল্ছিলেন—সত্যি ক’রে বল্না দিদি ?

মাধুরী । অল্প তোর অনেকটা সেরে গেছে ।

পটলা । তবে কেন নিঃশ্বাস নিতে কষ্ট হচ্ছে ? (কাশি)
খুখু ফেলবার জায়গাটা দে । আর কাশ্‌তে পারি নারে, পেটে বড়
ব্যথা হয়ে গেছে ।

মাধুরী । পেটে একটু হাত বুলিয়ে দেবো ?

পটলা । দিদি তোর চোখ দু’টো ছল্‌ ছল্‌ ক’রে কেন ?

মাধুরী । নারে—না ।

পটলা । দিদি আমি তোকে বরাবরই খুব ভয় ক’রে এসেছি ।
আমি মনে করতুম তুই বড় কঠোর ; ভগবান তোকে ইম্পাত দিয়ে

কেরাগীর জীবন

তৈরী করেছেন, কিন্তু এখন দেখছি (কাশি) আঃ—আঃ—আর পারি না—দিদি, চাপ চাপ রক্ত উঠছে। তুই কাছে থাকিস্নে দিদি, পালিয়ে যা।

মাধুরী। বেশি বকো না ছুটু ছেলে—

পটুলা। দিদি, তুই আজকাল আমাকে এত আদর করিস কেন—
ম'রে যাব ব'লে ?

মাধুরী। (কান্নায় কাটিয়া পড়িলেন) ওরে, না'রে না—বালাই ষাট।

পটুলা। বাবা কেমন আছেন ?

মাধুরী। বাবা প্রায় সেরে উঠেছেন—

পটুলা। মা কোথায় ?

মাধুরী। ঠাকুর পূজায় বসেছেন।

পটুলা। মিছ—?

মাধুরী। রান্না করছে।

পটুলা। বুলু—?

মাধুরী। বাসন মাজছে—

পটুলা। ঝিকে ছাড়িয়ে দিলি কেন ? বুলুর বাসন মাজতে কষ্ট হবে না ?

মাধুরী। তুই একটু চুপ করে থাক ভাই।

পটুলা। সকলকে একবার ডেকে আন দিদি, ভাল ক'রে দেখে নিই, মনে হচ্ছে দিদি তোদের যেন কতদিন দেখিনি। (কাশি)
আঃ—আঃ—আঃ—

(বাড়ি ও'জিয়া পড়িয়া গেল)

মাধুরী কি হ'লরে পটুলা ? কি হ'ল ভাই ?

(শব্দিত)

কেরাণীর জীবন

পটলা। আঃ—আঃ—মাকে একবার ডেকে দে..... সকলকে
ডেকে দে...দিদি...দিদি...

(পটলা হাঁপাইতেছে, ছট্‌ফট্‌ করিতেছে)

মাধুরী। কি হ'য়েছে ভাই ?

পটলা। বুকের ভেতরটা...বুকের ভেতরটা.. কি রকম ক'স্ছে
সব...সব...অন্ধকার হ'য়ে আস্ছে— (পটলা শাস টানিতেছে)

[মাধুরী ভয়ে চীৎকার করিয়া উঠিল]

মাধুরী। ওমা—মাগো—(গলা কাঁপিতেছে) পটলা কি রকম
ক'স্ছে...

পটলা। তুই কাঁদিস্নি দিদি...আমার...আমার কিছু হয়নি
আঃ—আঃ—

[উত্তিতে গিয়া পড়িয়া গেল]

মাধুরী। মা—মা—

(চীৎকার করিল)

[সোদামিনী ছুটিয়া আসিলেন]

সোদামিনী। কি হয়েছে মা—

মাধুরী। পটলা কি রকম ক'স্ছে।

[সোদামিনী পটলার মাথা কোলে তুলিয়া লইলেন]

সোদামিনী। কি হ'য়েছে বাবা ? (অশ্রুনিরঙ্ক কণ্ঠ)

পটলা। মাগো তোমার পা ছুটে! কোথায় একটু.....একটু.....

পায়ের ধুলো দাও, অনেক জালিয়েছি মা...অনেক কষ্ট দিয়েছি।

সোদামিনী। চাঁদ আমার, মানিক আমার কষ্ট হচ্ছে ?

[দুই হাত দিয়া ছেলেকে বুকে জাঁকড়াইয়া ধরিয়াছেন]

পটলা। (কাশিতে কাশিতে) মা—মা—মা—মাগো—

[পিছন দিকে ঘাড় ঝুঁকিয়া পড়িল—মৃত্যু]

কেরাণীর জীবন

সোদামিনী । কি হ'ল, কি হ'ল মাধু ! তবে কি—তবে কি—
চাঁদ আমার মণিক আমার, ওরে—ওরে পটুলা কথা ক'—

[মিনু ও বুলু ছুটিয়া আসিয়া পটুলার উপর লুটাইয়া কাদিতে লাগিল]

মাধুরী । চুপ কর মা, বাবা এখনি শুনতে পাবেন—

[নেপথ্যে] বিধুবাবু । কি হ'য়েছে রে মাধু ?

মাধুরী । বাবা শুনেছেন বোধ হয়—

[রবিনের কাঁধে ভর দিয়া বিধুবাবু প্রবেশ করিলেন]

বিধু । কি হ'য়েছে মাধু ?

মাধুরী । কিছু হয় নি বাবা ।

[মাধুরী পাগরের মত বসিয়া আছে]

আপনি আবার এ ঘরে এলেন কেন ?

রবিন । চলুন কাকাবাবু—

বিধু । তুই যে তবে টেচিয়ে উঠলি ! পটুলা কেমন আছে ?

মাধুরী । (কাদিতে কাদিতে) পটুলা ভালো আছে বাবা ।

বিধু । তুই কাদছিস ! দামিনী স্থির দৃষ্টিতে চেয়ে আছে—এ
সবের মানে কি ?

মাধুরী । পটুলা ঘুমচ্ছে বাবা ! (কাদিতেছে)

বিধু । ঘুমচ্ছে ! ঘুমচ্ছে ! ও সব চালাকি আমি ঢের বুঝি ।
আমাকে ছেড়ে দাও রবিন—

রবিন । কাকাবাবু !

বিধু । না—না—আমাকে ছেড়ে দাও, ছেলেটাকে আমার
জু'চোখ ভ'রে দেখে নিই ।

(রবিনের হাত হইতে বাহির হইবার চেষ্টা করিতেছেন ।)

বিধু । ঘুমচ্ছে ! পটল ঘুমচ্ছে !

কেরাগীর জীবন

মাধুরী । হাঁ বাবা, ডেকো না, ওর ঘুম ভেঙে যাবে—

বিধু । [কাঁপিতেছেন] তুই এখনও আমাকে মিথ্যে কথা বলছিস মাধু । [ক্রন্দন] পটুলা নেই...আমার পটুলা নেই ?

[ছুটিয়া পটুলাব কাছে গেলেন এবং পটুলার মাথায হাত বুলাইতে বুলাইতে কাঁদিয়া উঠিলেন]

বিধু । থোকা ! বাবা ! চলে গেলি—আমাকে ছেড়ে চলে গেলি—! ওরে, চব্বিশটা বছর আমি যে তোকে খাইয়ে পরিয়ে এত বড করলুম—সব মায়া কাটিয়ে তুই চলে গেলি ! থোকা—বাবা—থোকা—

[বিধুবাবুর দেহ সহসা মাটিতে লুটাইয়া পড়িল । পুত্রশোকে তিনিও পৃথিবীতে শেষ নিঃশ্বাস ত্যাগ করিলেন]

মাধুরী) ~~কি হল বাবা !~~ [উৎকণ্ঠিত হইয়া]

মিষ্ট । বাবা—

বলু । বাবাগো—

[বিধুবাবুর উপর লুটাইয়া মেয়েরা কাঁদিতেছে । রবিনের চোখ দিয়া টপ টপ করিয়া জল পড়িতেছে ।]

মিষ্ট । [অশ্রুনিরঙ্ক কণ্ঠ] কি হল রবিন দা ?
রবিন । কেরাগীর জীবন শেষ হ'য়ে গেল ।

[সৌদামিনীর চোখে জল নাই । পাষাণীর মত স্থির হইয়া তিনি বসিয়া আছেন ।]

(ড্রপ)